

АНВАР ОБИДЖОН

**ГУЛМАТ ШОШИЙНИНГ
ЁВВОЙИ ДЕВОНИ**

АНВАР ОБИДЖОН

ГУЛМАТ ШОШИЙНИНГ
ЁВВОЙИ ДЕВОНИ

Назмий ҳангомалар

ТОШКЕНТ

20__

Ишингиз юришиб, бу китобга бир дуч келиб қолган экансиз, ҳеч иккиланиб ўтирмасдан, бирйұла күпроқ сотиб олаверинг. Ұни кулгисевар дўстларингизга совға қылсангиз, кейинчалик Сиздан жуда-жуда миннатдор бўлиб юришиларига асло шубҳа йўқ. Бинобарин, чапаниларнинг чапаниси сифатида донг таратган Гулмат Шоший ҳангомалари илгари тўрт марта нашр этилишига қарамай, тезда қўлма-қўл бўлди кетди. Шеърларда XIX аср охирлари, XX аср бошларидағи муҳит ва воқеалар яққол акс этиб туради, руҳи ва тили ҳам ўша даврга хосдири.

Бу тўпламга Гулматнинг невараси бўлмиши Кулкул афанди газаллари ҳам киритилди. Ўқиб кўриб, неваранинг бободан қолишимасликка уринганига амин бўласиз.

Бир китоб кулгини ўқиб, бир қон семириб юраверинг.

БЕЗГАКШАМОЛ
ёки
Гулмат Шоший ҳангомалари

*Безгакшамол, кел, кел,
Ялангочга қўн, қўн!..*

Болалар айтимларидан.

**ГУЛМАТ ТИЛИДАН
ЧАПАНИ ЯЛЛАЧИЛАР ТЎҚИГАН
АШУЛА**

Фазода Ер билан бирга учиб сайёра Гулматман,
Дили оқ якtagу қўзи калишдек қора Гулматман.

Тонгда машшоқни созига, тунда дилбарни нозига,
Кунда ётларни носига ташна дилпора Гулматман.

Қорин тўйғоч қомати нор, қорни очса мўлтайиб зор,
Гаҳи бойваччаю пулдор, гаҳи бечора Гулматман.

Ҳаёт қийноғидин толсам, ёмон устимға от солса,
Магар бошим бутун қолса, баҳти фаввора Гулматман.

Омонатсан деманг Ерда, яшар номим қизиқ шеърда,
Кеча ўтди, келур эрта, бугун шу ора Гулматман.

Жаҳон майхона, э Гулмат, бурундош шодлигу ғурбат,
Овлайн деб ширин улфат ҳануз оввора Гулматман.

Юртда бир баҳши Гулматман,
Ухласам яхши Гулматман...

ЁВВОЙИ ҒАЗАЛЛАР

ЁВВОЙИ ҒАЗАЛ, РАҚАМ 1

Шоириңгни йўлга бошла, ямоқ тушган чориққинам,
Вале сарой шоиридин пешонаси ёруққинам.

Ўтиб Риштону Боғдоддин Кўқонга шом кириб борсак,
Кутиб олгай Собир малла – соч-соқоли сариққинам.

Забт этиб Яйпанни таппа ва Пунгонни олар бўлсак,
Чойхонада берурман дам, пошнаси йўқ ориққинам.

Бўлуб Қамчиқ довон ишғол, қолуб Оҳангарон ортда,
Киурмиз Шошга биз мағрут мадор берса ҳолиққинам.

Шошда шоирни не кутса санго ҳам шу эрур қисмат,
Э чорифим, тақдири ман – эгосига боғлиққинам.

Жангга телба яғоч отда кирғонидек, далли Гулмат –
Кутар яғоч қаламдин ризқ... Хайр, Олтиариққинам.

1985 йилда тикланди.

ЁВВОЙИ ҒАЗАЛ, РАҚАМ 2

Аёғинг тортмоғон ерга айланиб бормоғон яхши,
Дилинг тортса, балодин ҳам бенасиб қолмоғон яхши.

Чиқимға дуч келар эрсанг эртани тез рўкач қилғил,
Бугунги ул текин ошни кейинга сурмоғон яхши.

Зиёфатлар эса хил-хил, иштаҳангким эса карнай,
Ўзинг ялғон сипо айлаб, тортиниб турмоғон яхши.

Кўп ўйланма бу неъматлар ҳалолданму ҳаромдан деб,
Узумни жимгина кавшаб, боғини сўрмоғон яхши.

Вале як бор бериб авқот, сани ду бор талар бўлса,
Онингдек сулланинг афтин умрбод кўрмоғон яхши.

Фикр бирла яшаб Гулмат ўта ноёб ўгит айтмиш:
Бирордик олғонинг мақбул, бирорвға бермоғон яхши.

1979 йилда тикланди.

ЁВВОЙИ ҒАЗАЛ, РАҚАМ 3

Бешяғоч бозорида юрғон эдим тинглаб ғовур,
Бир мусоғир сўрдиким қайда деб Шайхонтовур.

Ман дедим: шундин юриб, шунғо бориб, шундоғ бурил,
Учрагай бир тўп бақа булбул бўлиб турғон зовур.

Кўфригин таслим этиб ўтғоч зовурдин нарига,
Тўғри юр хуштакфуруш аттори бор жойга довур.

Сўнг бурил чапроқ яна сертошу туфроғ кўчадин,
Тўҳтама келгунча дуч лағмон чўзиб турғон повур.

Сан онинг лағмонидин уч-тўрт қулоч ютқон бўл-у,
Аста йўл сўрсанг кейин сўйлайди ростин, ҳайтовур...

Кетди ул қуллук ила, боксамки – чўнтак қуп-куруқ,
Вайсатиб Гулматни, вах, картмонни урди киссавур.

1981 йилда тикланди.

ЁВВОЙИ ҒАЗАЛ, РАҚАМ 4

Бул бароқ кирди уйимға бир балони ахтаруб,
Ул гўзал келса нетарди ман гадони ахтаруб?

Ул гўзал келса бокурди кўзларимға меҳрибон,
Бул бароқ боқди қазонга маставони ахтаруб.

Ул гўзал келғайди ман бирла тузурға иттифоқ,
Бул бароқ келмишди ман-ла можарони ахтаруб.

Келса ул, излар эдим болу қанд сўзларни ман,
Келди бул, топмас қўлим эмди асони ахтаруб.

Келса ул, шафқат сўраб саждалар қилғай эдим,
Келди бул шафқат тилаб, мандин Исони ахтаруб.

Келмади лодон гўзал топгали гулгун умр,
Гулмато, лодон бароқ келмиш қазони ахтаруб.

1985 йилда тикланди.

ЁВВОЙИ ҒАЗАЛ, РАҚАМ 5

Фақат оз-моз чўтирдурман, шол эмасман, букирмасман,
Сақол оппоқ, кангул ёшдир, висолдин юз ўгирмасман.

Кечиб гоҳо саждалардан, ичиб обдастадан майни,
Санғигум ёр уйин излаб ки меҳробга югурмасман.

Азал мағрур туғилғонман, мани шердек саботим бор,
Жафо кўрсам уурман оҳ vale молдек бўкирмасман.

Фалак посангиси – танда: бу ёнда дард, у ёнда шавқ,
Бул тарафга қўшмағайман, ул тарафдин ўпирмасман.

Бўлойин мард, келиб жоно мани ўлдирса ўлдирсун,
Севгидан чанг юқибдир, бас, они дилдан супурмасман.

Буюк ишқингга, э Гулмат, у танноз туфлади кетди,
Оғизда – пулга келғон нос, шу боис ман тупурмасман.

1984 йилда тикланди.

ЁВВОЙИ ҒАЗАЛ, РАҚАМ 6

Қулоққа хуш ёқар, дилбар, йироқлардин товуш қилсанг,
Келиб зора бу ҳужрамга мани бир пой ковуш қилсанг.

Сани қўйга алишмасмен, сани қимморга тикмасмен,
Ризомасмен мани сан ҳам бўлак ёра овуш қилсанг.

Қошинг майли камон бўлсун, кипригинг игналар отсун,
Чидар эрдим вужудимни тугал қўрпақовуш қилсанг.

Очиқ гўрга тикиб жуссам нечун мандин йироқ кетдинг,
Нетар бир дам тамоғимға сочингни чирмовуш қилсанг?

Агар сал-пал тутаб турсанг бўлур эрдим ўзим гулхан,
Манам дилни қилурман муз ўзинг қўнгилсовуш қилсанг.

Туни бирла ёзиб мадҳинг ётур девонаи Гулмат,
Тўёдирман жамолингга кўкрагимни болуш қилсанг.

1979 йилда тикланди.

ЁВВОЙИ ҒАЗАЛ, РАҚАМ 7

Қоқ пешин чоғида ман саллона келдим Ўрдага,
Забт этиб ошхонани, ёлчай дедим мошхўрдага.

Нозланиб, авқот ичиб ўлтиур бир сарвиноз,
Ёнида ўйноши ҳам турғонди ўхшаб мурдага.

Бордиму одоб ила дамаға бердим салом,
Турткилаб ўйношини, жуссамни суқдим ўртага.

Чарх уур икки қошуқ, ўртада ёғлук патир,
Таклифи бўлмай туриб қўлни узотдим бурдага.

Иккови боққон эди ҳайратни жамлаб афтиға,
Ўзни ман телба-тезик аҳволға солдим жўрттага.

Кулчадин меъдам қонуб, ақчани айлаб тежам,
Гулмато кетдим жадал фотиҳа тортиб сурпага.

1981 йилда тикланди.

ЁВВОЙИ ҒАЗАЛ, РАҚАМ 8

Бу кун ёр сержаҳл эрса кутай серханда бўлғунчо,
Унут қилса умид боғлай хаёли манда бўлғунчо.

Ҳаром ўлма бу ишқдин деб мазахлайдир Эмин-эчки,
Уч эрдин қолғон жувонни севай шарманда бўлғунчо.

Худо онгларми у ўзни ҳуснига қилсалар сажда,
Сабр айлай – кетиб ҳусни, прастўй бандада бўлғунчо.

Қаёнки ёр жадал қилса юройин ортидин сарсон,
Қилай қурбон чориқни, ҳай, кезойин жанда бўлғунчо.

Хон қолиб, қизларни мақтаб, ана, Машраб борур дорга,
Аёл ҳақда ёзай ман ҳам гўрим Дўрмонда бўлғунчо.

Машойихлар демишларки: “Шароб келса, кетур қайғу...”
Ич-е, Гулмат, оғиз карнай, қорин чирманда бўлғунчо.

1983 йилда тикланди.

ЁВВОЙИ ҒАЗАЛ, РАҚАМ 9

Порахўр, эй, молу дунё хирси кир қонингдин айлансан,
Анқаюб гар аҳли ғафлат келса қопқонингдин айлансан.

Кисса овла, киссавурлар тентисинлар қолуб беиш,
Қароқчилар яқо ушлаб, лол бўлуб ёнингдин айлансан.

Гўл мижозни товуқ онглаб патин юлгил бўлиб тулки,
Тухумни нақ ол-у, ётлар сепмаган донингдин айлансан.

Димоғдор бўл, юкунсинлар, бири ўпсин аёғингни,
Бири тиззангга бош урсин, қўллари сонингдин айлансан.

Аёлдек ё ўзинг юмшоқ тутиб Лайли мисол нозлан,
Алар бўйдоқ Жунун янглиғ ишвали онингдин айлансан.

Вале пора умид қилма бу Гулматдин, қўйиб сиртмоқ,
Ўша сиртмоқ ўзгунангни жиғилдонингдин айлансан.

1982 йилда тикланди.

ЁВВОЙИ ҒАЗАЛ, РАҚАМ 10

Азимбойнинг уйи, ҳай-ҳай, қасри султонни эслатғай,
Қатор қирқинчи ламполар ёнар қумғонни эслатғай.

Бошу думсиз хўтиқ янглиғ туурур кенг хонада истол,
Қориндор ул самовори Тўлан полvonни эслатғай.

Деворда бир фаранг милтиқ пўлат шамшир ила чирмаш,
Дарчада оқ узун парда узун иштонни эслатғай.

Гилам дилни қилур ҳуфтон – илож йўқ нос туфурғони,
Мушук ухлар калаввотда, суюқ жононни эслатғай.

Сумакдин бой тутун тортиб, кийиб оврупча бошмоқ,
Юрур там-там, шляпоси бузуқ айвонни эслатғай.

Йигиб қиммат матоҳларни давр сургинг келур, Гулмат,
Вале киссангдаги аҳвол санга арzonни эслатғай.

1982 йилда тикланди.

ЁВВОЙИ ҒАЗАЛ, РАҚАМ 11

Бўзанинг савдоси тушди бошима бошдин яна,
Маст келиб қилдим хўрак пишмаган мөшдин яна.

Сирғаниб остонада синди энг охирги тиш,
Ишқилиб айрилмайин кўз, бурун, қошдин яна.

Бошлади фарёдларини уйгониб бевақт хотун,
Бу шалоқ ожизага бер, эгам, дошдин яна.

Илк наҳор уйдин қочиб санғидим хомуш, гаранг,
Йўл тўсиб, қарзлар сўраб кексаю ёшдин яна.

Не сабаб кўрғоч мани қувлағай итлар улиб,
Қанжиғи бўлмиш чўлоқ отғоним тошдин яна.

То сахар майхонада оч ётур Гулмат ваванг,
Қолмишам пайшанбада бенасиб ошдин яна.

1980 йилда тикланди.

ЁВВОЙИ ҒАЗАЛ, РАҚАМ 12

Келур икки сулув, ах-ах, нозлари мўллағон эрди,
Бири ғунча эди паққос, бири сал гуллағон эрди.

Худо урғон эса бизни ки ёшлиқдин бужур айлаб,
Бу икковни ясаб силлиқ эгам ҳам қўллағон эрди.

Ҳайит айёмида адрес аларни зап очибдурки,
Кўзим ўйнаб, ёниб ўпкам, тамоғим чўллағон эрди.

Табассум қилса деб зора ҳайитлик берсам олмайлар,
Алар балки табассумин тонгдаёқ пуллағон эрди.

Кетлариға тикилсам лол деди ақлим қидир иймон,
Бузук ўйларни лек шайтон бошимға дўллағон эрди.

Алар юлдуз ахир, Гулмат, на қўл етғай, на пул етғай,
Сани тақдир тамошшога шунчаки йўллағон эрди.

1984 йилда тикланди.

ЁВВОЙИ ҒАЗАЛ, РАҚАМ 13

Э сабо, айт бориб арзим ўша қози калонимға,
Жавоб қайтармаса¹

Сафарбар айлабон бизға юборсин зўр табибларни,
Баччағар ишқ босиб келмиш човут солғонча жонимға.

Кўзим тунлар – очиқ дарча, юрак – ёнғиндаги хужра,
Азоб мундин эди камроқ пучак чикқандада сонимға.

Туртиниб от-эшакларга гаҳи йўлда гаранг юрдим,
Мани извош эзид кетса уволим ул жувонимға.

Келмади ёр кеча кутдим, қолиб бир коса ош фойда,
Бор-е, мардлик қилай, майли, бу кун келсун зиёнимға.

Аёл зотин азал, Гулмат, жиним суймас эди, аммо –
Алар гоҳи қилиб сурлик кириб олғай девонимға.

1983 йилда тикланди.

ЁВВОЙИ ҒАЗАЛ, РАҚАМ 14

Бу нечук шоир деманг, асли ман носоғроқ,
Ёзғоним шаклан ғазал, лек ўзи бармоғроқ.

Ҳарқалай шеъримда бор маъни-ю, оз-моз фикр,
Кўп ахир аҳли қалам мандинам маймоғроқ.

Кимса дер: “Қилсанг ҳажв, бекнимас пастроқни ур,
Тинчгина авқот еюр бўлса ким қўрқоғроқ”.

Асли чин ашъорнавис ёзмағай оддий баён,
Барчани ўйлантирур гап отиб илмоғроқ.

Дард чекиб битсам ғазал босмағай туркий газет,
Ўлтирур унда бирор фаҳми сал тарқоғроқ.

Ул деди: “Гулмат, жўна, пайтава қилмам шеъринг”,
Лек ўзин ёзғонлари бундинам пайпоғроқ.

1979 йилда тикланди.

¹ Кўпнукталар ўрнидаги сатрлар асл нусхада ўчиб кетгани учун ҳозирча тиклай олмадик.

ЁВВОЙИ ҒАЗАЛ, РАҚАМ 15

Аё шоир, ёзувни бас қилмағонингга қарсаклар,
Даҳолардин ўзингни паст билмағонингга қарсаклар.

Бирорлар тўрт қилиб қўзни висол оқшомини қутфай,
Аёл зотин назарға кўп илмағонингга қарсаклар.

Текин майлар симирдинг gox ўқиб майхонада ашъор,
Кўп ўқиб, кўп ичиб қўйғоч ўлмағонингга қарсаклар.

Боқиб оламга сўнг сархуш билмадинг тўйми бу, аза,
Офаринким тўқмадинг ёш, кулмағонингга қарсаклар.

Элинг сандин кўрмади наф, зиён ҳам етмағай асло,
Экмағонингга афсус, лек юлмағонингга қарсаклар.

Замонсозлиғ демай, Гулмат, амалдорларни ҳажв этдинг,
Авомдин жирканиб бағрин тилмағонингга қарсаклар.

1980 йилда тикланди.

ЁВВОЙИ ҒАЗАЛ, РАҚАМ 16

Кулиб омад, ишларим бир юриб кетса, ажаб эрмас,
Мани нозир дебон хоқон амр этса, ажаб эрмас.

Ҳама мингбошилар бир-бир келиб савғо бериб бўлғоч,
Итимфа бек хушомад-ла суюк тутса, ажаб эрмас.

Кийиб кўкракяланг қўйлак ва дарчамға отиб олма,
Момиқ қизлар қўзин зимдан қисиб ўтса, ажаб эрмас.

Кайф қилсан уриб-судраб, уят сўзлар деган миршаб
Аёғимдин ўпидиб кафшим лойин ютса, ажаб эрмас.

Сарой шоирлари мандин кутиб эҳсон ила унвон,
Таҳорат қилғоним ҳақда ғазал битса, ажаб эрмас.

Аё Гулмат, чилим тортиб ки мастона хаёл сурма,
Хотин ўқлов олиб уйда сани кутса, ажаб эрмас.

1979 йилда тикланди.

ЁВВОЙИ ҒАЗАЛ, РАҚАМ 17

Аё фарзанд, аввало Сиз онни рози қилғайсиз,
Бир умрға ўзингизға отони қози қилғайсиз.

Кичиклардин туриб катта, кериб тенгдошга сал кўкрак,
Вале манга салом айлаб дуони орзи қилғайсиз.

Хушомадлар бажо этманг киши Сизға эса тобе,
Бироқ ўзни казоларға кўча таннози қилғайсиз.

Тулакзода жувонларға бўйин эгманг бўлиб лодон,
Наҳот дилни овчига Сиз газзанинг¹ ғози қилғайсиз?

Яна хушёр суриб даврон ғанимлардин туринг огох,
Кўзингизни мушук айлаб, бурунни този қилғайсиз.

Насихатлар битур Гулмат, савоб бизға насиб этсун,
Бу сўзлардин ясаб танбур юракнинг сози қилғайсиз.

1980 йилда тикланди.

ЁВВОЙИ ҒАЗАЛ, РАҚАМ 18

Бўш қолуб чиқдим бу кун қилғони ялло Хадрада,
Елкада янги чапон, бошимда салло Хадрада.

Тўғрию ҳам эгрию омухта эрди кўчада,
Фозилу девонаю нодон-ла мулло Хадрада.

Кўшхачир извошида ўтди амалдор ялпаюб,
Билмаган дейдир: “Бу дам кезмоқда олло Хадрада”.

Тўхтади кўнка² келиб, ёприлди одам устма-уст,
Мамлакат тинчdir вале бошланди ғавғо Хадрада.

Кўнкага чиққоч дедим: “Танга йўқ, қилгум дуо”,
Паттачи аиди: “Бабо, ўтмайди хилло Хадрада”.

Нос отиб Гулмат яёв Чорсуга юрдим ғозлануб,
Қолди бир жонон манго бўлғонча шайдо Хадрада.

1981 йилда тикланди.

¹ Газза – овчилар кўл бўйига курадиган пистирма.

² Кўнка – трамвай.

ЁВВОЙИ ҒАЗАЛ, РАҚАМ 19

Ўлтирибман ошиёнда қандни чойга чўқтириб,
Ки қорунни бўлка нонга, ўзни ғамга бўқтириб.

Бол дудоғин ёшурғоч ул эмди қанд ҳам доридир,
Қувди бизни дафъатан ёр аввалига тек туриб.

Мулла Равшан Зулхуморға бўлди шайдо, топди шон,
Ман юрибман бир “хамак”ка обрўйимни тўқтириб.

Эрса Лабзак ичра шод ул, ман Чилонзор ичра хор,
Боғда гулни ўзи ҳидлар бизга носни чектириб.

Қолса мансиз кимни топғай, бунча нодон курмағур?
Зора қайтса сал фаҳмдин калласига эктириб.

Ўзни манга этма душман, қийнама, э мочахар,
Ошна қилсанг Гулматингни, юрмағайдинг сўқтириб.

1983 йилда тикланди.

ЁВВОЙИ ҒАЗАЛ, РАҚАМ 20

Хиргойи-ла бодани улфатга беринг, ҳов,
Ё бедасоч бир паритурхатга беринг, ҳов.

Маъшуқаю дўстга текин қулги улошиб,
Зардани бегонага қимматга беринг, ҳов.

Уйда хотун гарданиға орting қаҳрни,
Тил болини тўқмада¹ сухбатга беринг, ҳов.

Барча садоқатли жўра қолсин гурунгда,
Бебурдни оқ поишшога хизматга беринг, ҳов.

Ўрламасин даврага пулдору димоғдор,
Шоирни топиб гапни шу сердардга беринг, ҳов.

Ахли димоғдорға молу тахту сарой хўб,
Қатра маю қизларни Гулматга беринг, ҳов.

1984 йилда тикланди.

¹ Тўқма – ҳар ким уйидан масаллиғ ё егулик олиб чиқиб, ўртада қилинадиган улфатчилик.

ЁВВОЙИ ҒАЗАЛ, РАҚАМ 21

Кеча майхонада тўрт дўст бажо қилдик айш тунги,
Фароғатга эдик ташна, кангуллар ғаш эди чунки.

Бобо Кайфий деган эркан: “Ўлиш йўқки – тўйиши йўқдир”,
Бўшатдик қўп қадаҳни, ҳар сафар деб: “Ушбуси – сўнгги!”

Назарқул оштовоқ ушлаб бошлади дафъатан хониш,
Мов¹ мушукнинг фифонини эслатурди товуш мунги.

Кўшни қиз таърифин сўйлаб тўкурди кўз ёшин Гаффор,
Сузарди май уза маҳзун мўйлабидин тушиб юнги.

Матқовул бир кўза майга алиш айлаб чопонини,
Баҳона сўнг топиб дерди: “Ўзи торроқ эди енги”.

Харжладик сўм-тийинларни, сотиб ичдик кийимларни,
Ҳужрама илк сахар Гулмат кириб келдим тутиб лунги.

1981 йилда тикланди.

ЁВВОЙИ ҒАЗАЛ, РАҚАМ 22

Эски Жўва қаторинда кичик дўкон очиб қўйдук,
Сотувға сўнг майиз-туршак, зира-зирка сочиб қўйдук.

Сартарошлиқ тегиб жонга, кечиб қайчи ва қайроқдин,
Дўконга бир қошиқ-ўлчов, иптарозу осиб қўйдук.

Ширин улфат келиб қолса ўчоқда ёғ бўлур “жиз-биз”,
Чўзиб чандир яна юзлаб мижикларни ғажиб қўйдук.

“Фақирға ким солиқ солса онинг бўйни узулсин”, деб,
Пешайвонга йўғон-ўқлов ҳарфларда ёзиб қўйдук.

Бирон шабкўр харид қилмай ўтар бўлса, йиқитғони –
Дўкон олдиға уч-тўртта кичик ҳандақ қазиб қўйдук.

Кўрунг, Гулмат иши бешдир, дуруст кампир топинг эмди,
Мана тўйга бўлиб тайёр пича ақча босиб қўйдук.

1983 йилда тикланди.

¹ Мов – баҳорда эрсираган мушук.

ЁВВОЙИ ҒАЗАЛ , РАҚАМ 23

Келибдур бир мулла ўғлон ёнимға илтимос айлаб,
Деди: “Сўйланг хотунни бошқарув ҳақда оғоз айлаб”.

Ўгитларни тўкиб бисёр дедим: “Бездир хотунни сан,
Бало орттирмағил бошга ўзингга ишқибоз айлаб”.

Давом эттим: “Хато қилма яна айтиб ширин сўзлар,
Ақлли эр берур таълим муштини обжувоз айлаб”.

Дедим сўнгра: “Хотун қўпдир, вафодори эса кам-кам,
Талоқни ҳеч дариф тутма бирорға боқса ноз айлаб”.

Ва уқтиридим: “Биродарлар аро сақлай десанг обрў,
Ўзингни шерпадар кўрсат, хотунни қўймижоз айлаб”.

Дедим Гулмат: “Бориб эмди у нопокни танобин торт,
Хотундин кўп гапирирдинг мани ҳам бенамоз айлаб”.

1980 йилда тикланди.

ЁВВОЙИ ҒАЗАЛ, РАҚАМ 24

Полиззорим сори тунда ғалат ҳайвон босиб келмиш,
Не ҳайвонки, неча чақрим йироқдин ҳид сасиб келмиш.

Алимқулдин сўраб билсан олинг номи экан тўнғуз,
Таранг қопда гўштмидир ё ўрмаловчи ҳасиб келмиш?

Қорун тўйғоч секин қайтмай, ёриб борлик қовунларни,
Омоч тишлар билан бир-бир палакларни қазиб келмиш.

Яшар эркан тўқайларда ўзи асли титиб балчиқ,
Текин гурвак¹ тиқойин деб қорунни бўш осиб келмиш.

Эгам қўшди неча хар ва хачир ризқин томорқамға,
Ман ўргилдим худосиздин, бу ҳам излаб насиб келмиш.

Сабр қилсанг бало ўтғай яна бир бор чида, Гулмат,
Бу тақдир кўп балоларни пешонангга ёзиб келмиш.

1980 йилда тикланди.

¹ Гурвак – қовун тури.

ЁВВОЙИ ҒАЗАЛ, РАҚАМ 25

Манго от бермадинг – сатқай, худойим, кел, эшак бергил,
Эгар-жабдуқниям созлаб эшакка сал безак бергил.

Ўзинг сўнгра оғил қурдир, сувоқни ман қиласай, майли,
Агар емни дариф тутсанг хашак ёки печак бергил.

Эшакни урмасин ўғри, они томда ётай пойлаб,
Шолчаю эски бўйрам бор, пахталироқ тўшак бергил.

Яна очман, мани баски яратдингму – келиб тўйдир,
Топилса қазидин чўзгил, йўқ десанг, ҳай, ичак бергил.

Дема: “Ул-бул тилар эрсанг, бориб масжид ибодат қил”,
Фақирдирман, манго аввал ки обдаста, кесак бергил.

Эшак сўрғон эди Гулмат, солиқбонни юбординг сан,
Берар бўлсанг сўра олдин, керак бизга десак бергил.

1983 йилда тикланди.

ЁВВОЙИ ҒАЗАЛ, РАҚАМ 26

Мақтағон оқпошшоси лол қилди мани,
Фармони ул қаддимни дол қилди мани.

Шош элидин ишга сўрабдур мардикор¹,
Мунча ювош онглади, мол қилди мани?

Ёшни олар эрмиш деса, хийла топиб –
Кўйдим соқол, ҳафтада чол қилди мани.

Пошибониям сўқдим қўшиб фармонига,
Болсўз эдим, қалбаки бол қилди мани.

Мушт кўтариб чиқсанг агар етмас кучинг,
Зўрлаб соқов, кўр ҳамда шол қилди мани.

Гулмат каби ҳақгўй ила олам гўзал,
Дунё – келин, лабига хол қилди мани.

1982 йилда тикланди.

¹ Чоризм томонидан туркестонликларнинг мардикорликка олиниши.

ЁВВОЙИ ҒАЗАЛ, РАҚАМ 27

Чиқиб айвонга оҳ урсам Лабзагу Соғибон ўртар,
Ҳама қўшнум хотун топди, висол бизни ҳамон ўртар.

Мани гумдон қилур бу ишқ, бузоқни қатл этур қассоб,
Мани гулюз куюнтириғай, кучукни устихон ўртар.

Забун ҳолим бўлиб достон эсланур амри маъруфда,
Йиғлатубон муazzимни юракни ҳар аzon ўртар.

Сотиб кафшимни май ичсан, ўзимдан типпа-тик кечсан,
Шу пиёнму ўша Мажнун дебон элни гумон ўртар.

Юрак, буйрак, жигар, ўпкам куйиб тўрт сих кабоб бўлди,
Жигилдон истамай авқот буёқда ошқозон ўртар.

Офати ишқ мани токай ёкур ўтда дема, Гулмат,
Бешинчи кун кетур бу дард вале тўрт кун ямон ўртар.

1984 йилда тикланди.

ЁВВОЙИ ҒАЗАЛ, РАҚАМ 28

Биродар, юр, кетайлик тез, келур биз ён Сафар ифлос,
Тўқир мишмиш, тўқир иғво ки шайтондин батар ифлос.

Қазонлардин қаро юқса, ямонлардин бало юққай,
Кўшилса у сану манга бўлурмиз уч нафар ифлос.

Бекор қолса ташийдир гап бобосидин момосига,
Қилиб гиж-гиж, тамошобин бўлодир, шу қадар ифлос.

Нафас олса – ҳаво айнир, сувин ичса – чеҳак макруҳ,
Ухласа ул – покланур тун, гар уйғонса – сахар ифлос.

...Йироқ қочмоқ бўлиб ондин, секин дўстимни туртғонча –
Бурилғонимда, ортимдан сочиб қолди заҳар ифлос.

Деди: “Гулмат, ўл-а! Ўзга йигит-ла кетди севгонинг...”
Кўрунг топган гапин, ҳатто у еткурган хабар ифлос.

1980 йилда тикланди.

ЁВВОЙИ ҒАЗАЛ, РАҚАМ 29

Бу дунёning иши чалкаш – гаҳи ойдин, гаҳи зулмат,
Азал ишни қилур расво гаҳи тақдир, гаҳи қисмат.

Чимилдиқдин туриб бойлар сани ҳайдар юмушларға,
Бу зўрлашнинг тузук номи гаҳи ишдир, гаҳи хизмат.

Эгилсанг ҳам қулингман деб, инонмасдин қўюр айғоқ,
Талаб қилғай яна сандин гаҳи имзо, гаҳи тилхат.

Бориб дардинг баён этсанг ўзингдин айб топур қозий,
Сани қувлаб юрур сўнгра гаҳи ифво, гаҳи тухмат.

Ялинсак-да яратғонга манго парво қилурсан деб,
Вале иблис бўлур бизга гаҳи устоз, гаҳи улфат.

Китоботни ўқиб боз-боз пишит каллангни, эй фарзанд,
Ҳаётдин дарс берур санга гаҳи Сўқрот, гаҳи Гулмат.

1982 йилда тикланди.

ЁВВОЙИ ҒАЗАЛ, РАҚАМ 30

Шўрвабоп шеърлар бас-е, эмди ман ош қилаюн,
Катта зўр шоирлиғимни дафъатан фош қилаюн.

Бошга дўст солди жафо, алдади қондош яна,
Боз қаламни дўст тутиб, қағозни қондош қилаюн.

Мирзаси бермас салом, ҳокими олмас алик,
Ман алар айбин очуб, қўш кўзин мош қилаюн.

Арз ила борсам эшиқдин қўймади гувбернатўр¹,
Ҳажвиямни дарчасига отгали тош қилаюн.

Етмадим ёр васлиға, қалбиға сан ет, шеърим,
Тунда ул дўндуқчани санга болишдош қилаюн.

Кўп хато қилдим манго телба ҳис раҳбар ўлуб,
Эмди ғўр туйғуга, Гулмат, ўзни ман бош қилаюн.

1981 йилда тикланди.

¹ Губернатор – Чор давлати амалдори.

ЁВВОЙИ ҒАЗАЛ, РАҚАМ 31

Дардга излар эсанг чора они дарддош кишидин сўр,
Қизиктирса сани олам, бозорни “миш-миш”идин сўр.

Ўпич истаб касаллансанг бориб ёрдин шифо сўргил,
Қўймаса гар уйчасиға, эшикни тирқишидин сўр.

Овинг юрмай мабодо сан
..... кўнгли бўшидин сўр.

Хазар этғил порахўрнинг қазонидин, чунончи ул –
Қанчалар егонини ўттиз икки тишидин сўр.

Дуруст ошно тилаб қўнглинг бирон улфат топар бўлсанг,
Суриштирма они наслин, мансабидин – ишидин сўр.

Агар Гулмат окангни сан сухбатига эсанг мойил,
Нечунким ул бугун кунда яшарға қўрқишидин сўр.

1980 йилда тикланди.

ЁВВОЙИ ҒАЗАЛ, РАҚАМ 32

У танноздин ото безор, у безотга оно исроф,
Сулувдир лек ҳаёси йўқ, демак ҳамду сано исроф.

Мамат бойни қилиб жазмон тақиб юрғай текин сирғо,
Ва афсус ул бетавфиққа бағри қонли хино исроф.

Қошлариға эсиз ўсма, қабоғига сурмалар ҳайф,
Юзиға ҳафтада уч-тўрт қути сассиқ упо исроф.

Фаҳмисизлик, таманнолик ёмон дардки – излама эм,
Ки bemori оғир ётса табиб қилғон шифо исроф.

Магар йўлдан тойибдурки, қабрида ҳам ўзин сотғай,
Чўлда ёлғиз кўриб қолсанг қиё боқма, зино исроф.

Бориб Гулмат синаб кўрмок учун четдан имо қилдим,
Онингдек юз буриб бурнин жийирғонга имо исроф.

1981 йилда тикланди.

ЁВВОЙИ ҒАЗАЛ, РАҚАМ 33

Э гўзал, ваъда бериб ваъдада турғонинг қане,
Йўл кутуб, кўз ўйнатуб Кўкчада юрғонинг қане?

Бир бузук имлаб эди, ман они “киш-киш”ладим,
Учраса шилқим санго лабчани бурғонинг қане?

Кўп хотун топди онам, бермадим ройиш сира,
Бийдалаб ёт совчини кафшинг-ла ургонинг қане?

Тўйга деб бир эчкию арпаҳон қилдим харид,
Сомсалар ёпмоқ учун тандирни қурғонинг қане?

Ман куёв тахлид бўлиб мойладим маҳсимни хўб,
Сан келинлик қасдида сочингни ўргонинг қане?

Ишқни сан Тоҳирдайин қурбонисан, Гулмат ғарив,
Зухрани суйдинг вале айшини сурғонинг қане?

1983 йилда тикланди.

ЁВВОЙИ ҒАЗАЛ, РАҚАМ 34

Юрап Дўмпаработда¹ бир ғаламис лаланглаб,
Мугуз қилиб мўйловин, кал бошини яланглаб.

Дошқозонда қовуртиб еб қўйғудай тикилғай
Номи ўтғон аёлга ғилай қўзи жаланглаб.

Енг ичида бедона, қўлтиқда оч хўрози,
Белбоғида пичоги тўппончадек саланглаб.

Йўлакда ул bemакон дайди ит-ла тўқнашиб,
Бир-бирига гижинди бир-биридан безанглаб.

Бангилигин фош айлаб пакир-пуқур йўталғоч,
Дўкончамнинг ойнаси синиб тушди жаранглаб.

Ожизалар Гулматни суяр, лек бу саёқдин –
Қочиб ўтар келинлар, қизлар ўтар мазанглаб.

1987 йилда тикланди.

¹ Дўмбиравот бўлса керак.

ЁВВОЙИ ҒАЗАЛ, РАҚАМ 35

Кўш елкада қўш хоқон¹, мани жоним биттадур,
Қай бириға берай нон, мани жоним биттадур.

Сероб ҳар хил амалдор: миршабу шайх, пристав,
Танобчию солиқбон... мани жоним биттадур.

“Тахорат қил!”, “Солиқ чўз!”, “Итоат эт!”, “Тўғри ёз!..”
Таъқибрағай минг фармон, мани жоним биттадур.

Ўчкор ўқир ҳажвни ҳар бою ҳар муҳрдор,
Рақибларим – оломон, мани жоним биттадур.

Яна кундуз рўзгор-у, тунда ашъор азоби,
Уламо ҳам беомон, мани жоним биттадур.

Шўрпешона Гулматнинг саботига бериб тан,
Шайдо юрур кўп жонон, мани жоним биттадур.

1984 йилда тикланди.

ЁВВОЙИ ҒАЗАЛ, РАҚАМ 36

Адо қилди хотинсизлик ризодирман кўмилмакка,
Вале шеърлар битиб вақт бор на ўлмак, на чўзилмакка.

Туним ўтғай эзиб ёстиқ, тошар икки кўзимдин ёш,
Бири – Анҳор, бири – Бўзсув, келинг, қизлар, чўмилмакка.

Ҳасан мингбошининг кенжা қизи бежо бокур тушда,
Ки уйғонгач дедим: “Ёшсан, бало борму сузилмакка?”

Онинг тўнғуч оповси, ах, муносибdir манго пакқос,
Пишибdir жавҳари лиму киби тайёр узилмакка.

Бироқ бўйнидағи маржонидин ҳам ошиғи кўпмиш,
Борайму ё шу марジョンга чағир тошдек тизилмакка?

Биров дейдир: “Кириб дўппи бозорига жувон сайла”,
Ахир мавлоно Гулматман ва ҳаққим йўқ бузилмакка.

1984 йилда тикланди.

¹ Миллий буржуазия ва чоризм.

ЁВВОЙИ ҒАЗАЛ, РАҚАМ 37

Инглиз отлиғ бир оролча тарқатибдур, қаранг, пидбўл¹,
Ўйнар эрмиш эмди қўрқмай Рўсиё-ла Фаранг пидбўл.

Яраслўвда² сотиб пашмак тутилдим бу тамошшога,
Кангул очмоқ эди аҳдим мани қилди тажанг пидбўл.

Ки майдонни ҳарибларга бўлиб берғон эканлар тенг,
Бир-бировин томорқосин босдилар, бўлди жанг пидбўл.

Бут шимин тиззадин қирқиб, кийибдур почага енгча,
Кўрунг гулдек йигитларни айламиш ғирт мазанг пидбўл.

Соқчини чалғитиб кимдир равотга тепди чавгонни,
Ёғилгоч қийқирик-хуштак тамом бўлди аранг пидбўл.

Тарқаса биз тарафларга қўрқаманки, аё Гулмат,
Кешни Шошга рақиб айлаб қилур элни гаранг пидбўл.

1984 йилда тикланди.

ЁВВОЙИ ҒАЗАЛ, РАҚАМ 38

Эмиш ёrim соғ-саломат, соғлиқлигиндин айнанай,
Они қўрмай дилим доғлик, доғлиқлигиндин айнанай.

Безиб аччиқ насиҳатдин аразлаброқ кетиб эрди,
Мақтасам-ку эрир мойдек, ёғлиқлигиндин айнанай.

Чамо қилғон киби ҳамённи ул чўнтакка сукланди,
Жаланг-жалпанг қўзларининг зоғлиқлигиндин айнанай.

..... аста сўраб эрдим,
..... ипи маҳкам боғлиқлигиндин айнанай.

Ўзим ўнглаб десам “ҳазил”, мани қувди ямон қарғаб,
Ҳамон тинмас эмиш жоғи, жоғлиқлигиндин айнанай.

Сабр қилғил ётиб эмди овинг юрмас эса, Гулмат,
Тўрингни ёр узиб қочди, балиқлигиндин айнанай.

1984 йилда тикланди.

¹ Футбол.

² Ярославл шахри.

ЁВВОЙИ ҒАЗАЛ, РАҚАМ 39

Темирларға кирибдур жон, ғаройиб бир замон бўлди,
Валекин кўнканинг, дўстлар, яралғони ямон бўлди.

Манам бир бор чиқиб эрдим биқинларға едим тепки,
Дараксиз бўп ковуш кетди, дуруст яктак тамом бўлди.

Неча чўнтаккесар ўтғай бошингдин то аёқ сийпаб,
Лахзада қоқлануб ҳамён, носим ҳатто талон бўлди.

Сўкинғонча сотур чипта бир давангир, кўзи бежо,
Шу дўппимни уриб қолғон деган манда гумон бўлди.

Бурунларға бурун пайваст, қомати ғоз турур букри,
Оноси ўпмагон қизлар никоҳ кўрмай

Ковуш, дўппи ила ҳамён дегил сатқай, аё Гулмат,
Кетса молинг кетибдур лек шукур қил бош амон бўлди.

1980 йилда тикланди.

ЁВВОЙИ ҒАЗАЛ, РАҚАМ 40

Буюк ишдир магар чархда мани шоир топилғоним,
Бошимға лек жавр бўлди танилмоққа шошилғоним.

Ҳануз ёдда – қироат-ла ўқишини машқ қилиб оқшом,
Ўтовдин ким отиб милтиқ, бобовларға қопилғоним.

Мадраса аҳлиға бода сафосини этиб ташвиқ,
Умар Хайём ҳисобинда аёғимдин осилғоним.

Сўғин майхонада сўйлаб шароб гўнгдин ҳаромроқ деб,
Келиб тутғоч аламноклар совуқ сойга отилғоним.

Казоларнинг оросинда топай обрў дебон ул кун,
Ўқиб инсоф ҳақинда шеър, ямоқ тўндек қоқилғоним.

Жасорат қил яна, Гулмат, ки оқпошшоға гап отгил,
Қолур Шошда бўлиб эртак тирикликча ёқилғоним.

1980 йилда тикланди.

ЁВОЙИ ҒАЗАЛ, РАҚАМ 41

Гўзал бир ён, ғазал бир ён, қалам вайрон ўртада,
Қағоз бир ён, намоз бир ён, айш қурбон ўртада.

У кун бизни ёқиб жоно Тахтапулдин ўтдило,
Сулув бир ён, ғулу бир ён, кезар шайтон ўртада.

Ўнг кўзим ёр юзин қўмсар, чали қўмсайди белроқни,
У кўз бир ён, бу кўз бир ён, бурун ҳайрон ўртада.

Куйиб ишқдин бўлиб ҳофиз куйласам тунлари гирё,
Дутор бир ён, сетор бир ён, чарм гармон ўртада.

Дуо қилдим гаҳи ёрни, қарғадим гаҳ раҳмсиз деб,
Ақл бир ён, жаҳл бир ён, фикр айрон ўртада.

Э ука, Гулматий севмиш бир отинча навжувонни,
Отин бир ён, хотин бир ён, аканг сарсон ўртада.

1984 йилда тикланди.

ЁВВОЙИ ҒАЗАЛ, РАҚАМ 42

Манам бечораман ўзни кўп йироқ этмағил, танноз,
Додлатиб, зўр авозимни хирқироқ этмағил, танноз.

У кеч рақсу муқом айлаб ғанимларға чилим тутдинг,
Биза қолғонда ўзни сан қурумсоқ этмағил, танноз.

Ямоқ маҳси ила юрғоч санго балдоқ топай қайдин,
Олиб куммуш туморимни мани қоқ этмағил, танноз.

Сўзим ялғон эмас билло вафо қилмас бу жазмонлар,
Босиб ғафлат, аларни сан дилин чоғ этмағил, танноз.

Садоқатда бўлай якто, кел-у бахш айлағил ўзни,
Ё бўғзумға уриб ханжар мани соғ этмағил, танноз.

Жафо ёғдирма Гулматга ки ортингдан сўкуб ўтмай,
Беандеша қилиб оғзим саримсоқ этмағил, танноз.

1982 йилда тикланди.

ЁВВОЙИ ҒАЗАЛ, РАҚАМ 43

Дўқонимда касод ўлғон ҳама молни берай санга,
Ол-е, жонон, Чилонзору Қатортолни берай санга.

Самарқанду Бухоро лек сўгал холга кетур арzon,
Бу икки шаҳrima тегма, қаро холни берай санга.

Яна Фарғонаю Урганч, Денов Жиззахларим бордур,
Ҳар бирин номидур ботмон, не мисқолни берай санга?

Тегма шоир, олимимфа, сахий-содда дехқонимфа,
Барча қози, миршабу шайх ва боққолни берай санга.

Нонимни ол, тўнимни ол, қағозтан дафтарим қолсун,
Довот тўла заҳар тутғил, ясаб болни берай санга.

Ки Гулматда қуруқ шеър деб, амал-унвонлига учсанг,
Куровпаткин¹ – губернатўр ва гинролни берай санга.

1987 йилда тикланди.

ЁВВОЙИ ҒАЗАЛ, РАҚАМ 44

Корни очнинг дили таскин излабон рўза истайдир,
Корни тўқлар қилиб шўхлик бўзали кўза истайдир.

Бирорларга ёқар булбул, бирорга хуш келур қарға,
Бири қайтмас ҳаромдин ҳам, бири покиза истайдир.

Инонгайдир бу қун олим на маҳшарга, на Исога,
Вале банги чилим тортиб ҳануз мўъжиза истайдир.

Азал чалкаш экан дунё, тузатмоқлиқ экан душвор,
Бирорга эр топилмайдир, бирор ожиза истайдир.

Ажаббоки маҳалламда на тўйдан гап ва на аза,
Мани кўнглим шу фурсатда қазондан жизза истайдир.

Яна нафсим уриб туғён, яна маъюсланиб Гулмат,
Яна ғашлик чўкиб дилга, яна ҳомуза истайдир.

1980 йилда тикланди.

¹ Куровпаткин – босқинчи генерал-губернатор.

ЁВВОЙИ ҒАЗАЛ, РАҚАМ 45

Гандираклаб келур Эшмат, қимиз тортқонга ўхшайду,
Яланғочдир, яктагини яна сотқонга ўхшайду.

Ичишни ким қўйибдурки ўзинг ҳаммол эсанг, хумбош,
Ман ичсам сал ярашгайдир – савлатим хонга ўхшайду.

Боши сархуш эмас чоғда ўтурди ул қилиб қуллук,
Ажаб энди ўзи шоху сўзи фармонга ўхшайду.

Арслондек уриб наъра йиқилди юзтубан ерга,
Тўкилғон носи ғулғулга сочилиғон донга ўхшайду.

Суяб эрдим, боқиб шодон юзимни хўб ялаб турди,
Оғзидин бир уфурди ҳид – тезак ютқонга ўхшайду.

Елкалаб ул гуноҳкорни сўкиб-судраб борур Гулмат,
Бирор қасдан гўё манга ўлик ортқонга ўхшайду.

1983 йилда тикланди.

ЁВВОЙИ ҒАЗАЛ, РАҚАМ 46

Ғарчли ковушни йиглатуб йўлда гўзал кевотти-я,
Икки пода ошиқлари ортда касал кевотти-я.

Э подалар, сизға керак унвону зар, сўнгра хотун,
Манга тожу тахту қаср, ганжу амал кевотти-я.

Йўргаласам унга, бирор “пашша бўлиб борма”, деди,
Пашша эсам қандоқ чидай – уч пуд асал кевотти-я.

Шоди-бурун “Оҳ!” деб аёғига ўзин ташлаб эди,
Тоғдек бурундин сакрабон ўтди жадал, кевотти-я.

Ишқ йўлида энди манам арzon-гаров кетсам кетай,
Ёшуриниб баҳмал паранжида ажал кевотти-я.

Гулмат, фидо қилмай тур-е ёрга улуғ бошингни сан,
Шу паллада бу каллага нодир ғазал кевотти-я.

1984 йилда тикланди.

ЁВВОЙИ ҒАЗАЛ, РАҚАМ 47

Ман шоирман, сан – хоқон, ман кимману сан кимсан,
Манда – онг, санда – аркон, ман кимману сан кимсан.

Ғазалларим, эй қози, шоҳга найза ниқтағай,
Қонунинг – шоҳга қалқон, ман кимману сан кимсан.

Ман халқимга таянғон ўғулдурман, ҳей миршаб,
Санда – халқингга гумон, ман кимману сан кимсан.

Юртни сотиб, хорижга қочарсан, воҳ, амалдор,
Шоир – юртга чайир жон, ман кимману сан кимсан.

Ўлжа бўлур ёғийга дур-гавхаринг, ҳой мулқдор,
Шеърим – ёвга палахмон, ман кимману сан кимсан.

Ишқмас, ижод лаззатин мақбул билди Гулматий,
Кўз сузма, эй навжувон, ман кимману сан кимсан.

1986 йилда тикланди.

ЁВВОЙИ ҒАЗАЛ, РАҚАМ 48

Фаранглардин олиб таълим Шошга қайтмиш бир олимча,
Бурун устинда айланғон бурақ сочи соқолимча.

Бошимни ирғасам ғайри лисонда у деди “банжўр”¹,
Таваккалдин дедим “михлўш”² манам ўзимни ҳолимча.

Сўғин айни бўлиб Луқмон они қаттиқ синов қилдим,
Жавоби бўлмади оқил мани доно саволимча.

Десам яъни: “Фаранг бозорида чан пул ковуш-маҳси?”
Деди: “Бўлса тасодифон, текин турғайди монимча”.

Йўталмоқ ҳам бозорда пуллигин қайдин тушунғай ул,
Бошиға шунча жун тўплаб ақл йиғмабди молимча.

Фаҳмсиз бойни ўғлидун нечук олим чиқур, Гулмат,
Отоси салладор золим, буям шапкода золимча.

1985 йилда тикланди.

¹ Бонжур (французча саломлашув).

² Бу сўзнинг асл маъносини аниқлай олмадик.

ЁВВОЙИ ҒАЗАЛ, РАҚАМ 49

Айт-чи токай қопда ёндош мошга мош,
Тобакайки қозондошdir ошга ош?

Қари бўлсам ҳам йигитдекман, нигор,
Айнама, деб: “Тўғри келмас ёшга ёш”.

Тошбағир сан, боши тошдин ман, ахир –
Ишқ ўти чақнайди тегса тошга тош.

Кўлларингга туташмасдин қўлларим,
Қабоқ уйсам туташгайдир қошга қош.

Айрилиқда бўлмасин соб бу умр,
Ўлтурайлук қўюб бир зум бошга бош.

Сани Фарогонадан излаб топмадим,
Гулматийни ўзинг йўқлаб Шошга шош.

1985 йилда тикланди.

ЁВВОЙИ ҒАЗАЛ, РАҚАМ 50

Баҳор айёмида кўкнор эзилғон бир лаган бўлса,
Ёнингда нозанин сан-ла томоқни намлаган бўлса.

Нозанинки уполар чангитиб юзга, атир пуркаб,
Бураб гажжак, мўйчинақда қошин кўркамлаган бўлса.

Бошингда тол тўкуб соя, тагингда тўлғонуб майса,
Чечакларнинг бўйин еллар бурунға жамлаган бўлса.

Имо этсанг бирон бачча кавобдин сўнг палов тутса,
Ярмисин сан, ярмисин ёр нозлануб ямлаган бўлса.

Висол сайлин ўткаруб соз ва ғавғосиз якун қилсанг,
Ширин сўзлар бўлиб кўпроқ, совуқ гап камлаган бўлса.

Ғазал битдим замон шоирлари-ла teng юройин деб,
Кечирғайсиз агар Гулмат пича илдамлаган бўлса.

1982 йилда тикланди.

ЁВВОЙИ ҒАЗАЛ, РАҚАМ 51

Келибдур хат велик ашъорнавис Кўзма Прутковдин¹,
Қағоздин сўз эмас гўё окур жозиба тарновдин.

Паришондирму сархушму калом бошлабди сал чалкаш:
“Буни ёзмоқдаман санга ё Тамбовдин ё Псковдин”.

Сўғин дебдир: “Бўлайлик дўст ки шоирға қуяр шоир,
Ману санбоп дурук чиқмас редактурдин ва гўрковдин”.

Давом қилмиш: “Бўлиб ботир манингдек ғоз яша, қўрқма –
Самодержавиё² филни отсаям бошга Оқтовдин”.

Яна айтмиш: “Кузат зийрак, сани чалғонга кун берма,
Ошиноға қара бир бор, ўн сафар зоғлануб ёвдин”.

Адоғида демиш Кўзма: “Ёзайлик басма-бас, Гулмат,
Жаҳонда қолмади ўзга қизиқ шоир биз икковдин”.

1985 йилда тикланди.

ЁВВОЙИ ҒАЗАЛ, РАҚАМ 52

Рўсиёлиқ буюк Кўзма ағога бул саломнома,
Манам туркий қавмларға эгам еткурғон аллома.

Вале алломалиқдин биз рўшнолиқ қўрибмизму?
Беастар бир чопон манда, сандадир одми коржома.

Юрурдим тўқ – эдим усто, юпунлашдим бўлиб шоир,
Ҳар тўқисда мазахдурман – бурунли, кўзли ҳангома.

Бўлай пулдор манам – тўнкар шеърларим рўс забонига,
Гаҳи мўлроқ берур ҳосил қилинса токни парғома.

Яна мандин ол-у туршак, тулуп-шапко жўнотиб тур,
Биродарлик қолур мангу ҳалолроқ эрса шартнома.

Софингай дийдоринг Гулмат, нетайки Ер бўлинғонда –
Манго ўлчаб берилмиш Шош, санго – олис Кастирома.

1985 йилда тикланди.

¹ Рус шоирлари латифа сифатида кашф этган қаламкаш.

² Самодержавия – рус давлатчилиги.

ЁВВОЙИ ҒАЗАЛ, РАҚАМ 53

Келмағоч ҳолим сўраб дўст, босди душмон пашшалар,
Бир нафар шоир бошинда мингта тарлон пашшалар.

Гоҳ ғувиллар, гоҳ қитиқлар ичга кирғоч почадин,
Ҳасратимни ёзмоғимга бермас имкон пашшалар.

Биттаси бек сифат очкўз, мулладек сергап бири,
Яна судхўру кўрс миршаб, қозиу хон пашшалар.

Бошқаси тез шеърга қўнди, искади ҳар мисрани,
Ё бирорвға эрди айғоқ нафси ўпқон пашшалар.

Кимки шоирни ғашига тегса тушгай ҳажвига,
Оқибатким элга кулки бўлди лодон пашшалар.

Кирди қизлар, шеърни тўхтат, сурмани сот, Гулматий,
Ҳайдасам сур пашшаларни, келди жонон пашшалар.

1984 йилда тикланди.

ЁВВОЙИ ҒАЗАЛ, РАҚАМ 54

Қиз учун ёнма, э шоир, юртга соғинг керак бўлғай,
Бургадек чақса бир танноз сўкма, жоғинг керак бўлғай.

Гўзалдир деб қилурдинг мадҳ гулу булбулни, бўstonни,
Онгладинг сўнг – зоғу ботқоғу янтоғинг керак бўлғай.

Аёқни ўйламай бошингга қувондинг фикрchan деб,
Эсанг милтиқ, эмди билдингки қўндоғинг керак бўлғай.

Нафс дер озмагил ғамдин, элгаям, юртгаям куйма,
Гўрингда қурт-чаёнларға бу гўшт-ёғинг керак бўлғай.

Ва қилғил ғалвасиз ялло, вафолиқ кутма дўстлардин,
Қолса етғай чопон – охирги ўртоғинг керак бўлғай.

...Ўтга яктак отма, Гулмат, бургага айлабон зарда,
Ки яктак чўнтағидоғи носқовоғинг керак бўлғай.

1985 йилда тикланди.

ЁВВОЙИ ҒАЗАЛ, РАҚАМ 55

Забардастсан ки дардингга қаҳқаҳангни улар эрсанг,
Фалакдин шавқ тила аввал бирон ноёб тилар эрсанг.

Дилинг шавқдин эса маҳрум топай эзгулигин қайдин,
Қароғинг лоақал қулсун ғарип бошин силар эрсанг.

Қовоқдору димоғдорлар – манману жоҳилу худбин,
Ошиноға самимий кул, ёвга заққум қулар эрсанг.

Мазахлай билмаса ёвни, бу эл енгишниям билмас,
Элинг хандонлиғи-чун қил агар исён қилар эрсанг.

Азал қулгу билан эзғон эзармонни эзилғонлар,
Кўюб ғофил, қулиб юлгил ки юлғичдин юлар эрсанг.

Бадқовоқ бек, амалдорлар қилур токай авомни хун?
Масхара айлаб ўл, Гулмат, бул аламдин ўлар эрсанг.

1985 йилда тикланди.

ЁВВОЙИ ҒАЗАЛ, РАҚАМ 56

Қайси қиз лимубадан – юз касалнинг коридур,
Кўз ёши – чипқонга эм, қулса – жигарга доридур.

Ярқ этиб боқса қиё – тўхтатур безгакни ҳам,
Кўййутал бўлғонга ноз – бир кося кўкноридур¹.

Тарқалур бош санчиғи ва тугал сархушланур,
Ҳид олиб Шер бўзахўр мушқ-атир bemоридур.

Қош сузиб қилса имо – йўргалар туғма чўлоқ,
Бир ўпич тутмоқлиғи сил касал инкоридур.

Кафши гар “так-так”ласа очилур кўрнинг кўзи,
Қарғиши – “алҳамду”нинг кар учун такоридур.

Мандадур юз мингта дард, истарам юз минг табиб,
Гулматий бор хасталар ичра энг ночоридур.

1988 йилда тикланди.

¹ Кўкнор ичилса, йўтални вақтинча тўхтатади.

ЁВВОЙИ ҒАЗАЛ, РАҚАМ 57

Сартарошхонама кирди сур волостной¹ – семиз, сергап,
Деди: “Ишни бажар силлиқ бу гал кўпроқ совун суркаб”.

Ўзин қўзиға қўзгуда айладим афтини қўз-қўз,
Поралар ютқон томогин бўйинсочуқ билан буркаб.

Устарамни қайроқ узра “Танаввор”га ўйнатиб сўнг,
Сочин ажриқ ўриш қилдим орқасига қорин тиркаб.

Турна тумшуқ тараклатғон киби қайчи бўлиб “шиқ-шиқ”,
Соқолин айладим кетмон, мўйлабини қошга чиркаб.

Бошиға бетёғи чаплаб, тараб бурнидаги юнгни,
Кулогига упо урдим, кўк қўзиға атири пуркаб.

Калласи қирқ ямоқ бўлди, яна мўйлаб узун-қисқа,
Пулин бермай, “тфу, чўрт” деб кетди Гулматни у тергаб.

1987 йилда тикланди.

ЁВВОЙИ ҒАЗАЛ, РАҚАМ 58

Жавдаризор похолидек дилда дард юз ғарам сандин,
Дарпаранг босмогинг бекор, тузалғай бу ярам сандин.

Жазманинг нафақат шоир, сартарошу яна деҳқон,
Жўяқдағи карам мандин, юракдағи карам сандин.

Мувашшаҳга ўраб кашнич жўнатдим санга ишқнома,
Хатинг маҳфий этиб зора келса нос бир ўрам сандин.

Юзимға қирқ ажин қўшди, мани ўқратди қийноғинг,
Ажин – жилға, кўзимдин ёш оқодир қирқ тарам сандин.

Гуноҳим шул – ки ёшлиқда кийиб қочғон эдим кафшинг,
Ўша кафшинг ҳануз уйда, манга кўпроқ қарам сандин.

Олимхон² шеър ёзолмайдур, нечун қизлар юрур шайдо,
Аслида арзигай, Гулмат, минг ўргулса ҳарам сандин.

1987 йилда тикланди.

¹ Чор хукуматининг худудий амалдори.

² Бухоро амири.

ЁВВОЙИ ҒАЗАЛ, РАҚАМ 59

Сўзимдан куймасанг, юртдош, санго куйган дилим сатқай,
Ёниб битсам сани деб, сан билмас эрсанг, кулим сатқай.

Топинмоққа худойинг йўқ эса шоирға қил сажда,
Топинсанг ўзга маҳлукқа, шу юрт – боғу чўлим сатқай.

Саодат излабон санга илм эқдим, чилим чекдим,
Саодатга чўзмасанг қўл, ўша илму чилим сатқай.

Ўзингдин ўрганиб тилни, муножот айладим санга,
Тушунмай лол боқар бўлсанг, бу хўрланғон тилим сатқай.

Ки оқпошшоға эрк сотқон амалдорға дилинг сотсанг,
Сани эркка етаклай деб босиб ўтғон йўлим сатқай.

Бўлсаю бир ўзи номдор, кўрмаса довруғинг Гулмат,
Санго шонсиз ҳаёт исроф, манго шонли ўлим сатқай.

1987 йилда тикланди.

ЁВВОЙИ ҒАЗАЛ, РАҚАМ 60

Бири камдур бу дунёнинг – донинг бўлса, элак йўқдур,
Тўнинг бўлса, каминг белбоғ, қудуқ топсанг, челак йўқдур.

Камбағаллик қуриб кетсун, зулмкорнинг оти йитсун,
Пешонамга қуёш битсун десанг шамдин бўлак йўқдур.

Ўшал шамға бўлиб мардум, зимистонда кун ўткардим,
Десам дўстга тўкай дардим, имонидин дарак йўқдур.

Имонсизда вафо бўлмас, ютуқсизда хато бўлмас,
Меҳрсизда худо бўлмас, бемаслакда тилак йўқдур.

Жигилдонга тиқилғай ғам, кўзингдин то тавонинг нам,
Бош олиб кетмак эсанг ҳам бу зинданда йўлак йўқдур.

Гулматий, ҳар сўзинг тилло, дадил ёз қўллабон хилло,
Бемиллат ноибу суллоҳ амалдорда юрак йўқдур.

1988 йилда тикланди.

ЁВВОЙИ ҒАЗАЛ, РАҚАМ 61

Олис саёҳатга чиқиб, қолдим тугал бўйдоқлашиб,
Чопгим келодир майсада итлар ила ўйноқлашиб.

Ё бароқ бўлсам тутиб олсам сулув Мош-пошчани,
Тун бўйи “вағ-вағ”ласак том бошида қийноқлашиб.

Лоақал ҳанги эсам ки чорласа бир мочахар,
Дашт сари кетғай эдик шод исқаниб, сўқмоқлашиб.

Майлига тўнғуз бўлай тўнғузтабиат ёр учун,
Бўсага қонсакки бас қўшмоқ бурун тўқмоқлашиб.

Пат ато айлаб эгамки тикласа мандин хўroz,
Бир ҳарам оппоқ товуқ турсин қатор “қоқ-қоқ”лашиб.

Э гўзал, Гулмат агар одам бўлиб юрсун десанг,
Шу кеча ёнимфа кел шайтон ила шарт боғлашиб.

1987 йилда тикланди.

ЁВВОЙИ ҒАЗАЛ, РАҚАМ 62

Кетиб даврон элимдин кир замонларға куним қолди,
Ҳама яхши бўлуб бадном, ямонларға куним қолди.

Ки аттордин чиқиб нозир, амалға минди даллоллар,
Носфуруш арбобу айрончи хонларға куним қолди.

Саройда тамагир шоир сўзин пуллаб топар обрў,
Сўзимни сотмадим, аммо гумонларға куним қолди.

Муҳрдорға айласанг арз, туру сан, сўйласин чўнтак,
Идора, маҳкама отлиғ дўконларға куним қолди.

Сатанг олимчалар маъruzada туркийни тарқ айлаб,
Юнонча тавбадин баттар лисонларға куним қолди.

Гулмато, соч оқарди, ох, қайда ул шеърга шайдо қиз?
Отоси қарғаган бадхулқ жувонларға куним қолди.

1988 йилда тикланди.

ЁВВОЙИ ҒАЗАЛ, РАҚАМ 63

Эл умрига умримни бердим, таъзим бажо ташкил қилинг,
Ўз-ўзимга фақат дард тердим, сизлар даво ташкил қилинг.

Бир тўп тўра паркувли жойда юртни талаб кўрмоқда фойда,
Нафас олмоқ оғирда, тоза ҳаво ташкил қилинг.

Туркийда гар сўйлар бек-боён, кўписиён,
.....бирон бало ташкил қилинг.

Чақчаюб қўрс боқинг зўрларга, ем узатманг порахўрларга,
Халқин танимаган кўрларга жабру жафо ташкил қилинг.

Токайгача
Шўринг қурғур фуқарога ҳам кайфу сафо ташкил қилинг.

Кўмир ҳам соб бўлди қаламда, ҳол қолмади танда аламдан,
Дам бериб Гулматга санамдан ишқий имо ташкил қилинг.

1987 йилда тикланди.

ЁВВОЙИ ҒАЗАЛ, РАҚАМ 64

Жоним дебон жонон қучгон хон, у жон қани, жонон гижонда,
Ким бошлаюр ҳақ йўлга элни, карвон қани, сарбон гижонда?

Хондин ортғон чандирга бўкуб, хондин ортғон тангадин тўплаб,
Эзиб ўтди чин сўзни нозир, ёлғон қани, ҳамён гижонда?

Хону вазир созига монанд хониш айлар бўлди,
Кўзинг оққур филтомоқ воиз, имон қани, қалқон гижонда?

Амал теккан югурдак борким пайқаёлмай миллатин кетмиш,
Кўмсалар бир қутиға тиқиб, фойтон қани, тилпон гижонда?

Не кунларға қолибсан, юртдош, сани қисмат кимларға элтди,
Лол боқурман эмди ҳолингга – ҳайвон қани, инсон гижонда?

Олиб хондин зар тўну унвон, этик ўпид кун кўрди Фишмат,
Гулматдин шеър қолди... Ундан-чи? Чакмон қани, унвон гижонда?

1987 йилда тикланди.

ЁВВОЙИ ФАЗАЛ, РАҚАМ 65

Тошйўлига¹ чиқдим саҳар ғовурсевар элим билан,
Русияда бир тўнкарув ўлмиш сўпоқ илм билан.

Сартарошхонам ёнида бор печкачи мастрвой,
Айдики у: “Ўзбакни кўр, айш қиладур ўлим билан”.

Тахтидин оқпошшо қочуб, ўрнига бойлар жойлашуб,
Қайта малайлик чоҳига ағнамишам белим билан.

Фарқики – қози суд бўлиб, тўн ўрнига фрак кийиб,
Даррали миршабни эмас, хат юборур елим билан.

Ҳукуматин уриб яшин, саройини олсин довул,
Зулукмакон Думасини чекиб ташлай чилим билан.

Мастрвой шипшиб деди: “Ағдарамиз бу хонни ҳам”,
Жангга кирайму, Гулмато, мавузерли² тилим билан?

1987 йилда тикланди.

ЁВВОЙИ ФАЗАЛ, РАҚАМ 66

Ишчи йўқсилнинг кетидан қўзғалинг, кетмончи хорлар,
Барибир бизга кун бермас гўнгқорин бу амалдорлар.

Петрбург ишчию дехқонидин хоқонни сўкмоқни
Нетар туркийда ўргансак жағ силаб барча ночорлар?

Қалқи: мискар, кулол аҳли, кўр гадолар жамоаси,
Дурадгор, маҳсидўз, зангбоз, омади кетғон атторлар.

Тузайлик бир тузум токи бўлмасун зўрлигу алдов,
Йитсин айғоқчи, бузуқлар, порахўр, таъзимбарорлар.

Бировсиз юрт қуриб ўзлиқ қозонидин урайлик ош,
Ошат деб тумшуғин тиқмай турса бас ташқи беорлар.

Тўқчиликдин сўғин яйраб Гулматий шеър тўқир сизга,
Фақат мундоғ агит³ шеърга топилғайму харидорлар?

1987 йилда тикланди.

¹ Тошйўли – юзасига тош терилган кўча.

² Маузер русумли тўппонча.

³ Ташвиқотли.

ЁВВОЙИ ҒАЗАЛ, РАҚАМ 67

Бухорода мачитда ваъз айтди бошқирдни муллоси:
“Вўрислардин кетиб омад, ўзидан чиқди ғавғоси”.

Оқ-қизилға турланиб эл, бир-бириға отармиш тош,
Шу маҳалда бор эмишдир на пошшоси, на худоси.

Меншавоий уқтиармуш: “Болшавойдин қоч, халойик¹,
Чорлабон йўқ жаннатига сани алдар “Правдо”²си”.

Дер эмишки болшавоий: “Меншавойнинг дўконин бос!
Ўғирланғон – унинг омборида Маркосни шапкоси...”

Бу гаплардин безиллаб ман дедим астогфурууллоким,
Омон турсин бизи омбор, Темурни гўрда сарпоси.

Неча вақт бекларинг, Гулмат, тахт талашди, гап талашди,
Мана тушмиш бўлак юртға Буюк Туронни савдоси.

1988 йилда тикланди.

ЁВВОЙИ ҒАЗАЛ, РАҚАМ 68

Кийди тож Шўро Муваққат хонни таҳтдан иргитиб³,
Эскини йиртди тугал янги закўнлар юргитиб.

Ер берар эрмиш ҳаҷовлаб санғиу танбалга ҳам,
Қанча бой юрғон эмиш жавраб, тамоқни хирқитиб.

Мактабу беморхона бепуллиги хўбдур, vale –
Бир иши қалтис, вавах, ўтди юракни зирқитиб.

Яхшиму ожизаларға онқадар бермак ҳуқуқ,
Ул ахир қандай хотун эркакни юрса қўрқитиб?

Отёли чимматларию бебаҳо чочвонини
Эс бўса ташлармуди мажлисда гулхан бурқитиб?

Кампирим, чочвонни сан вақтинча деб сандиққа бос,
Гулматинг кўрқар – фақат сочингни келма қирқитиб.

1985 йилда тикланди.

¹ Озчилик (меншевик) ва кўпчилик (болшевик) бўлиб ёвлашган марксчи сиёсатчилар

² “Правда” – большевик-коммунистлар газетаси

³ Коммунистлар ва Муваққат ҳукумат.

ЁВВОЙИ ҒАЗАЛ, РАҚАМ 69

Носингдин чўз, ағо, манга, хуморимни босай эмди,
Мўминларға тилаб инсоға арз ёзай эмди.

Чапонидин кечиб чоллар кияр палто яна шапка,
Наҳот саллам матосидин манам иштон ясай эмди?

Курунг, эвоҳ, отин кампир еюр консерваю колбас,
Жаҳаннамға ўзи шошса йўлин қандай тўсай эмди?

Хотинки гар очиб юзни эриға йўл-йўриқ айтса,
Қўлимға ман хино чаплаб паранжида кезай эмди.

Бутун элни титиб чиқсанг хўрозроқ эр киши йўқдир,
Бу кун шердай уриб наъра замин тинчин бузай эмди.

Алам ўтган киши борки бири майхўр, бири банги,
Кел-е Гулмат дедим охир манам қўкнор эзай эмди.

1981 йилда тикланди.

ЁВВОЙИ ҒАЗАЛ, СЎФИНГИДИН ОЛДИНГИ

Ўрдак сўйиб қалам қилай қушпатдан,
Нодир калом қолсун биздек хушхатдан.

Юз йилда бир келур мандек нодирсўз,
Кўкка икки ой чиқмоғи – қўш баҳтдан.

Мир Алишер тобакай сўз хоқони,
Бизгаям жой топинг бирон бўш тахтдан.

Мир бобо лек бағри кенглик қилса-да,
Келиб Машраб-жунун айтур: “Пўшт баттан!”

Олов қалбли шоири-ла элда файз,
Ки оловсиз бўлур хуштаъм мош қаттан?

Гулматдек зот яралмаса юз йилда,
Унда ўзим туғиламан бошқатдан.

1987 йилда тикланди.

ЁВВОЙИ ҒАЗАЛ, СЎҒИНГИ

Ғарид йўқдир ман каби, осмон узок, ер қаттиқ,
Ўлмаганим сабаби – осмон узок, ер қаттиқ.

Эгаси йўқ бу юртнинг, ундаги минг тур итнинг
Жонга тегди “хап-хап”и, осмон узок, ер қаттиқ.

Эл сафланса юз қатор, тўқсон тўққиз саф – аттор,
Тарқоқ сўнгги бир сафи, осмон узок, ер қаттиқ.

Анқов тўра давр сурар, бир кун худо ҳам урап,
Ҳақ шу тентакнинг гапи, осмон узок, ер қаттиқ.

Кимни кўрма – кинчи, қўрс, фикри чигал, иши терс,
Чапи – ўнгда, ўнг – чапи, осмон узок, ер қаттиқ.

Гулмат, тақдир беомон: мирзанг – Анвар Обиджон,
Номаълумдир маҳзаби... Осмон узок, ер қаттиқ...

1987 йилда тикланди.

ЁВВОЙИ МУХАММАСЛАР

МУХАММАС, РАҚАМ 1

*ёки бозордин гоз олғоним, ажисб ҳанғомалар
күргоним, бир жуғон ишқинда ғоздин айрилғоним,
ҳам мелодий 1884 да ўшал саргузашт ҳақинда ёзғоним.*

Барра соқол болташакул қайчуланиб соз,
Ва яна афт-ангоримиз муллага таққос,
Ва яна тил остида беш-олти чўқим нос,
Эскишаҳар бозоридин олғоч семиз ғоз,
Раста кезиб юрдук лапанг ғозга қилиб мос.

Раста тиқин, шовқини жон олғучи эрди,
Бунда бирор киссага кўл солғучи эрди,
Анқов киши ҳамёнисиз қолғучи эрди,
Бир нашаванд четда дутор чолғучи эрди,
Қопни очиб найни ҳазин пуфлади морбоз.

Сабзи-пиёз теграсида ёш-қари ғиз-ғиз,
Тўп ўқлари янглиғ уюм ҳар ерда тарвуз,
Бақлажони катта бурун сингари ёлғиз,
Йўлда қатор отқулоғу кашничу ялпиз,
Кўкни кўриб, бўлгинг келур бўрдоқи новвос.

Чопди “уруш чиқди”, дея Шотўра мискар,
Оч кишилар каппонга ё тортдиму лашкар?
Борсак, қаранг, шовқун солуб савдо қилур кар,
Каммиди бул, ихлос ила ҳангради бир ҳар,
Нинафуруш лўли момо – устида сарбоз.

Қоп кўтариб ҳаммол шу он келдию жайрон,
Босди чеълакни кўрмайин, ағнади айрон,
Айронфуруш тепди они тиллари сайрон,
Жанг янаким мой дўконин айлади вайрон,
Мўйлабима бердим ўша мой ила пардоз.

Бир қияқўз танга йигар сабзини тузлаб,
Ҳолвачи кетғонни сўкур, келғонни сизлаб,
Юрғай эди чўртсан текин озуқа излаб,
Ул зўравон эмди ётур бўчкада музлаб,
Бўчкада ман бўлмағоним баҳт эди қийғос.

Гарчи мани касбим эмас мишиш-у, ков-ков,
Пеша қилай оғзимни бир: расвоси – чайқов,
Шайтонниям айлар ўсал бундаги алдов,
Гўлга биров милтиқ дея пуллади тарнов,
Фойдасидин миршабгаям қистирди оз-моз.

Соф бутига бир пой этик изласа маймоқ,
Мош пулига бўза ичур бошқа бир аҳмоқ,
Қотди бошим, мандин кўра ким яна соғрок?
Келғоч дўкон сори, кийиб қўлиға пайпоқ¹,
Патли чилопчин² танлади бошиға танноз.

Бойи сотур шоҳи рўмол, иштону қўйлак,
Атторида сурма, зира, сирғаю ойнак,
Камбағали мунда турур сотгали тўнгак,
Тўнгак оша ўтди кучук – оғзида сўнгак,
Қассоб они келди қувиб, ушлади шоввоз.

Кимса деди: “Кун бўйи ман мардикор ўлдим,
Нокка пулим етмай вале бунда хор ўлдим...”
Ман-да дилим очмоқ учун бекарор ўлдим:
“Фозни олуб, ақча тугаб, тор-мор ўлдим,
Ҳали буям туғмай тухум қилса керак ноз”.

Куйканадир қилса харид қайси киши бор,
Қимматчилик эрса бозор, заҳри-ниши бор,
Хону амалдор эса тўқ, нечоғ иши бор –
Оддий авомнинг ҳам ахир қорни-тиши бор,
Нарху наво элни хароб айлади паққос.

Тунги қароқчидин ямон бўлди бозори,
Тиф қадамай, бор-йўғимиз шилди бозори,
Кимки факир, масхаралаб кулди бозори,
Аҳволимиз охири танг қилди бозори,
У истағон кўйни чалур, биз эса раққос.

Бунда бири баззоз эса, бошқаси аллоп,
Битта ҳалол атрофида олтита қаллоб,
“Бор барака!”, “Жилла қўшинг!”, “Энди жағинг ёп!”
Тинка қуриб, бардош ила ганжим бўлиб соб,
Хомуш эдим гўёки беомад қиморбоз.

¹ Кўлқоп бўлса керак.

² Аёллар шляпаси.

Хомуш эдим, хушбўй жувон бўлдию пайдо,
Бизни Жунун дебми жияк тутди у Лайло,
Пул бутуни бордек дедим: “Йўқ эди майдо...”
Бошлаб эди иккита пок бандаси савдо,
Даллол ўлуб ўртага тез кирди бир ифлос.

Хушбўй жувон бизға карам кўрдию лозим,
Чимматини сал кўтариб, очдию оғзим,
Оқди сўлак, яктағима томдию носим,
Боз устиға потради-ю, Гулмато, ғозим,
Кўлдин чиқиб, Сағбон сари айлади парвоз.

1984 йилда тикланди.

МУХАММАС, РАҚАМ 2

*ёки чала олим ва чала шоир Макриоддин Маставонинг
қалам ушлаб шуҳрат топмагони, фақирни кўролмай
устимдин губернатўрга тухматнома юборгони, ҳам
мелодий 1885 да ул ҳасадгўйга маним дегоним.*

Азал зотинг чағир тошдин эса мармар бўлолмассан,
Қуруқ ялтиллағон бирла асл гавҳар бўлолмассан,
Бобонг асли эди паскаш, санам сарвар бўлолмассан,
Ичинг кирдир ки эзгулик учун аскар бўлолмассан,
Ҳақиқат кемасин локин тўсиб лангар бўлолмассан.

Хато қилди отанг санга қалам бирла довот олғоч,
Бўлиб дехқон, нафинг элга тегар эрди лопот¹ олғоч,
Саводхонлар ёви бўлдинг чала-чулпа савод олғоч,
Ошиб шарманда унвонинг калон-туҳматчи ном олғоч –
Тугал расво бўлиб бўлдинг, яна баттар бўлолмассан.

Бузук қондин бу дардга сан қоринда муфтalo бўлдинг,
Ижодкорларни бошиға ёғилғон бир бало бўлдинг,
Очилмасдин-сочилмасдин, куйканиб сержафо бўлдинг,
На шоирсан, на фозилсан, чақимчи Маставо бўлдинг,
Ватандошингни сотдингки, ватанпарвар бўлолмассан.

¹ Лопатка (белкурак) демокчи.

Наъра урмоқ бўлурсан лек мўърагандек оҳанг қолғай,
Бўлиб якка маҳов охир на дўст-ёру оғанг қолғай,
Фақат ёнингда устодинг – кони бўхтон тоғанг қолғай,
Туртки ерсан ҳар тўқисда ва йиртилғон ёқанг қолғай,
Ўзингта на тўну яктак ва на шалвар бўлолмассан.

Ўшал Машраб осилғон дам сан айғоқдин қутулғондир,
Омон қолғон қалам аҳли “ков-ков”ингга тутилғондир,
Ҳаром гўштдин қорун қўйдинг, бошинг хумда етилғондир,
Толеинг паст экан, шу ҳол манглайнингга битилғондир:
Қутулмассан тезакликдин, мушки анбар бўлолмассан.

Бирор ёзса демай носоз, ўзинг созроқ ёзиб кўргил,
Даста ғийбатлар ўрниға шеърни озроқ ёзиб кўргил,
Тийиб нафсингни, сўнг эл дардига мосроқ ёзиб кўргил,
Гулматийдин ўзингни сал тутиб пастроқ ёзиб кўргил,
Нурни сўндирилган истарсан, ўзинг анвар бўлолмассан.

1985 йилда тикланди.

МУХАММАС , РАҚАМ 3

*ёки расволарга қўшилиб пиёнчилик қилғоним,
ҳам мелодий 1885 да тазарру ила ёзғоним.*

Уйдаги ёрдин кечиб , қўза белидин қучгали,
Қайтадин салла гаров, маҳси-ковушдин кечгали,
Ва яна яхши-ямон зотларға иғво бичгали,
Хомхаёл сархушлануб лайлакда ойга учгали
Бир пода улфат букун Дархонга бордик ичгали.

Асли бу дунё бузук, майхона лек обод дедик,
Зиндан-у донога Ер, бефаҳм озод дедик,
Тўлдириб шокосани ичганни биз Фарҳод дедик,
Пашшалар рақс айласа жонон билиб “Вой дод!” дедик,
Ўрмалар қўнғиз яна биз бирла кўнгил очгали.

Даврадин тарқалди файз жанжалу “Ур-ҳо!” билан,
Чеккада ағнаб ётур Шоди бўш бўчко билан,
Нор буқоқ балчиқ ялар баҳслашиб чўчқо билан,
Сайфининг иштони ҳўл – шилта бир сарпо билан,
Қолмағоч нетсин ҳоли иштонни боғин ечгали.

Ман ярим тунда шоқол бўлдим, эмаклаб увладим,
Йўлкада зўрдин қочуб, ожизни итдек қувладим,
Сўнг хўroz онглаб ўзум гўнг устида “қу-қу”ладим,
Ҳовлиға етқоч, бошим сукдим челакка, сувладим,
Шай эди уйда хотун энди бутунлай кўчали.

Дод солиб ёrim кўзидин икки сой оқди, кўрунг,
Уйғониб саккиз болам тенг дарчадин боқди, кўрунг,
Теграда юз хонадон бир-бир чироқ ёқди, кўрунг,
Чиқди-ю қўрс қўшнилар, пўстагим қоқди, кўрунг,
Ич яна, Гулмат, тугал одам сафиндин ўчали.

1985 йилда тикланди.

МУХАММАС, РАҚАМ 4

*ёки рўсиёлиқ шоур Кўзма Прутковнинг фақирни
йўқлаб келгони, базм оқибатинда сартароишонамдин айрилғоним,
ҳам ул ҳақда дөгу ҳасрат-ла битғоним.*

Янги йилни ҳумоюнлаб дўконимга зиё келди,
Рўсиёдин велик ашъорнавис Кўзма ағо келди,
Қароқалпоқ Амир лаққи миниб лўқ-лўқ туё келди,
Тожигим мулла Мушфиқий десам “биё-биё” келди,
Яна жондош қозоқдин шумқилиқ Алдар кўсо келди.

Бўйинсочуқни дастархон айлабон ўртаға ёздим,
Устарамда пиёз кертиб, қазон топмай чељак осдим,
Этиқ, валинкаю маҳси ўтин бўлғоч, ёқиб остин,
Қилиб картишкани “жиз-биз”, ёф ўрнига совун босдим,
Ки факирға тўрт тарафдин тўрт лисонда дуо келди.

Мулла Мушфиқий тугиндин бўзаю шўр наҳанг олди,
Туёсидин қимизли мешни Амирбек аранг олди,
Серкўпик ул қовурдоқни чељакдин сўнг аканг олди,
Кўсо хуржунини кавлаб кўбизни сал таранг олди,
Офаринким Кўзма ёқдин шиша қадди расо келди.

Амир инграр, қимизни бўзага уйқаш ичиб эрди,
Қизиб ҳаммомчилик Мушфиқ, шолча тўндин кечиб эрди,
Кўсо кўбиз чалиб “вағ-вағ” қилур, оғзи қичиб эрди,

Кўзма шишони бўйнидун мис кишанни ечиб эрди,
Замбаракнинг хитобидек гумбарақли садо келди.

Дўкон бўлди қулоқ-офиз бозори – хўб гурунг сотдик,
Тугаб бўза, қимиз, шампон, хумориға чилим тортдик,
Жунун янглиғ уруб қаҳ-қаҳ, бир-бировға мазах отдик,
Адашган бир саёқ эчки дарчадин боқса донг қотдик,
Деди кимдир: “Қаранглар, ўв, соқолдор қорбобо келди”.

Хотун уйдин ҳайдағонин гапирсам, дил йириңгларди,
Манго мўлт-мўлт боқиб Кўзма, ҳўнграғонича тингларди,
Кўсо ухлар vale қўлда қўбизи гоҳ дириңгларди,
Шипга боққонча Мушфиқий ўз-ўзича ҳириңгларди,
Амир хуррак отиб, кўз ўнгима қассоб, буқо келди.

Беш ковушдек бўлиб бешшов сулайғонча қолибмиз денг,
Чилим чўғидин тўшакка ўт кетиб, дод солибмиз денг,
Ялангоёқ туриб чаққон дўкондин бош олибмиз денг,
Сўраб ёрдам, ёниб бўлғунча фарёддин толибмиз денг,
Одамзот шўриға, Гулмат, ичкилик бир бало келди.

1985 йилда тикланди.

МУХАММАС, РАҚАМ 5

*ёки Ғишимат исмли сарой мунаққиди бебои
газалларимни кундага судрагони ва бунга жавобан
беройши калималар айтгеном.*

Чарх ишин қодир эгам аввалда хуржун айлади,
Нур бериб бир паллага, бир паллани тун айлади,
Кумрини пайдо этиб, тўрт ённи қузғун айлади,
Гар тилин бурро қилиб шоирни дуркун айлади,
Не учун Ғишматга ҳам сўйлашни мумкин айлади?

Шоир туғилгай онадин ҳақни ёзарға сўз бериб,
Ўзгага малҳам тутиб, юрдим ярамга туз бериб,
Учради Ғишмат сабил бирдан фалокат юз бериб,
Бошида тангрим ўзи шоирга ўткир кўз бериб,
Не сабаб айғоқларин бир четда дурбин айлади?

Шеърият гулли дарахт, деб эгам мазмунини,
Кўйди ўнг шохни безаб шоири мажнунини,
Во ажаб, чап шохга сўнг жойлади маймунини,
Гулни бу хидлар, у-чи – чайнагай қонунини,
Булбулни – гулга, баргга лек эчкини мафтун айлади.

Кашф этиб Ғишмат совун, сўзни гупирмоқ ўргатур,
Биз гилам турсак тўқиб, шолча супурмоқ ўргатур,
Нос чека билмас ўзи, чексак тупурмоқ ўргатур,
Дил ясаб тангрим нечун дилни ўпирмоқ ўргатур,
Нега қўй барпо қилиб, қашқирни устун айлади?

Бир дуруст шоирға Ғишмат сан кетимдин юр дебон,
Гапни дард, ғавғогамас, таъзимга кўпроқ бур дебон,
Кимда бор бўлса муҳр мақтов-минора қур дебон,
Исмингни карнайда чалай, довруг-ла даврон сур дебон,
Номини осмонда-ю, фаҳмини турғун айлади.

Чин буюк шоир азал кўрди ҳар қайдада жабр,
Ҳожа қул Аҳмад қочиб лаҳм аро топди сабр,
Машрабо қувғин юриб кезди юз сахро-Кабир,
Зўр ўрус шоирларини қилди оқпошшо Сибир,
Шум фалак Гулматни ҳам Ғишматга сургун айлади.

1987 йилда тикланди.

ЁВВОЙИ МУСТАЗОДЛАР

МУСТАЗОД, РАҚАМ 1

Гоздек оқиб Оқтепадин ўтди париваш,
балдоғи ял-ял,
Икки сочи кўйлагининг қуийга чирмаш,
нимчаси бахмал.

Чойхонадин боқди авом қўш қўзи бежо,
оғзи очилғон,
Барчани у айлади-ку фикрини чалкаш,
турқини ҳайкал.

Икки ковуш ғижирласа тушди ўйинга
Хожи этикдўз,
Бошида ҳўл латтаю лек қалбига оташ
солди Ҳалил кал.

Сотти сатанг ҳайдаб эди икки хотунни,
уйда – учинчи,
Шай эди у уйдагисин қилғали алмаш,
қўллари чангал.

“Уст боши-ла сотиб олар эдим бу хурни
бўлсам амалдор” –
Ҳатто Мадал девонанинг кўнгли бўлиб ғаш,
йиглади сал-пал.

Бойни қизи бўлса бўлар, сан эса, Гулмат,
шоири якто,
Шартта бориб эмди онинг пойига тирмаш,
ушла таваккал.

1983 йилда тикланди.

МУСТАЗОД, РАҚАМ 2

Юздаги холингни яшир, солма, момо қиз,
бошима кулфат,
Кўргунча они порпираган дил эди фонус,
қоплади зулмат.

Икки юзинг бир-биридин нега аразлар,
бунча рақибдир?
Чунки йироқ турди холинг имласа чап юз,
ўнгига улфат.

Холки яна – мисли ётур чинни ликобда
бир дона кишмиш,
Кўп ялануб унга қўлим етмади ҳаргиз,
борига раҳмат.

Эрди юзинг гулшан аро худди садафгул,
хол эса – шона,
Ари бўлиб унга хаёл қатнади ғиз-ғиз,
сабрига ҳайрат.

Кафтга қўйиб юргай эдим манга ёр ўлсанг,
тилхат берайму?
Холингни олиб нуқта қилай, ўртада нон-туз
ёзганда тилхат.

Ҳиндуда қаро хол ҳақида борки не ашъор –
санга муносиб,
Куйлади холингни куйиб форсида Ҳофиз,
туркида Гулмат.

1983 йилда тикланди.

МУСТАЗОД, РАҚАМ 3

Бўлди, ажаб, нега замин ишлари алғов,
тескари осмон,
Қозисининг инсофи йўқ, беклари анқов,
саркори шайтон.

Олимининг салласида тиллаю гавҳар,
калласи бўм-бўш,
Васвасаю дабдабанинг маскани чайқов,
ақл эса арzon.

Шоир агар орсизланиб мақтаса хонни,
зарга кўмилғай,
Ҳақни деса тезда онинг номи бўлур ёв,
бўйнида арқон.

Нафсини деб айғоқ ўлуб баъзи бирорлар
дўстини сотди,
Бир-бирининг орқасидин бошлади “ков-ков”
ахли мусулмон.

Энди Чуқурсой-да наҳот ҳулқини мослаб
тескари оқай,
Дониш ахир даврада пойгакда туур ров,
тўрида – нодон.

Ўзни бу дам кўрсанг амон “ман-ку тирик” деб
қувнама, Гулмат,
Неки овунтирса сани барчаси алдов,
ҳаммаси ялғон.

1983 йилда тикланди.

МУСТАЗОД, РАҚАМ 4

Дил қуши бир ожизани айлади манзур,
э жўра, найтай,
Сан демагил: “Ожизани қўмсамай ўлгур,
йўқмиди май-пай?”

Майни отиб, лойда ётиб тахтга тупурмоқ
соз бўладир, лек –
Созроғ ўлур ноз ила май тутса бирон хур,
куйласа “лай-лай”.

Сабр айлагай, қўймаса той урмоққа жабдуқ,
уста чавандоз,
Майли чидай, ҳали асов маъшуқа курғур,
қийнади, бай-бай.

Кўнгил очиб эрди фақир танҳо йўлиққоч,
қарғади кетди,
Бизга эса гўё онинг зардаси танбур,
қарғиши найдай.

Тонгда уялғайму дебон бегоналардин
тунда чақирдим,
Тутди мани уч окаси, бошлади “ур-ур”,
депсиди, вай-вай.

Ишқ бобида донг таратур нега у Фарход,
турганда Гулмат,
Кўй, юрагим, улгурамиз бўлгали машхур,
ўксима, хай-хай.

1983 йилда тикланди.

ЁВВОЙИ ҲАНГОМАЛАР

ҲАНГОМА, РАҚАМ 1

*ёки савдо иши бирлан Рўсиёга боргоним, Петрограт
(Петрбуруғ)ни тамошиб қилгоним, ҳам мелодий 1917 нинг
наврӯзинда ул тўзида ёзгоним.*

Петрбуруғ сари келдим,
Бир шаҳарки дилдор экан.
Ундин-бундин сўраб билдим,
Буржўйлари бадкор экан.

Бўлса ҳамки сал-пал чирик,
Дарровда пул бўлди ўрик,
Сотсанг кетар ҳатто ўлик,
Чунон чаққон бозор экан.

Белимга сўнг туғиб пулни,
Чоғладим сайр этиб дилни,
Бир олифта ўпид гулни
Ҳар аёлға хуштор экан.

Ярмаркада қатор лавка¹,
Бир дўкондор тутди гапга:
“Харўш пўстин”, “Бери шапка...”
Кўп устамон аттор экан.

Бўлмасин деб мандин хафа,
Олиб кийдим жун шляпа,
Бир масти келиб деди: “Папа”²,
Йифлогу беозор экан.

Катта йўлга чиқдим гаранг,
Ўйин тушар дўндиқ мазанг,
Бўйгинангдан дедим аканг,
Ишинг доим “ёр-ёр” экан.

¹ Дўконча.

² Дада.

Кўприклари узун-узун,
Фавворалар ёшлар кўзин,
Баришналар¹ очиб юзин,
Музқаймоққа қатор экан.

Бир томонда балетқўрғон,
Тамошоси ур-тўпалон,
Сарупоси юпун ўғлон
Ожизани қувлор экан.

Бирор юргай эгиб бошин,
Бирор ўтгай миниб мошин,
Буржўй итга тўкса ошин,
Ишчиси беифтор экан.

Шу боис дил тўлиб қонга,
Камхаржлиги тегиб жонга,
Ноинсоф ул фабриконга²,
Мастравой³ ўчкор экан.

Сездим, Гулмат, бежо замон,
Бўлши-менши⁴ – икки томон,
Ман ўртада қолсам ёмон,
Уйга қочмоқ даркор экан.

1982 йилда тикланди.

ҲАНГОМА, РАҚАМ 2

*ёки Қоравой подачининг оқпошио томониндин
мардикорликка итоб қилингони, Рўсиёда бир қизни
севиб, танишмоққа урингони ва эшишиб ёзғоним.*

Издираска! Вай, скучна...
Танишайлу, пажалиска.
Бўлмоқчиман ман дружна,
Танишайлу, пажалиска.

¹ Хонимлар

² Завод-фабрика эгалари демоқчи.

³ Мастраавой – ишчи.

⁴ Болшевиклар ва меншевиклар.

Оting нима, красўтка,
Марусками ёки Лудка?
Ачавотдан келдим бўтка,
Танишайлу, пажалиска.

Ман подачи Қоравойман,
Маҳалламда залатўйман,
Хотини йўқ маладўйман,
Танишайлу, пажалиска.

Қанча-қанча баранчик мой,
Ман начайлик, қўй – прастой,
Улоқ чопсам отим первой,
Танишайлу, пажалиска.

Кўринишинг харўш жуда,
Бормоқчисан бугун куда?
Туда юрма, шагай суда,
Танишайлу, пажалиска.

Отдихай эт, мана, майса,
Холва кушай бирон пайса,
Қилиб юрма испугайса,
Танишайлу, пажалиска.

Бозорчикда бор марўжна,
Олиб берай, десанг мўжна,
Гаплашиб сал астарўжна,
Танишайлу, пажалиска.

Ақчадан бор, яна куплу –
Зўр рўбашка, хиром туфлу,
Меравойсан, сани лублу,
Танишайлу, пажалиска.

Маржа бўлсанг, яшардик жам,
Кибиткамга ёқардинг шам,
Яхши кампир мамашкам ҳам,
Танишайлу, пажалиска.

Моя – Мажнун, твой – Лайли,
Братишканг бўлар қайни...
Дема тезда “дасфидайни”,
Танишайлу, пажалиска.

1985 йилда тикланди.

ЁВВОЙИ МУЛОҚОТЛАР

МУЛОҚОТ, РАҚАМ 1

*ёки шунчаки гап-гаштак айтишиб,
доно бўлғоним.*

Авом сўрди:

– Бу оламда нимарса соз?

Сазо қилдим:

– Чимилдиқда чекилғон нос.

– Недурки ул носни кайфининг заволи?

– Қишида қирдирмоқ ялангда соч-соқолинг.

– Қаҳратонда жонга оро недур яхши?

– Эм бўлодир ёш хотун ва калиш-маҳси.

– Келса-чи ёш хотундин юз бало қуршаб?

– Бало келгай йўлинг кесиб ўтса миршаб.

– Борму миршаб ҳуштагидин норасоси?

– У – бангилар ё хоқонлар можароси.

– Элга етғай хоқондин не азобнок иш?

– Ҳатто ғусл қилурға ҳам фармон кутиш.

– Биларсизму фармондин бурд кетар онин?

– У кун қанча туғиши ҳақда чиқар қонун.

– Беконун ҳам куйса пушт не асар берғай?

– Шифо деб мол сутин соғсанг, заҳар берғай.

– Заҳарсиз лек қонни қандоқ айнитурлар?

– Онангни ёт тилда санга танитурлар.

– Оносидин олур инсон не андоза?

– Фарқламоқни – ҳаром қайда, недур тоза.

– Поку нопокни белгиси борму алҳол?

– Ўлим макруҳ, қолғон сабил бари ҳалол.

– Ўлимдин ҳам ёмони бу недур жумбоқ?

– Ўз уйингда ўзгадин жой тилаб турмоқ.

– Уйинг ташлаб кетурға кўндирур қай ҳис?

– Қазонингга думин суртиб ўтса иблис.

– Иблис ўтса, уни қандоқ изи қолғай?

– Бутун денгизни симиргай, тузи қолғай.

– Шартми қочмок, денгизга то даво керак?

– Даволаш-чун табибликка Олло керак.

– Тангрига тенг бўлолғай қай маҳал уммат?

– Мир Алишерга қачон бас келса Гулмат...

1988 йилда тикланди.

МУЛОҚОТ, РАҚАМ 2

ёки мелодий 1888 нинг сўгинида Гишимат исмли айғоқфеъл танқидчи ила сўз ўйнагоним.

– Не хазинам бор эрдики, у – барбод?
Недин ямон қўрқадур терс одамзот?
Недур зарур мол-у, нодир кашфиёт?
Завол бизда қолғай, саволи сизға.

– Биз совурғон хазина – вақт, имкондур,
Дуч келурға қўрқонимиз – виждондур,
Зўр кашфиёт, энг зарур мол – иштондур,
Савоб бизда қолғай, жавоби сизға.

– Ким йиғлаюր, vale ётни шодлатур?
“Гиламчида гилам йўқ” – не англатур?
Тиламчи ўз ҳолин қачон танглатур?
Завол бизда қолғай, саволи сизға.

– Йиғлаб бизни қувнатғучи – ўланчи,
Деҳқон азал – гилами йўқ гиламчи,
Мукофотхўр – ўта ночор тиламчи,
Савоб бизда қолғай, жавоби сизға.

– Недур оҳанг дунёда энг ёқимли?
Тўнг амалдор қай ҳажмда ақлли?
Ким айтолур шайтон тусин ақалли?
Завол бизда қолғай, саволи сизға.

– Ташнага сув овози – энг “ялла”роқ,
Қўрс амалдор – эшакдин серкаллароқ,
Тилло – сариқ, шайтон яна маллароқ,
Савоб бизда қолғай, жавоби сизға.

– Кўчманчилик фалакнинг не жафоси?
Ким кўриб тез чамалар юрт баҳосин?
Хуркак элнинг борму мақбул таққоси?
Завол бизда қолғай, саволи сизға.

– Бекадрлар қадр излаб жой кезар,
Қай юрт қашшоқлигин гадо тез сезар,

Кўркоқ эл “туф” дегон носдек бўп тўзар,
Савоб бизда қолғай, жавоби сизға.

– Искандару Чингиз, хонлиқ замони
Давом этур оғзи зўрнинг талони,
Ганимнинг ҳам борму яхши-ямони?
Завол бизда қолғай, саволи сизға.

– Очкўз ғаним – дон ўғирлар келингдан,
Жоҳил ғаним – жудо этғай элингдан,
Айёри – бош силаб, осар тилингдан,
Савоб бизда қолғай, жавоби сизға.

– Бўлғаймикан итнинг орзу-ҳаваси?
Ғулом¹ тутғаймикан чархнинг бургаси?
“Ҳароми!” деб қарғамаклик нимаси?
Завол бизда қолғай, саволи сизға.

– Ит орзуси – ялаш этик хиромин,
Хотунсиз эр – бит-бурганинг ғуломи,
Босқунчиға ён босғон – ғирт ҳароми,
Савоб бизда қолғай, жавоби сизға.

– Биз кўрмасак, ким ул бизни кузатса?
Кимдурки ул – емай бизға узатса?
Минг йил бузсак, наҳот зумда тузатса?
Завол бизда қолғай, саволи сизға.

– Биз кўрмасмиз, Олло бизни кузатғай,
Ўзи емай, Олло бизға узатғай,
Элни кўр хон бузғай, Олло тузатғай,
Савоб бизда қолғай, жавоби сизға.

– Муаллимнинг соқови ҳам бўлурми?
Туққувчидин туғилғон тез ўлурми?
Бу оламда гул сабабсиз сўлурми?
Завол бизда қолғай, саволи сизға.

– Зўр китобда тил йўқ – муаллим бўлар,
Бадбахт шоир ўз шеъридин сўнг ўлар,
Танқидчининг бурни теккан гул сўлар,
Савоб бизда қолғай, жавоби сизға.

¹ Ғулом – кул (аслида, ҳарамдаги бичилган хизматчи).

– Оламда чўнг ҳимматнинг не рамзи бор?
Кангул ғашликларин кўмғай қай мозор?
Иккисиға ким юродур ташна-зор?
Завол бизда қолғай, саволи сизға.

– Дилбар ўпич тутмоқлиғи – ҳимматдин,
Дилинг дардин олмоқ – фозил улфатдин,
Алар бўлса, сарф-харажат Гулматдин,
Савоб бизда қолғай, жавоби сизға.

1988 йилда тикланди.

ЁВВОЙИ РУБОИЙЛАР

РУБОИЙ, РАҚАМ 1

Лайлатулни¹ кўрғон маҳал
Яқомдин тез ушла, Тош кал.
Ки авора бўлмағай халқ
Кўйиб манга тилла ҳайкал.

РУБОИЙ, РАҚАМ 2

Таомнинг соз эмиш ози,
Нечун озга бўлай рози?
Едирса ким ахир кўпроқ,
Ўшанға ён босур қози.

РУБОИЙ, РАҚАМ 3

Шуни билки, око Ваққос,
Хоқон – бургут, биз эсак – ғоз.
Хоқондин сан тила жонинг,
Сўраб борма валекин нос.

РУБОИЙ, РАҚАМ 4

Бизда тўндин бўлак не бор?
На мол йиғдиқ, на қучдиқ ёр.
Бир йўла лек амир бўлдиқ
Бу кеч нася ичиб кўкнор.

РУБОИЙ, РАҚАМ 5

Фотиҳага қўлингни оч:
Касб-ишингга берсин ривож,
Мартабанг ҳам баланд бўлсин...
Йиқмаса бас бир узунсоҷ.

РУБОИЙ, РАҚАМ 6

Дема: “Ҳақ йўл тузилғондир,
Замон пастдан бузилғондир”.
Пастдаги бу чигал иплар
Хон қасридин чўзилғондир.

¹ Айтишларича, “Лайлатулқадр қуши”ни кўрган киши ниманики ушлаб турган бўлса, шу нарса олтинга айланиб қоларкан.

РУБОЙИ, РАҚАМ 7

Мулкин худо қилғоч талош,
Манго тегмиш фикрли бош.
Ақл ўрниға сан хумпар
Олибсан зар чопон, извон.

РУБОЙИ, РАҚАМ 8

Замон зайли қолиб зўрга,
Хаёт ўхшар очиқ гўрга.
Бу гўр сори неча соғлар
Келибдур эргашиб кўрга.

РУБОЙИ, РАҚАМ 9

Бўри боқмоқ заарлидир,
Илон боқсанг, заҳарлидир.
Хотун тутмоқ, аё дўстлар,
Алардин ҳам хатарлидир.

РУБОЙИ, РАҚАМ 10

Тушойин деб эътиборга,
Салом берсам амалдорга,
Деди: “Таажжуб, санингдек сур
Осилмабдур ҳануз дорга”.

РУБОЙИ, РАҚАМ 11

Недир – дилни хароб қилғай?
Недир – шавқни сероб қилғай?
Деди майхўр: “Шаробдин ич,
На қилса ул шароб қилғай”.

РУБОЙИ, РАҚАМ 12

Яратғонга сифинғон он,
Турфа тилдин турфа афғон.
Бирор тахтни умид қилса,
Бирор йиғлар сўраб иштон.

РУБОЙИ, РАҚАМ 13

Ёруғ дунё сирин билдим,
Ки сандин ҳам бурун билдим:
Кимда имон нечоғ камдир,
Яшар шунча ширин, билдим.

РУБОЙИ, РАҚАМСИЗ

Дўзах ичра яралганмиз,
Сўйилганмиз, ямалганмиз.

Шоҳдан ортиқ жойимиз бор –
Гуноҳ қилсак қамалганмиз.

РУБОЙИ, РАҚАМ 14
Мадал банги чилим тортиб,
Тушунтириди бурун артиб:
– Неки воиз экан бадхулқ,
Демак илмида йўқ тартиб.

РУБОЙИ, РАҚАМ 15
Намозшомда келиб булбул,
Атиргулга деди ул-бул.
Гул ғўдайди, гўё санга –
Мани ёзғон шеърим бир пул.

Рубоийлар 1982 йилда тикланди.

ЁВВОЙИ ТҮРТЛИКЛАР

ТҮРТЛИК, РАҚАМ 1

Майхонага нечун биз ичғони келдик?
Ерга ағнаб, гиламдин кечғони келдик.
Дўст, қиз, фалак куйдириб-ёндирди бизни,
Унутғаймиз мастиликда – ўчғони келдик.

ТҮРТЛИК, РАҚАМ 2

Эр курашгай, аёл йиғлар, мани йиғлатғони қўйма,
Ки ожиз ўз дилин тиғлар, дилим тиғлатғони қўйма.
Мани, жоно, овунтиргил, гаҳи ором тила, аммо –
Фаҳмсизлар узоқ ухлар, мани ухлатғони қўйма.

ТҮРТЛИК, РАҚАМ 3

Сув етмасин алафга, райхонга қуллук,
Йитсин қашқир касофат, жайронга қуллук.
Хиёнаткор чиқса дўст, одамга лаънат,
Вафодорлиқ қилса ит, ҳайвонга қуллук.

ТҮРТЛИК, РАҚАМ 4

Бир-бирига гўё эрур ошна амалдор,
Бир-бирининг қонига лек ташна амалдор.
Шогирд тушиб андин фириб илмин олурға
Шайтон деюр таъзим-ла: “Йўл бошла, амалдор”.

ТҮРТЛИК, РАҚАМ 5

Биродарлар, аёқ тортмас мадраса сори бормоқقا,
Бир пари ноз ила тутди қўндириб майни бармоқقا.
Илинтирғай мўминни дер май ила қиз бўлуб шайтон,
Эснабон ваъз тингламоқдин илинмоқ соз бу қармоқقا.

ТҮРТЛИК, РАҚАМ 6

Совчи келди сүйдигимга белга пулни дасталаб,
Ман майиббел четда қолдим соғ юракни хасталаб.
Пулга ёrim учса учсан, молга сотсан эркини,
Аҳли фикрат рўзиғорсиз юрса яхши жасталаб.

ТҮРТЛИК, РАҚАМ 7

Қизингдан ҳам ўзинг беор,

..... шўринг қурсин,
..... эй, амалдор!

ТҮРТЛИК, РАҚАМ 8

Токи сатринг аломат эрур,
Юртга шеъринг даромад эрур.
Демак бир кун саҳнадан кетсанг,
Элинг-чун бу камомат эрур.

ТҮРТЛИК, РАҚАМ 9

Зарни ўпид ётдилар, ман яшадим, ётмадим,
Кайф лойига ботдилар, ҳушёр бўлдим, ботмадим.
Не қилмади бандалар носпули деб, Гулматий,
Кўплар мани сотдилар, ман бирорни сотмадим.

ТҮРТЛИК, РАҚАМСИЗ

Бир ҳикоят айтадурман озгина лофи билан,
Ул Ҳалим дабба яшабдур чотида қопи билан.
Уйланиб юз ёшда шоввоз қилди исбот охири
Гоҳ бола кўрса бўлуркан оғзининг тоби билан.

ТҮРТЛИК, РАҚАМ 10

Аё Гулмат, жўшар дардинг,
демак шеър битмофинг даркор,
Кимки носоз – қалам санчиб,
созни мадҳ этмофинг даркор.
Бу чарх манга жафо тутди,
жим симиридим аламларни,
Э қагоз, ман заҳар тутсам,
санам жим ютмофинг даркор.

Tўrtliklar 1983 йилда тикланди.

ЁВВОЙИ ЎГИТЛАР

ЎГИТ, РАҚАМ 1
Қарз олсанг, соқовдин ол.

ЎГИТ, РАҚАМ 2
Янглишуб ёт ковушни кийғонингда ўзингники
қўлтифингда бўлсун.

ЎГИТ, РАҚАМ 3
Текин ишлағонда секин ишла.

ЎГИТ, РАҚАМ 4
Сомсани доимо учинчи бурчагидин бошлабон егил.

ЎГИТ, РАҚАМ 5
Ҳатто айғоқчи эрсанг-да, арилар сұхбатиға бурун тиқма.

ЎГИТ, РАҚАМ 6
Итга тош отсанг, чўлоғига от.

ЎГИТ, РАҚАМ 7
Йўқолган имонингни ошқозонингдин ахтаргил.

ЎГИТ, РАҚАМ 8
Иштонинг эски бўлса бўлсун, иштонбоғинг мўрт бўлмасун.

ЎГИТ, РАҚАМ 9
Даставвал сутини ич, сўғин ем бер.

ЎГИТ, РАҚАМ 10
Ўзга маҳалла бойваччасиға сатқайи саломинг кетсун.

ЎГИТ, РАҚАМ 11
Ошга бўкиб ўлгунча майга чўкиб ўл.

ЎГИТ, РАҚАМ 12
Буқанинг олдида юрмагил, эшакнинг ортида турмагил.

ЎГИТ, РАҚАМ 13
Қўшнинг олма экса, деворингни пастроқ ур.

ЎГИТ, РАҚАМ 14
Қассобга гул берма, хотунга – пул.

ЎГИТ, РАҚАМ 15
Данаги бирла юта билмағон ўрик ўғирламас.

ЎГИТ, РАҚАМ 16
Дўстга сир айтиб, ул бечорадин сотқин ясамағил.

ЎГИТ, РАҚАМ 17
Амалдор илжайғонида, дардинг бўлса айтиб қол.

ЎГИТ, РАҚАМ 18
Киморга уйингни тиксанг тиккил, носқовоғингни тикма.

ЎГИТ, РАҚАМ 19
У бетингга урғоннинг бу бетини пачоқла.

ЎГИТ, РАҚАМСИЗ
Эй, хотун! Эринг маош ила келса сандиқни оч, ғазаб ила келса сандиққа қоч.

ЎГИТ, ДАҒИ РАҚАМСИЗ
Эй, хотун! Эр деган жониворнинг уст-бошини кунда ювғил, токи бемалол чўнтак кавлаюрсан.

ЎГИТ, ЯНА РАҚАМСИЗ
Эй, хотун! Эринг маст келғонида яхши гапир, аччиқ чой дамла.
Ичмай келғонида ҳам яхши гапир, vale чойни ўзи дамлаб олсун.

ЎГИТ, БУТКУЛ РАҚАМСИЗ

Эй, хотун! Тушингда арқонга тирмашиб тоқقا чиқмоқдин ўзингни тий. Ва яъни ёнингда тинч ухлайтурғон эрингнинг соқолига осилма.

ЎГИТ, ТУҒМА РАҚАМСИЗ
Тулки эсанг шерман дема, шерман десанг товуқ ема.
ЎГИТ, РАҚАМ 20
Дайдигонингга яраша шоир бўл.

Ўгитлар 1984 йилда тикланди.

ЁВВОЙИ БАЙТЛАР

БАЙТ, РАҚАМ 1

Машраб кўмилур, гўр яна минг бора қазилғай,
Минг битта яшаб, бор-йўғи минг бора осилғай.

БАЙТ, РАҚАМ 2

Ёр лаби – гилос,
Бир дона холос.

БАЙТ, РАҚАМ 3

Кетса хотиним, бу рўзиғорим нима бўлғай,
Эчким, товугим – маккага зорим нима бўлғай?

БАЙТ, РАҚАМ 4

Манго кимки ғаним эрса, жони азобда ўртансун,
Хотин олса бузуқ чиқсин, қизи ҳам пулға ўргансун.

БАЙТ, РАҚАМ 5

Етар эмди, бўлиб ботир битай недин дилим доғлиқ,
Ёрга нола қилиб ётмоқ – хотинбозлиқ ва қўрқоқлиқ.

БАЙТ, РАҚАМ 6

Тўйиб олиб олдин бўнкага,
Сўғин чиққин тиқин кўнкага.

БАЙТ, РАҚАМ 7

Сомоворда каттадур қорин ҳам бурун,
Кўл-оёқ, кўз, мияга қолмабдур ўрин.

БАЙТ, РАҚАМ 8

Оқпошони мақтасам, бошдин сочурлар танга,
Элим, сани мақтайин, “Балли!” десанг бас манга.

БАЙТ, РАҚАМ 9

Уёқда хун этиб бағрим эзив ётғай мани хонлиқ,
Буёқда севгилим золим, кўрунгки – тирноғи қонлиқ.

БАЙТ, РАҚАМ 10

Бурунформан, vale иссиқ истарам,
Гапим тўмтоқ, vale ўткир устарам.

Байтлар 1986 йилда тикланди.

ЁВВОЙИ ФАЛСАФАЛАР

ФАЛСАФА, РАҚАМ 1

Тангримнинг саховати бул қадарким, киссавурға ҳам ризқ берид, мижозларини трамбойға тахлаб қўйибдур.

ФАЛСАФА, РАҚАМ 2

Бу баччағар чумолилар бир ёқодин бош чиқариб донимни ташийдурлар. Ва афсуски, аларнинг орасига бир айғоқчи-ю, икки фитначи юбармакнинг имкони йўқ.

ФАЛСАФА, РАҚАМ 3

Ожизнинг баҳти илжайса, зўрнинг замбараги эгасининг бошига қулагуси.

ФАЛСАФА, РАҚАМ 4

Бақаларга жўр бўлғондин ҳофиз чиқмас.

ФАЛСАФА, РАҚАМ 5

Савобнинг текинин қидирадур, гуноҳни пулга оладур.

ФАЛСАФА, РАҚАМ 6

Яхши бўри бир қуён ила икки бор учрашиб ўтирмағай.

ФАЛСАФА, РАҚАМ 7

“Каллангиз жойидами, э жанобим”, десам, бошини бир ушлаб кўриб, “ҳа” деди.

ФАЛСАФА, РАҚАМ 8

Эгам тилсимотларининг ғаройиблиги қўпчилик ақлдорни кал қилиб яратғонида эмас, барча калга ҳам ақл беравермағонида яққол кўринур.

ФАЛСАФА, РАҚАМ 9

Қонхўрга кўз ёшлиғон – қудуққа қармоқ ташлағон.

ФАЛСАФА, РАҚАМ 10

Ул доно дебдур: “Камбағални урма-ю, тўнини йиরт”. Ман доно қўшимча айтдим: “Бойни ўлдирма-ю, душманиға амал бер”.

ФАЛСАФА, РАҚАМ 11

Яратғон янги нав тарвузинг билан керилма. Худойим яратғон тарвузга тан бергилким, устида сану ман от чоптириб юрибмиз.

Фалсафалар 1987 йилда тикланди.

ЁВВОЙИ ТУЮҚЛАР

ТУЮҚ, РАҚАМ 1

Қолсун десанг агар мандин яхши от,
Ётни сўкма, жаҳл чиқса носни от.
Эшакликка салом бергил биринчи,
Ўзинг миниб олғон эсанг ҳамки от.

ТУЮҚ, РАҚАМ 2

Соз бўлурди, ёр, гапимни бўлмасанг,
Бунча овсар, бунча қайсар бўлмасанг?
Манга дўстим узатғон гул бўлгин-у,
Рақибим – Тош кал қўлида бўлма санг.

ТУЮҚ, РАҚАМ 3

Умарвойни тукқан ким у мард она?
Ҳаммом сари бошлади у мардана.
Борғоч vale кўкнор эзиб бир четда,
Сатранж ўйнаб сурдик ман, Умар дона¹.

ТУЮҚ, РАҚАМ 4

Э момиқчам, етилмишdir боғингда олма,
Шайтон: “Ол!” дер, Раҳмон эса қайтарур: “Олма!”
Карам этғил, они бир бор суртайин кўзга,
Сўнг майлига садқа айлай жонимни – ол, ма!

ТУЮҚ, РАҚАМ 5

Кўп жаврама, хотин, ўчир унингни,
Ашъор битай, сан хамир қил унингни.
Бунда илҳом қийнар, унда – хотиним,
Ол, худойим, бунингни ё унингни!

ТУЮҚ, РАҚАМ 6

Тун сайлига чиқди Мошгул, яхши қиздир,
Ғазал айт-у, гапни, Гулмат, яхши қиздир.
Ўлмағайсан, елкасига чапонинг ёп,
Титрамоқда кўйлагида яхши қиз дир.

ТУЮҚ, РАҚАМ 7

Ёз оқшоми қиз-йигитни бирлаганда,
Кумуш сочди фалакдин ой бир лаганда.
Қиз вужудин силаб-сийпаб эсди еллар,
Ва тарқатди исин райхон бирла ганда.

¹ Кўкнор ичувчиларнинг сувдан, чўмилишдан қўрқишлирига ишора.

ТҮҮӨК, РАҚАМ 8

Нола қилма, кангул, фурсат бўлди кеч,
Ул жувонни қўмсамақдин тугал кеч.
Калиш олиб бермағондинг йиғласа,
Кетди ташлаб, эмди армон лойин кеч.

ТҮҮӨК, РАҚАМ 9

Дўст кулбасин сўқмоғини босибдур ўт,
Бу ҳолатни кўруб дилға тушибдур ўт.
У раҳматли билан майлар ичар эрдик...
Нос сўрамай ўл-е... Кимсан?.. Йўлингдан ўт!

ТҮҮӨК, РАҚАМ 10

Ғофил эсанг, танламайди уйқу ёш,
Тунда бедор ёр қуч, тўксун уйқу ёш.
Қуёш нурин сочса, уйда шеър тўқи,
Ўлиб кетсанг, насиб этмас уй, қуёш.

Туюқлар 1984 йилда тикланди.

ЁВВОЙИ ФАРДЛАР

ФАРД, РАҚАМ 1

Хуснинг кетур, жоно, боданг тугар, соқий,
Фақат маним битғонларим қолур боқий.

ФАРД, РАҚАМ 2

Чечак сўлса, йиғлағон – оч шоир эрди,
Гўлнинг “оҳ”и ўз қорнига доир эрди.

ФАРД, РАҚАМ 3

Эшак қилиб яратса ҳам агар тангри,
Барибир ман бўлур эрдим шоир-ҳанги!

ФАРД, РАҚАМ 4

Бойни қизи дўмбоқ эса, манга нима, окоси?
Манга қошин қоқса агар, санга нима, окоси?

ФАРД, РАҚАМ 5

Қўрс сигирни ийдирурға хашак келтир,
Терс жувонни эритурға безак келтир.

ФАРД, РАҚАМ 6

Эру хотин ярашдилар, vale бориб –
Яраштириғон факир қайтди бурнин ёриб.

ФАРД, РАҚАМ 7

Хайда, хайда, хайда – қўйингни қирга ҳайда,
Иложи бўлса, ошнам, хотинни бирга ҳайда.

ФАРД, РАҚАМ 8

“Арз бор” десам, “тангри”си қўргонда туармиш,
“Мункар”лари пўрмада посбонда туармиш.

ФАРД, РАҚАМ 9

“Келдим гуноҳ ювгали”, десам бориб имомга,
Имом деди: “Мачитни айлантирма ҳаммомга”.

ФАРД, РАҚАМ 10

Бу арбоблар ҳаттоки жўн қилмас таҳорат,
Сувинг совуқ, деб сойни ҳам айлар ҳақорат.

ФАРД, РАҚАМ 11

Лол-маҳлиё бокдик “қулт-қулт” қуйилғон майга,
Бўғма илон сеҳрланғон каби сурнайга.

ФАРД, РАҚАМ 12

Замин хўқиз шохидা қалтис туродир бешак¹,
Бирон маст ул хўқизга ирғитмаса бас хашак.

ФАРД, РАҚАМ 13

Итни итга тишлатиб, вақти соғдир итбоқар,
Бўлди мажруҳ икки ит, ўзи соғдир итбоқар.

ФАРД, РАҚАМСИЗ

Гарчи қиз ўн олтида дўмбоғу дуркун бўлур,
Икки йил ўтғоч яна сал ўпиш мумкин бўлур.

ФАРД, ДАҒИ РАҚАМСИЗ

Замон зайди ила диндан чиқарман,
Болшавойни у дунёда

ФАРД, РАҚАМ 14

Доно сўзим қолсаки бас ёзмалануб,
Эртами-кеч тарқаладур босмалануб.

ФАРД, РАҚАМ 15

Э дафтарим, дуо битдим сўнгги бетингга:
Назм тангриси омад берсин олду кетингга!

Фардлар 1984 йилда тикланди.

¹ Ер хўқизнинг шохидা туради, деган афсона бор.

ЎЗИМҒА МАРСИЯ БИТГОНИМ

Уста Гулмат эрур отим,
Ки водийдин сўранг зотим.
Довруғ излаб, келиб Шошга,
Сотиб олдим бало бошга.

Фаҳм қилдимки ман бунда,
Нур эмолмам ёруғ қундан.
Элим деб ёвға бўлсам ем,
Кулғони шулдир толеим.

Ноозод кетсам армонда,
Топилса тош-пош зормонда,
Балки гўримға тиркарлар
Ва мундоғ хатни суркарлар:

“Қачонки Гулматий ўлди,
Шеърларин омади қулди!”

1987 йилда тикланди.

КАМБАҒАЛБОП ГУЛМАТИЙ

*ёки олимликка ишқибоз, ашаддий Гулматишунос
Бурундор Тусмолийнинг ҳали тасдиқланмаган
илмий иши*

Ҳаммомда лунгисиз юрган сўтакни кўрганмисиз? Кам бўлмасинлар! Чинданам кўрган бўлсангиз, демак мушкулимиз анча осонлашибди, яъни одамизод ибтидоий даврда қўшнилар ёнидан қай аҳволда ўтиб борганлигини изоҳлаб ўтиришга ҳожат қолмабди.

Хўш, одам боласи ўшандай беҳаё шаклу шамойилдан қутулиш учун белдан пастроқ жойни барг билан тўсмоқлик кифоялигига қатъий ишонган пайтда, даставвал, гаплашишга интилганми ёки хатлашишга? Биламан, сиз ер юзидағи манаман деган олимларнинг тап-тайёр фикрларига таяниб, оғзаки муносабатлар ёзма алоқалардан бир неча юз йиллар олдин пайдо бўлган демоқлиқдан нарига ўтолмайсиз. Мен эсам, дунёда биринчи бўлиб, бу фикрнинг аксини айтмоқчиман. Талвасага тушманг, далил-исботларим етарли.

Масалан, ҳали сўзлашиш уёқда турсин, ҳатто «мў» дейишни ҳам билмаган ибтидоий одам тирикчилик тақозоси билан чакалакзорларда изғишишга, шоҳшаббаларни синдириб, ўт-ўланларни тепалаб ўтишга мажбур бўлгани аниқ. Пайхон қилингандай жойлар эса ўз навбатида бошқа бир нафс бандаси учун: «Тўхта! Бу ер ўзга гўштхўрнинг томорқаси!» – деган огоҳлантирувчи шиор вазифасини ўтаган. Бу – гаплашувми? Йўқ, хатлашув! Ишоравий, нопўчтавий хатлашув!

Ёки бошқа бир мисолни олайлик: маймунларча худбинлиқдан халос бўла бориб¹, одамийликка хос кенгбағирлилик хислатларини ўзида анча мужассамлаштиришга улгурган бир овчи нотаниш дарада кийиклар тўдасига дуч келиб қолади. Маймунсимонлар бу тўғрида бошқаларга гуллаб ўтирмай, катта миқдордаги ана шу асранийлардан узок муддатга мўлжалланган шахсий манфаати йўлида фойдаланган бўларди. Аммо, ҳали ўзига кўп жафолар келтиргувчи одамийлик ва виждонлилик жараёнини бошдан кечираётган овчимиз жониворлардан бирини апил-тапил хомталаш қилиб бўлгач, кутилмагандা ўзгаларнинг қорни масаласини ҳам ўйлади: қимматли вақтини аяб ўтирмай, баҳайбат тошлардан бирига кийикнинг суратини ўйиб чиза бошлади. Овчидан бир неча кун кейин бу дарага инқиллаб-синқиллаб кириб келган санғилар галаси эса, кийикнинг тошдаги тасқара суратига боқиб эстетик завқ олмадилар, балки: «Оч-яланғоч қондошларим, шу атрофда мириқиб кийикхўрлик қилинг!» – деган мазмундадаги тилсимланган мактубни ўқиб, қувончдан бир-бирининг тишини синдиришга тушдилар.

¹ Бу билан мен Дарвин укамизнинг одам маймундан тарқаган деган гапига қўшилмоқчи эмасман.

Айни чоғда, шу дамгача ибтидоий санъат асари сифатида нотўғри талқин этиб келинган ўша сирли мактубни:

*Шу атрофда кийик бордур,
Интилганга толе ёрдур!..*

шаклидаги шеърга айлантириб идрок этишимиз ва унинг аҳамиятини оддий хабардан нафис бадиий ифода даражасига кўтаришимиз ҳам мумкин.

Кўриниб турибдики, «оғзаки нутқ ёзувдан илгарироқ пайдо бўлган», деб кўкрак керишга ҳеч кимнинг ҳақи йўқ. Буни дунёда биринчи бўлиб мен айтяпман!

Тошга чизилган кийик расми оддий ёзувгина эмас, балки маълум даражада бадиий тўқима ҳам экан, унинг қайси жанрга тааллуқли эканини билсак бўладими, дея ёввойиларча луқма ташланиши эҳтимолдан ҳоли эмас. Марҳамат, истасангиз, жанриниям белгилаб берақоламиз.

Эсингизда бўлса, кийикнинг шакли тасқара қўринишда чизилганини юқорида писанда қилиб ўтгандик. Кийикдек хушбичим ҳайвонни тасқаралаштиришга мойиллик сезилган экан, шак-шубҳа йўқки, бу сатиранинг ўзгинасидир. Демакким, бугунги кунда назаримизга кирмай, чапроқдаги бурчакка қисиб қўйганимиз сатира – аслида бадиий адабиётимизнинг жабрдийда бобокалони экан...

Мана энди асосий мавзуда йўргалаш, яъни сатира ҳақидаги сухбатимизни бошлаш учун қулай вазият юзага келди.

Эрамиздан илгарироқ бандалик қилган юонон қаламкаши Аристофан ўзининг ачитқириқ асарларини «сатирик драмалар» деб атаганидан сўнг ушбу атама олам бўйлаб тарқалган бўлса-да, аммо бундан ўзбеклар кулишни юононлардан ўрганибди, деган хулоса келиб чиқмайди. Чунончи, ўзбекона асқия гулхан атрофида давра қуриб, мамонт гўштининг жизғанак бўлишини кутганларича қийчувлашиб ўтирувчи ибтидоий одамлар маросимига жуда мос тушади. Асқиялар латифаларга, латифалар эртакларга, эртаклар достонларга айлана боргани сари оғзаки ижоднинг инқирози тобора кучайиб, яна ибтидоий даврнинг бошланғич нуқтасига қайтиш – ёзувга мурожаат этиш эҳтиёжи туғила бошлади...

Ёзувдаги соф ўзбек сатирасининг илдизи жуда чуқур. Биз уни ортиқча кавлаштириб ўтирмайлик...

х х х

Гулмат ким ўзи?

Гарчи у ижод гаштидан ис олиб, назм бўстонида ўралаша бошлаганидан кейин ўртамиёна исмининг ортига Шоший деган дабдабали тахаллусни тиркаб қўйган бўлса-да, аммо унинг Фарғона водийсидан келиб, Тошкентда турғунлашиб қолган кимса эканини эндиликда биз яхши биламиз. Бу фикрни айтиш учун шоирнинг рақам 1 ва рақам 49 ғазалларидағи «Олтиарик», «Фарғона»¹ деган сўзларига таяниш билангина чегараланиб қолсак, даъвомиз пучроқ чиққан

¹ Қаралсин: Гулмат. “Безгакшамол” девони.

бўларди. Жавонимизда Гулматга анча йил қондошлиқ қилган бир шахснинг эсдаликлари сақланмоқдаки, ана буни далил дейдилар.

«Бепарҳез Гулмат туруп пулламоқ иштиёқинда водийдан Тошканга келиб, пойгакдаги хужрамизни ижарага олиб эрди, - деб ёзади шоирнинг собиқ қайиноғаси мулла Акобир ўз эсдаликларида. – Бул орада тўнгич опам онинг кўзига иссиқ кўринибдурми, бозорчи улфатлари воситасинда совчи қўюрга ботинибдур. Адамизнинг адаси асли қишлоқроқдин бўлғони боис шўрлик мусофирига ён босуб, они ичкуёв қилиб оладурғон бўлдилар».

Мулла Акобирнинг ёзувларига асосланиб, яна шуларни айтиш мумкинки, ота касбига кўра Бешёғочда сартарошлиқ қилиб кун кечира бошлаган Гулмат орасира ерлик дехқонларга туруп уругини пуллаш билан ҳам шуғулланиб турган (тошкентлик томорқачилар ўз турупларини ҳануз олтиариқники деб сотишлари шундан қолган бўлса керак). Ҳамёни оғирлашиб, алоҳида ҳовли сотиб олгандан сўнг, унинг эски дарди қайтовланиб, яна қаламбозликка ружу қўяди.

«Гулмат хумбошнинг димоги қўлёзмалар қаппайишиға монанд шишиб борурди, – деб ёзади мулла Акобир. – 1881 йилга келиб манманлиги он қадар газакладиким, назм нафосатларини илғай билмаслиқда айблаб, покдамон опамизни қуқкус талоқ қилди».

Аммо, аёлпарвар шоиримиз учун бу бор-йўғи биринчи «айрилиқ» эди холос. Кейинчалик у яна уч бор никоҳ маросимларида бош қаҳрамон бўлишдек азобни тортди, чидади.

х х х

Уста Гулмат тириклиқ ташвишлари, хотин-халажлар иштирокидаги оиласији машмашалардан холи пайтларидағина ижод қилгани туфайли ундан бизга кўп нарса қолгани йўқ: мана, панжамида унинг ихчамгина тўплами турибди – «Безгакшамол!»

Гарчи шоир бу мажмуанинг ilk саҳифасига «девон» дея бағбақали ном қўйган бўлса-да, биз уни барибир «тўплам» деяверамиз. Чунки, унинг девонлигини исботлаш учун бизда на маънавий асос бор, на мантиқий далил. Биринчидан, тўпламдаги ғазаллар араб имлоларининг лугатдаги тартиби бўйича жойлаштирилмаган. Иккинчидан, мабодо, тартиб беришни зиммага олган тақдиримизда ҳам, лугатдаги барча ҳарфлар билан тугалланувчи ғазалларнинг ўзи йўқ. Масалан, сатрининг охири «а», «р», «и» ҳарфлари билан якунланган ғазаллар бир уюмлигига қарамай, «д», «п», «ж» сингари шўрпешана ҳарфларга биронтаям шеър бағишиланмаган.

Бундан шундай хулоса келиб чиқадики, уста Гулмат арузнинг нозик қонун-қоидаларини яхши билмаган, фақат ташқи кўр-кўронга тақлидчилик, ички ёввойи сезги оҳангларига таяниб, маддоҳларча сўзамоллик билан ёзаверган. Ҳатто, унинг ўзи ҳам бир ғазалида арузда дурустгина саводсиз эканини мардона тан олиб, бизнинг бу масалада жанжалли баҳсларга шўнғиб кетмаганлигимизни таъминлаган:

*Бу нечук шоир деманг, асли ман носоғроқ,
Ёзгоним шаклан газал, лек ўзи бармоғроқ...*

Ҳа, шилдир-шошқалоқ Гулматнинг ашъори шаклан ғазал холос. У, ҳаттоки, Бобур, Машраб, Фурқат, Муқимий сингари донгдор устозларга битган назираларида ҳам на «рамал баҳри»га амал қилган, на «ҳазаж баҳри»га. Яъни «фо-и-ло-тўн фо-и-ло-тўн фо-и-ло-тўн фо-и-лон» ёки «ма-фо-и-лўн ма-фо-и-лўн фа-у-лўн» каби мусиқадор вазнлар мавжудлигини тасаввур ҳам қила олмаган ҳолда, ҳалқ оғзаки ижодидан мерос бўлиб қолган «алёр-астак-густак-пистак» қабилидаги чапани айтишувлар оҳангина ёзаверган.

Қўлёзманинг аҳволига келсақ, жуда ташвишли: соқол совуни билан ҳамир қоришимасидан тайёрланган елимлар кўчиб, сахифалар жуда чалкашиб кетган. Кўпгина варақларга мусаллас ёки қимиз тўкилган бўлса керакким, ҳарфлар сувалиб ётибди. Айрим сўзларни ўқиб тушунишнинг буткул имкони бўлмади. Бундай ҳолларда ҳозирча сирли кўп нуқталардан фойдаланмоқни лозим топдик.

х х х

Гулмат Шошийнинг бир қадар саводсизлигига панжа орасида қараган ҳолда тўпламини шунчаки қизиқувимиз ҳурмати тузукроқ кузатиб чиқайлик.

Шоирнинг ишқий шеърлари анчагина. Улар кўп ҳолларда бачканা изтироб, соҳта фироқ, майда-чуйда кўнгилхушликларга ташналиқ ҳисси билан қоришиб кетган. Айниқса, ташқи қиёфасидаги бадшакллик унинг ишқий режаларига катта путур етказганини шоир асло ҳазм қилолмайди:

*Худо ургон эса бизни ки ёшлиқдин бужур айлаб,
Бу икковни ясаб силлиқ эгам ҳам қўллагон эрди...*

дейди у, «улкан шоир»га парво қилмай кетиб бораётган икки сулув ортидан армонли боқиб.

Лекин, девонаваш Гулмат, айни пайтда, сал нарсага буткул рухи тушиб кетадиган анойилардан ҳам эмас. Зеро, у ҳушини йиғиб олгач, «Буюк иштирмагар чархда мани шоир топилғоним» янглиғ мисралар ҳовуридан қадди ғозланиб, энди ҳаётга умид ва ишонч билан қарай бошлайди:

*Фақат оз-моз чўтиридирман, шол эмасман,
букирмасман,
Сақол оппоқ, кангул ёшидир, висолдин юз
ўгирмасман...*

Қизиқ, шу топда у қай висолни назарда тутяпти экан? Аникроғи, неchanчи хотинга совчи қўйиш арафасида турган экан?

Йўқ, биз бу саволга ҳеч қачон жавоб ололмаймиз. Шоир ҳам атайлаб бу тўғрида бизга маълумот бермаган. Агар у очиғини айтиб қўйса, унда ушбу мисралар фақат биргина аёлга тааллуқли бўлиб, ўзга шеърхон ожизаларга заррача қизиги қолмасди.

«Никоҳхўр Гулмат ҳар тўқисда «ўлдим-куйдим» деб айюҳаннос солса-да, бул дил изҳори онинг бирламчи хотиниға, яъни покдамон опамизға тегишлимиур

ёйинки кейинги уч ожизасидин бирориға аталғонми – бул ҳақда лом-мим демайдыр, – деб зардаланади мулла Акобир. – Чамаси, ул туллак бир ўқ ила түрт қүённи баравар урмоқни пилонлайдур».

Гулмат Шошийнинг ўқи аслида түрт ҳам эмас, ўн ҳам эмас, юзлаб қуёнларга қаратилганини соддадил мулла Акобир қаёқдан билсин!

Уста Гулматнинг фалсафада думбуллиги, панд-насиҳат бобида галдирилиги ҳақида ортиқча тўхталиб ўтирумайлик, бу унинг кўпгина шеърларида «ахмоққа тўқмоқ»дек яққол кўриниб туради. Бу хусусда тамоман бошқа нарсани айтиб ўтмоқчиман: Гулматнинг овсарлиги шу даражада бўлганки, биз бугун ҳажв ва ҳазил-мутойиба деб қабул қилаётган бу шеърларни аслида у оламшумул дардларига даво излаб, ўта жиддий кайфиятда, ёниб-куйиб ёзган. Агар уларни ҳозир биз шунчаки эрмак сифатида ўқиётганимизни кўрганида эди, бир қайнови кам муаллиф бундан юраги ёрилиб ўлган бўларди.

х х х

Уста Гулмат ижодидаги баъзи муҳим йўналишларга алоҳида зукколик билан назар ташлашимизга тўғри келади. Энг зарури, шоирнинг позициясини – унинг кимларга жон тортишиб яшаганини узил-кесил белгилаб олишимиз шарт. Акс ҳолда, назмчи сартарошимизнинг эски муҳолифлари бўлган Фишмат, Макриддин Маставо кабиларнинг ғайрли шогирдлари пистирмадан писпислаб чиқиб келса, унинг айрим сатрларига бир ёқлама қараш йўлидан бориб, мендек бик одамнинг илмий ишини чиппакка чиқариши ҳеч гап эмас. Чапақай-чапани Гулматнинг ошнолари ҳар бир замонда бисёр, ғанимлари ҳам ҳамиша таппа тайёрдир.

Шоирнинг эговларидан бири уни хотин-халажни хуш кўрмасликда, бири майпарастлик ёки бангироқликда, бошқаси эътиқоди сустроқликда айблашга тиришади. Очиги, каллам ниҳоятда зўр ишлашига қарамай, бу борада ўзимда ҳам айрим иккиланишлар мавжуд эди. Аммо, ақлни аҳмоқдан ўрган, деганларидек, Гулматнинг баъзи ғазалларини ўзича лапарга айлантириб, майда-чуйда чалпакбазмларда мушукмиёвлаш тарзида хиргойилаб юргувчи Бағамшо ғижжакчи учирмалаган бир гапдан сўнг, тўсатдан кўзим ярқираб, фикримга қозиқ қоқдим.

- Пичноқни ўзингга ур, оғримаса – бирорга, деб қўйибди ўзбек,- деганича ғижжакини созлай бошлаганди ўшандада Бағамшо.- Гулмат бўлса, олдин ўзингни эрмакла, чидай олсанг – бирорни, дейдиган жўмардлар тоифасидан.

Тузукроқ одам қуриб кетгандек, келиб-келиб, шу топда Бағамшо ғижжакчига ҳасадим қўзиди, қаёқдаги кигизқалпоқ яллачи билган гап нечун мендек баҳмалдўппининг эсига келмабди, деб ғижиндим. Биламиз, қўриб юрганмиз – туғма босикфеъл кимсалар бор, даврада ўтирган бирон-бир кишининг камчилигини айтиб қўйиш зарур бўлса, менда анамундоқ-манамундоқ айблар мавжуд, улардан тезроқ кутулай дейман-у, яна чатоқ иш қилиб қўйганимни билмай қолавераман, деб қусурларни ўзиники қилиб гапиради. Бирорнинг кўнглини оғритмасдан тарбиялаш дейдилар буни. Гулмат ҳам айнан шу усулни танлаб, кимларнидир шапатилашга қўли бормаса, ўзини дўппослайверганмикан? Дарвоқе, мундоқ қараганда, “Туним ўтгай эзиб ёстик, тошар икки кўзимдин ёш, бири – Анҳор, бири – Бўзсув, келинг, кизлар, чўмилмакка” дея бабоқланган шоирнинг аёлларга беписандлигига Фишматваччалардан бўлак ким ишонсин? Ёки

“Ич яна, Гулмат, тугал одам сафиндин ўчгали” деб безанглаган банда майхўрлик қилишдан ўзини хуркитмоқчими, бизними? Гулматнинг чиндан ҳам шундоқ йўлдан боришга эси етган бўлса, отангта балли, деб қўйишга мажбурмиз.

Мулла Акобирнинг эсдаликларида қайд этилишича, ахли донишмандга мавҳум туяулувчи бир сўзни Гулмат кўп қайтариқлаб юргучи экан – яхши одам яхши мусулмондир, деб. Бу эътиқодни тарозига солмоқ вазифаси ҳозирча зиммангизда турсин. Фикр баҳсадан бўғозланиб, ҳақиқат туғилади.

Ёзганларини ўқиб, Гулматни тўпори ва даллироққа йўйишимиз табий. Бироқ, инсоф юзасидан айтиш лозимки, уни ғирт аҳмоқ дейишга-да тил бормайди. Атрофда юз бераётган воқеалар моҳиятини шоир баҳоли қудрат идрок эта олган, уларга қўлдан келганича муносабат билдириб, ёзармонлик бурчини оқлаб келган.

Бу ўринда, энг аввало, оддий турупфуруш деҳқон ва қўчманчи сартарош, кейинчалик майда савдогар ва ҳардамхаёл носкаш бир кимсанинг эзувчи ким-у, эзилувчи кимлигини илғаб олиб, уларни синфларга бўлишда янгишмаганига қойил қолмоқ керак. Қолаверса, бу бадиий меросни бугунги кунда бизга истарали қилган омил шуки, уста Гулмат доимо эзилувчи меҳнат ахли тарафда туриб сўз айтади. «Азимбойнинг уйи, ҳай-ҳай, қасри сultonни эслатғай», деб бошланувчи ғазалининг охирги байтини олайлик:

*Йиғиб қиммат матоҳларни давр сургинг келур, Гулмат,
Вале киссангдаги аҳвол санга арzonни эслатғай.*

Кўриниб турибдики, топганини рўзғорга учма-уч етказиб, ночоргина кун кечираётган ўн минглаб оддий меҳнатчиларга шоиримиз дарддош ва фикрдош. Чунки, унинг ўзи асли шулар орасидан келиб чиққан, эндиликда унинг ҳақиқий шеърхонлари ҳам ўшалар.

Мулла Акобир бу ҳолни шундай изоҳлаган эди: «Бизларга маълум ва машҳур шоири калонлар кўпроқ гул ила булбул ҳақинда роҳатланиб ёзар эрдилар. Гулмат бачағарни кўрингки, у бедаво ҳар икки гапнинг бирисида носкашликни пеш қиласадир. Ушбу ҳолат онинг паст табақа оросидин чиққан анди эконини тасдиқламайдурми?»

Бизга маълум сабабларга кўра, андак ғаразгўйлик билан айтилган бўлса-да, мулла Акобирнинг бу сўзларига қўшилмасдан иложимиз йўқ. Гулмат Шоший она қорнидан йўқсилпарвар бўлиб туғилган. Ушбу омил уни жайдарфеъл қилди, чапанилар галасига қўшди, очиқюзларнинг даврадошига,adolatталабларнинг қайроқсўз баххисига айлантирди.

Х Х Х

Гулмат Шоший ижодининг авж пардаси эл-юртда икки ёқлама зулм тобора кучайиб бораётган даврларга тўғри келди. Вазиятни бехато баҳолаган шоир ўз ғазалларидан бирида дейди:

*Қўши елкада қўши хоқон, мани жоним биттадур,
Қай бирига берай нон, мани жоним биттадур.*

Қаранг, ҳам миллий буржуазия, ҳам чоризм халқни икки ёқлама талаётганини биргина «қўш хоқон» сўзини ишлатиш орқали қандай қисқа ва равshan таърифлаб берган. Сўнг, зўрловни шарҳлашда давом қилиб айтади:

*Сероб ҳар хил амалдор: мишиабу шайх, пристав,
Танобчию солиқбон... мани жсоним биттадур.*

Чамаси, маҳаллий амалдорлар, чор ҳукумати айғоқчилари бир ҳангомачи шоир билан ўчакишишни ўzlарига эп кўрмай, унинг олди-қочди хархашаларига тамоман бефарқ қараганлар. Бундан фойдаланган Гулмат пайт пойлаб туриб, ҳатто, оқпошшога ҳам гап отишга журъат этган. У, айниқса, Биринчи жаҳон урушида фронт ортини мустаҳкамлаш учун Туркистондан мардикор олиш хақидаги фармондан қаттиқ норизо эди:

*Мақтагон оқпошишоси лол қилди мани,
Фармони ул қаддимни дол қилди мани...*

Нега энди норизо бўлмасин? Ахир, мардикорликка фақат noctor камбағалларгина сафарбар этилиб, амалдор бойлар ва уларнинг арзанда фарзандлари ҳануз айш-ишрат билан машғул экани кишига алам қилмайдими?

Бундай тенгсизликдан жиддий ранжиган шоир яна бир ғазалида ўз қахру ғазабини шундай изҳор этади:

*Чимилдиқдин туриб бойлар сани ҳайдар юмушиларга,
Бу зўрлашининг тузук номи гаҳи ишидир, гаҳи хизмат...*

Энди савол туғилади: хўш, Гулмат ўзи мардикорликка борганми? Гапни чўзиб ўтирамай, яна мулла Акобирнинг эсадаликлариға мурожаат этайлик: «Хўқиз шохida амонат турғон бухудуд заминнинг тўрт нафар бузрук ҳукмдорларидан бириси, бешак-бешубҳа, Николай пошшодир. Онингдек ҳазратнинг мардикорлик борасиндаги фармони такаббурлари ўёндин эълон қилинибдурки, пиҳи қайрилғон Гулмат буёндин сафар ҳозирлигини кўриб, бир неча қанор туршакни поюзга босқонча мусулмониядин ғойиб бўлибдур. Локигин, сафарға айвондор шапка остинда жўнағон ул бетавфиқ Тошкан, Жиззах ҳам Марғилон музофотлариндағи қирғинбарт жанжаллар тийилғоч, эмди бошга пўлатшойи салла чандиб яна Бешёғочга кириб келди».

Бундан шуни сезиш мумкинки, оддий сартарошни эмас, балки «катта зўр шоир»ни келажак авлод учун асрар қолишга қатъий аҳд қилган Гулмат юртда то мардикорлик ғалвалари сепсилгунга қадар четроқда чакана савдо ишлари билан шуғулланиб туришга мажбур бўлган.

Гарчи шоир бу олатасир даврда «фақир киши – панада» шиорига кўпроқ амал қилган эса-да, лекин юртдаги улкан воқеликлардан бутунлай узилиб, бефарқликка ғарқ бўлган, дейишга ҳаққимиз йўқ. Масалан, тахтапуллик Қоравой

подачининг Россияга мардикорликка боргандаги ишқий ҳангомаси, бозор қимматчилигидан озор чекаётган авом турмushi ифодаланган мухаммас, бир қатор ғазал, рубойй, фард кабилардаги кесди-чопди мисралар орасига яширилган ғалаёнчаларни исказ топиш учун каминанини даражасидаги эсга эга бўлмоқлик кифоядир. Бир қарашда, барчasi шунчаки эрмак учун ёзилгандек кўринади. Аммо, ўша қалтис даврлар руҳидан келиб чиқиб, сезгирик, билимдонлик, ҳалоллик или ёндошадиган бўлсак, кўп ҳазиллар замирида катта довюраклик ётганини зиппа пайқаб қоламиз. Гулмат миллатлар чамбараги ўртасида зўравонсизликка, гурунгдошларча меҳрга асосланган кўприк қурилишига асло қарши бўлмаган, бироқ дошқозоннинг бошида туриб олганларнинг садақасини меҳр деб билишни, уларнинг йўриғи или гурунгдош танлашни ўз инсоний обрўсига ярашиқли кўрмаган. Бу билан муғамбир зўравонлар-у, ғирромчи сиёsatдонлар башарасига нос аралаш тупуришга, сал бўлса-да, ҳаракат қилган.

Кўп ҳолларда гоҳ қандайдир сирли рамзга эга бўлган саёқ тўнғиз полиздаги қовунларни пачоқлаб, палакларни пайхон қилиб кетгани, гоҳ қайсиdir киссанур ундан йўл сўраган бўлиб, ҳамёнини ўмарид қочгани каби аҳамиятсиз кўрингучи дардларни айтишдан нарига ўта олмаган Гулмат, айrim вақтларда, XIX аср чор эксплуататорлари ҳамда уларнинг таянчи бўлган маҳаллий арбоб-уламоларнинг найрангларини, эл-юрт ташвишидан паққос бегоналигини, сохта художўйлигини, дўзахиларча иккиюзламачилигини фош этиш, улар билан гап талашиш, XX аср бошидаги янгича мўлтониликларни писмиқона мазахлаш даражасига бориб етганлиги кишини ҳайратга солади. Бундай пайтда камбағалбоп шоирнинг елкасига дўстона қоқиб, «оббо, Гулмат хумпар-ей», дегинг келади. Шоир эса: «Ҳа, аканг қарағай Гулмат ана шунаقا ажабтовур кимарса эди», дея олис-олис йиллар қаъридан пўмпайиб жавоб қилаётгандек туюлади.

ХХХ

Кейинчалик тиркалган кичик бир қўшимча: узункулоқ гапларга қараганда, ҳозирга келиб, Гулматнинг ёзаргон невараси ҳам пайдо бўлган эмиш. Кулкул афанди тахаллуси или ғазалсимон нарсалар битиб юрганини эшитдик. Бўлса бордир.

Каминага Гулматдан келган заҳматнинг ўзи етиб ортади. Ўригини тотиб, таъмини таърифлаш бизга насиб этди, данагини чақиб қўриш бошқаларга буюрсин.

Уишибу илмий иши 1986 йилда адогланган.

БЕЗГАКШАМОЛ – 2
ёки
Кулкул афанди ҳангомалари

ҒАЗАЛСИМОНЛАР

1. МАҚТАНУВЧАН ЗҮР ҒАЗАЛ

Менингдек ташнабоп шоир олмадек камдир айронда,
Бирор бунда ҳақиқий дур, бировлар сохта маржонда.

Молдан инсон қилодир фарқ ўт ўрниға ғазал кавшаб,
Ғазал таъмин хушламаслик фанда учрайди ҳайвонда.

Солиқбонлик эди касбим, ғазал битмас эдим, найлай –
Бобом руҳи сачратиб шавқ танам бўйлаб сузар қонда.

Бобом носкаш эди машҳур, vale менга табак манзур,
Табак ичра “Казбек”и зўр, тутатсанг – дардинг осмонда.

Бобонг кимдир демас назмий қудукда ғаввос ўлғонлар,
Алар Гулмат ёйин сезгай Кулкулийча бу пайконда.

Кулкулий – Иккинчи Гулмат, бобомни ким этса хурмат,
Қилиб шеърим газак-шарбат, қимииздан тортсин айвонда.

Мақтандигим келиб битдим.

2. ШУНЧАКИ ЗҮР ҒАЗАЛ

Тожиқорин тўйга келар киндигини яланглатиб,
Лико-лико қилиб бошин, қуймичини лапанглатиб.

Елкада тўн, оғзида нос, дўпписи қошин учида,
Калишда тўзон кўтариб, иштонбоғин саланглатиб.

Ўтиб ялангдан тўрига, чиқди ғижирлоқ сўрига,
Ўхшата бурнин мўрига, қилди дуо жаранглатиб.

Жувонлара бир қараса, қозонлара уч қарагай,
Соатдаги мушук мисол кўзин аланг-жаланглатиб.

Бу лунжига қази солиб, у лунжига тиқди патир,
Кемирди борин борича шерикларин гаранглатиб.

Қолдирди Кулкулга ушоқ дастурхонни гарот қилиб,
Бўкканича кетди аранг кекиртагин таранглатиб.

Тўйдан оч қайтиб битдим.

3. ТАКЛИФЛИ ЗЎР ФАЗАЛ

Кел, соқовдек турма, сайрона бўлайлик,
Бир-бировга шаму парвона бўлайлик.

Нотаруслаб оврўпача никоҳ-хужжат,
Муллага сўнг бориб шарқона бўлайлик.

Жадал ишлаб чиқармак-чун бола-бақра,
Иккимиз зўр қўшма корхона бўлайлик.

Тижорий сайр этиб Истамбулу Техрон,
Бозорларда умри кайфона бўлайлик.

Келса омад – бирга яшнаб, юксалиб жуфт,
Кетса омад – бирга вайрона бўлайлик.

Бўлди эртак бирлашиб Фарҳоду Ширин,
Жанна-Кулкул бўлиб афсона бўлайлик.

Телесериал кўрмасдан битдим.

4. ЗАМОНАВИЙ ЗЎР ФАЗАЛ

Э бўтакўз, қўндинг эсимга мана қушдек,
Шеъримни дучор айлайнин сенга яна муштдек.

Шеъримни қўйиб мўдалар эълонини ёдлаб,
Жонимни жигин қирқма тобора жанақушдек¹.

Томда мушук инграса бил ҳолим чатоқдир,
Мен ҳам хаёлингга қўнай гоҳ чала тушдек.

Сесканибон нега мени кўрганда доим,
Метрога қочиб беркинадурсан каламушдек?

Узро эсанг Вомиқ бўлай, кинога кирсанг –
“Тико”нгни қўриқлай ўша полвон Сиёвшдек.

Шеър-хат битиб Кулкул секин сўмкангга тиқдим,
Сўмканг ичида кетди фифоним лашу лушдек.

Ўзимга ачиниб битдим.

¹ Жанақуш – ёпиладиган, учи бургуттумшуқ пичокча.

5. ГАРАНГСИРАГАН ЗЎР ҒАЗАЛ

Севдим Фотима-Зухрани – во униси! Во буниси!
Зора ёниб севса мени хо униси, хо буниси.

Ўтса иковлон кўчадин икки кўзим тарқоқланиб,
Оҳ ураман жаланг-жуланг: “О, униси! О, буниси!”

Мўри-мўри табак чекиб ишқ йўлида ютсан заҳар,
Мен зорини айлар мазах го униси, го буниси.

Кутсан этак ўпмоқ учун, ўтгай этак чангин қоқиб,
Гўёки мен паскаш гадо, шо униси, шо буниси.

Қайси бирин чин севасан дейди куйиб содда онам,
Дилга ахир бирваракай жо униси, жо буниси.

Икковининг феълин синаб билдим аниқ, Кулкулмамат,
Ўлдирадир бир кун мени ё униси, ё буниси.

Хотинимга билдирилмай битдим.

6. ЭЗГИН ЗЎР ҒАЗАЛ

Ишқ хуружи бизни уйга қўйди паққос кўммалаб,
Зиён кўрдим дўконимни очолмай кўп сўммалаб.

Қайданам шум балобозга дуч келибман бемаҳал,
Афғонистон қилди бағримни кўзида бўмбалаб.

Доду бай-бай! Мен магар зулм этмасам-да бир грамм,
Нега устимга жафолар ёғдиродир тўнналаб?

Зораки шеър-тузофимга силовсиндек сукса бош,
Мўйловим ё бутоқ айлаб ўтса қушдек кўнмалаб.

Унга бир танбех берурга шайман-у, лек қўрқаман,
Юродир тиф тирноғини эгов бирла йўнмалаб.

Утрашиб миршабга, Кулкул, бошга ёр хавф солғонин
Арзланиб айтсамми ёки шартта лўнда-лўндалаб?

Юрагим пўкиллаб битдим.

7. МАВСУМИЙ ЗҮР ФАЗАЛ

Мана келдим ёнингга, ёр, йигирматта уриб бодринг,
Қувончинг мен учунму ё тугунчамда кўриб бодринг?

Ана таажжуб, ана ҳайрат – тугунни тешгудек туртиб,
Талпинодир сен томонга мендан олдин юриб бодринг.

Такосин тарқ этиб эчкинг келур барра пўчоқ истаб,
Чўлоқ-шабкўр итинг ҳатто тилар мендан ҳуриб бодринг.

Соддалар қиз дилин овлар тутиб олтин узук-балдоқ,
Менингдек серфаҳмлар лек айлагай ром бериб бодринг.

Бу йил, э ёр, тўйга тахтман, ҳосилу ҳам даромад мўл,
Шўрим қурғон эди бултур эртароқ сал қуриб бодринг.

Келиб омад тақдиринг гар қўшилса мард Кулкулийга,
Ўтар умринг фароғатда чопиб, гўнглаб, териб бодринг.

Бодрингни рекламалаб битдим.

8. ФИРТ ЗҮР ФАЗАЛ

Зухрани пакка деб чопсак, менга Тоҳир етолмайди,
Бибини деб касалландим, биби ҳатто йўталмайди.

Қанча севсам шунча ичдим, яна севдим, яна ичдим,
Бундан ортиқроқ севишни арганизм¹ кўтартмайди.

Мажак-маймоқ хаёлдан ғум бўлиб бош хар куйга тушди,
Йигитни қиз бузар шайтон унча йўлдан чиқармайди.

Нуқуб кўксимга қарғанди чаяндан ёр бўлиб баттар,
Чаян ўз ошиғин ейди, кўксидан лек итармайди.

Севиб тўхтамга келдимки зоти сал суст қизни суйсанг,
Пастлигинг ҳеч озармайди, иззатинг ҳам кўпармайди.

Аё Кулкул, бориб назминг ўқи оддий одамларға,
Кунинг қолса “даҳо”ларға битта шеъринг кўкармайди.

Вайсақилардан безиллаб битдим.

¹ Организм – тан-жон.

9. ТҮЙДАГИ ЗҮР ҒАЗАЛ

Деманг түйда келин зебо ўтиргонлар оросинда,
Бўлак бир қиз биза шайдо ўтиргонлар оросинда.

Куёвга биз куёвуртоқ, келинга у келинсепчи,
Гулмиз ажриқ ичра гўё ўтиргонлар оросинда.

Бири ўйнаб, бири эснаб, емас авқот сатанг қизлар,
У қиз “хўр-хўр” ичар шўрво ўтиргонлар оросинда.

Севдигимнинг қади шампон, ёнида мен пепсиcola,
Аканг шумшук, у таманно ўтиргонлар оросинда.

Юзи бўличкаю лаби хўроқанд, гажжаги пашмак,
Ўзи тўқсон кило ҳолво ўтиргонлар оросинда.

Ҳама жойда ҳама шоир ҳама қизга ёқар, Кулкул,
Мени севғон умас танҳо ўтиргонлар оросинда.

Эснаб ва эслаб битдим.

10. КАЙФБАХШ ЗҮР ҒАЗАЛ

Э қақа қиз, қийпанглама, кимга керак ғамзаларинг,
Қийпанглатиб вино узат – “Чашма”, “Кагор”, “Гимза”ларинг.

Бўлсин десанг олий базим тўлгунча қуй, тошгунча қуй,
Бобовга бер қанду асал, чучвараю сомсаларинг.

Келса шароб – ёнингдаман, бегонаман – кетса шароб,
Янгича ошиқман ғалат, қотса қотар энсаларинг.

Ағдарадур тегса шамол – шалвираган жуссанг дема,
Кайфимда дуч келса агар яксон бўлар нинзаларинг.

Май беру сўнг жаврамагил қайларда санғийсан дебон,
Бир тош ахир мастилик чоғим Бишкек, Боку, Пензаларинг.

Дил хумига илҳом-шароб тўлганда шеър битсамки, бил,
Бас кела билмас Кулкула Ҳамзатову Ҳамзаларинг.

Шиша бўшаётганида битдим.

11. ҚИШЛОҚОНА ЗҮР ҒАЗАЛ

Муқом қилди сой бўйинда қоқигул,
Сўққа бўйдок, беллари ўйноқи гул.

Бошқа гуллар сирлашурлар жуфт бўлиб,
Ўйнаши йўқ биргина шу тоқи гул.

Сарғайиб турмай етилтириб тўзғоғинг,
Оқбаданлар ичра бўл энг оқи, гул.

Қўл узатсам нега баргинг силтадинг,
Доф дилимнинг ошди баттар доғи, гул.

Излаюрсан балки донороқ ошиқ,
Бу ўрамда ўзимман энг соғи, гул.

Шаҳар кетсам, “Ромашка” кўп Кулкула,
Куним сенга қолмас, э қишлоқи гул.

Қишлоқда санғиб битдим.

12. ЎГИТЛИ ЗҮР ҒАЗАЛ

Мардга меҳринг бас қилма ўтар-кетар дунёда,
Номардларга арз қилма ўтар-кетар дунёда.

Миннатсиз қоқ нон қўйган Нор йўқсилнинг пойин ўп,
Бойга бурнинг паст қилма ўтар-кетар дунёда.

Хомуш турса Хол пиён, яхшилик қил – вино қуй,
Лек ўзингни маст қилма ўтар-кетар дунёда.

Итфеъл Ёрмат хасисдан сўраб юрма сигарет,
Қийматингни хас қилма ўтар-кетар дунёда.

Пўчтачидек етказма Эшмат сўзин Тошматга,
Гийбатланиб сас қилма ўтар-кетар дунёда.

Эй Кулкул, шеър дафтaring четин еса ер сичқон,
Кичикларга қасд қилма ўтар-кетар дунёда.

Болаларимни ўйнатмасдан битдим.

13. ТАНТАНАВОР ЗЎР ФАЗАЛ

Келодир кўқрагин элаб байрамда юрғон дўмбоғим,
Орқа этакларин силаб байрамда юрғон дўмбоғим.

Қўрқадурман бугун бехос посон мўйловни қуидиргай,
Дилга гўлахдек ўт қалаб байрамда юрғон дўмбоғим.

Қиё боқмас пул узатсам гадолар эргашиб унга,
Ўтар бир ноз-ла ҳақ тўлаб байрамда юрғон дўмбоғим.

Киссавурлар у ёнимдан қочар ҳамёнимни талаб,
Бу ёндан жонимни талаб байрамда юрғон дўмбоғим.

Ишқимда балки ёнгандир, совутди ўз-ўзин аста,
Музқаймоққа бармоқ булав байрамда юрғон дўмбоғим.

Пайқадимки адо қилгай мени ҳам бир куни, Кулкул,
Музқаймоқдек ялаб-ялаб байрамда юрғон дўмбоғим.

Йўқ қизга бағишилаб битдим.

14. КЎРКЎРОНА ЗЎР ФАЗАЛ

Оғрир оёғим дарди ишқ қоқ тиззада марказлашиб,
Ёзмасам бўлмас қўйиб ошпазлигим, шеърпазлашиб.

Пулла, эй газмолсотар, газчўпда ўлчаб газламанг,
Мен сотай қалб газзагини мисралар газ-газлашиб.

Ғам чекиб эл ишқида ўкранса ёт шоир агар,
Элга мен хўнграй сулувлар жабридан бир ваъзлашиб.

Жаззава тутганча ёр юрса тушибон жазда рақс,
Жазманин жони буёқда жizzадир жаз-жазлашиб.

Чўлдаги юлғун мисол сўлдим уни суйган сайин,
Суймасам юргай эдим мен ҳам қорин гумбазлашиб.

Кулкул афанди севдики, хўшшайма, ёр, сен ҳам сев,
Севмасанг расво бўлодир шеърларим пирказлашиб¹.

Тиззам оғриётганда битдим.

¹ Приказ – буйрук.

15. НОСҚОВОҚБОП ЗҮР ФАЗАЛ

Ногаҳон “Казбек”¹ тугабдир, капладим оз-оз нос,
Носфуруш дер бир-биридан хуштаъму соз-соз нос.

Айниди қўнглим вурақлаб, қайф уриб, бош айланиб,
Чот кериб босдим қадамни, айлади ғоз-ғоз нос.

Билмадим балки бошим қилгайди носга ишва ё,
Рақс этиб бошим ичинда қилди ё ноз-ноз нос.

Дер табиб: “Бадбўй димоғинг тушларинг алғовлатур,
Ки этур соғ бандаларни тентагу вос-вос нос”.

Гар товуқ гўнгига оҳак қўшса, нос пастнав бўлур,
Соф тамакка жун кулин қўшса бу – хос-хос нос.

Турса “Казбек” ҳайкали Иккинчи Гулмат қалбидা,
Қистади Гулмат Биринчи: “Э болам, ёз-ёз нос!”

Тупурилган носни кўриб битдим.

16. ДОД-ВОЙЛИ ЗҮР ФАЗАЛ

Қочди дўндиқ мен фақирни ортидан ҳак-ҳаклатиб,
Кўзларим ёшини сузма сингари чак-чаклатиб.

Аҳли эркак жонига қасдлар қўмондони бўлиб,
Тортди устимга балолар аскарин лак-лаклатиб.

Мен ўқинч даштида бўзлаб мисли ғижжак йиғласам,
Боғда у айшин суродир дойрасин бак-баклатиб.

Барчиной Алпомишин асраса, у раҳми йўқ –
Эзғилаб ўтди жигарни тўфлисин так-таклатиб.

Қайдадир ул майсақошим, лаби гўё шўрданак,
Мақтайин киприкларини битталаб, яқ-яқлатиб.

Халқаро мавзу қолиб, борсам-да ишқий шеър тўқиб,
Ҳайдади Кулкулмаматни итларин вак-ваклатиб.

Ичим жизиллаганича битдим.

¹ “Казбек” – гуржиларнинг машхур тамакиси, папироси.

17. ОЧИҚЧАСИГА ЗЎР ФАЗАЛ

Бўрини қонхўр деманглар, ўлмасига қон керак,
Катта тошнинг остида минг майда тош қурбон керак.

Юрмангиз беҳуда қарғаб, бўрилик осон эмас,
Бўри бўлмоққа темир тиш ҳам пўлатдан жон керак.

Шерхону йўлбарслар ичра бўрилик қилмоқ оғир,
Шу зайл кун кўрса одам, юзталаб иштон керак.

Сақлагайдир тоза иймон ерда одам наслини,
Бўрича даврон сурарга бўрича виждан керак.

Эслагил кимлигинг, Кулкул, гоҳ қўриб ҳайвон зотин,
Ўз-ўзин танирга инсон гоҳида ҳайвон керак.

Биноийидек ўйланиб битдим.

18. ДОҒЛАНГАН ЗЎР ФАЗАЛ

Банди айлаб бизни ишққа, озодлигингдан доғман,
Ётибман ербиiring вайрон, ободлигингдан доғман.

Э паранг қиз, отанг бирла онангга гар эсанг авлод,
Макр бобида шайтонга аждодлигингдан доғман.

Бошқаларга бўлиб малҳам “Тез-искўрий ёрдам” мисол,
Қалб ўтимга пажарникдек¹ жаллодлигингдан доғман.

Ишқда Мажнун майёр бўлса, севгида мен-ку палкўвник,
Битта сержантфеъл сатангга саллотлигингдан доғман.

Ҳисларим тирнабон беҳис, асаб торимни ўйнайсан,
Дутор топган жунсотардек бедодлигингдан доғман.

Қўйиб қизга тузоқ, Кулкул, ўзинг, эҳ, ҳар сафар мажрух,
Ўлимдан қўрқмаган ботир сайёдлигингдан доғман.

Улфатчиликка бормай битдим.

¹ Пожарник – ўт ўчирувчи.

19. САЁХАТЛИ ЗЎР ҒАЗАЛ

Тоғ-дала кезмоқ бўлиб, ташлаб шаҳар қизлар билан,
Бир ўзим чиқдим сайлга ўн нафар қизлар билан.

Ўзбегу уйғур, қозогу тожигу туркман, ўрис,
Қорақалпоғу карис, қирғиз, татар қизлар билан.

Чучмомо кавлаб адирда, жарда қувлаб қурбақа,
Қочдик илондан шатталаб новча-пакар қизлар билан.

Сўнг дала ялпизларин ҳидлаб фаранглар атридек,
Отқулоқ еб устига сепдик шакар қизлар билан.

Даштда бир ташландик уйни айладик “Супер отел”,
Дойра базмин қиздириб хуфтон қадар қизлар билан.

Кулкулмуҳаммад, шўр қуриб, қолдим-ку томда дилдираб,
Уйда бир баҳтли мушук ухлаб ётар қизлар билан.

Бетон уйда ётиб битдим.

20. АТТАНГЛИ ЗЎР ҒАЗАЛ

Чиққанди эрдан севгилим, бошқа меров олди яна,
Кирмади бағрим қасрига, торгина уй солди яна.

Ажрашдию атторидан, даллолга кўнгил бойлади,
Катта бир шоирни банд этмакка ўёлди яна.

Хаппа ютарди ёт аёл мен каби юмшоқ лукмани,
Васлима парҳезланиб нафсини тиёлди яна.

Бу буюк фожеъ магар, на унда айб, на менда айб,
Муттаҳам тақдир оёқни орқадан чолди яна.

Ҳоригай ўйлаб бошим, чарчаб ёзармон ўнг қўлим,
Сўйлабон ишқ дарсини нодонга жағ толди яна.

Гулмат бобо, бу неваранг Кулкул афанди “оҳ” деса,
Англаки ўзбек учун бир зўр ғазал қолди яна.

Буниям ўзбекчалаб битдим.

21. ҚҮЛЛАНМА ЗҮР ҒАЗАЛ

Жўжа шоир, энди пандимга тоқат қил,
Сўзим умринг хонишига нақорат қил.

Бу оламда хаёл ашё, юрак дастгох,
Дўкондир бош, ёйиб фикринг тижорат қил.

Назм чўнг мўъжиза, ноёб, муқаддасдир,
Назм битсанг наср бирла таҳорат қил.

Кангул – бир уй, агар шоир десанг ўзни,
Ўз уйингни ўзинг ёндири ва ғорат қил.

Хатойимни қидирма гап титиб, э бит,
Хатомни ҳам ўзингга сен маҳорат қил.

Кулкулийга эгилма, лек билиб мактаб,
Шеърларимни ҳар куни бир зиёрат қил.

Ҳовурим кўтарилиб битдим.

22. ТОРТИМЛИ ЗҮР ҒАЗАЛ

Юсуфдек мен ўсал ошиқ, Зулайҳодек даво “Казбек”¹,
Ўкингданда тасаллимдир, қўшиқ айтсам наво “Казбек”.

Тамокини қилиб малҳам, берур шоирга зўр илҳом,
Агар танқидчи бир тортса ўлдирур беҳаво “Казбек”.

Айламиш гуржилар юртин Мангуберди нечук ишғол,
Наҳот ул зотни ҳам этмиш узиға муфтало “Казбек”?

Чекар ўзбек, ўрис, озар, балки ҳинду ҳабаш, инглиз,
БМТдан бурун қурган алоқа ҳалқаро “Казбек”.

“Прима”, “Лайка”ю “Шипка”, “Памир”лар ўлди савдода,
Яшаб келмоқда “Кент”, “Камел”, “Холливуд”лар аро “Казбек”.

Кулкулийдек зиёлилар тутатса фаҳр этур яйраб,
Юрислар ҳам чекиб баъзан бўлур бахти қаро “Казбек”.

Тамакини буруқсатиб битдим.

¹ Аслида Зулайҳо Юсуфнинг дардида куйганини шоир унугтган, чоғи.

23. ЯНГИЧА ЗҮР ФАЗАЛ

Боқмасанг ёrim дилимга ёприлур жумбок, боқ,
Мўлтираб умринг ўтодир нега беўртоқ тоқ?

Қийнадинг ёшлик қилиб бу шоириңг шашлик қилиб,
Гар таним тандирга тиқсанг бўлмағай андоғ доғ.

Тушмадим молу амал ё зебу зийнатга асир,
Севгиға таслим бўлойин силкитиб байроқ оқ.

Норасо бўлсам ўзинг айлаб расороқ сев, ахир –
Кашта тиксанг гул чизиб, бўлғай-қу чит белбоғ боғ.

Қувнадим ишқ занжирин солсанг-да жонинг соғ кўриб,
Қўл ипингда мисли қул мўнди кўзмунчоқ чоқ.

Қувди ёр галдирлигимни Кулкулийга эс бериб,
Оқибат бўлмиш кўрингки шоири носоғ соғ.

Мажслисда ўтириб битдим.

24. ИЖТИМОЙ ЗҮР ФАЗАЛ

Ким Бақодек калу оччангал бўлур,
Савлати зўр, ақли ҳам сал-пал бўлур.

Ҳар амалға ишқибоз, у лоақал –
Икки ялқов узра бош танбал бўлур.

Қаро кўнглин ниқоби оқ галстўқ,
Феъли исқирт, тўни пок баҳмал бўлур.

Бурун тиқса агар ҳарбий жабҳага,
Бир аскарга қалбаки генрал бўлур.

Айтса бошлиқ тонар ҳатто жинсидан,
Кеча айғир, бугун у байтал бўлур.

Бақокал бўлмадинг, Кулкул, шуқур қил,
Тўқ кўзинг ва соч сенго ҳайкал бўлур.

Ҳандалакка қараб битдим.

25. СҮҚҚАБОШ ЗҮР ФАЗАЛ

Киприинг чархланиб “шир-шир” шу оқшом менга ёйлансин,
Менга ўқ тегсину бунда, душманим унда “вой”лансин.

Тилим тинсин сўкишлардан , дилим ром айласин васлинг,
Уйимдан тарқатиб зулмат юзинг кўрпамда ойлансин.

Хиром этсанг қистиройин ҳама мақтовни дўппингга,
Занглафон бу кангул мойдек сўзингдан қайта мойлансин.

Ки бармоқда узук посбон, қулоғингда сирға соқчи,
Бебаҳо лабларинг энди мўйловим бирла пойлансин.

Кўзларингдан кўзларимга ҳисларинг чаккалаб томсин,
Икки зулфинг икки дарё бўлиб кўксимда сойлансин.

Ширин авқот умид қилмай ширин ёр орзула, Кулкул,
Қари қирчанғилиқдин кеч, юракда туйғу тойлансин.

Кўққисдан битдим.

26. КЕЧИНМАЛИ ЗҮР ФАЗАЛ

Деманг ким у сени бежиз қийнади,
Бисмиллосиз туғилғон қиз қийнади.

Белимдан ушлади дебдур чақимчи,
Уч окоси қувиб ғиз-ғиз қийнади.

Отоси мушт уриб шилди жағимни,
Оноси жағга босиб туз қийнади.

Опоси бўчкада музқаймоқ сотур,
Тўкиб ичга бир ҳовуч муз қийнади.

Тағосидан сўраб борсам ҳимоят,
Қайдириб ғишт ёзу то куз қийнади.

Ройиши бор ўзга қиз топ, Қулкулий,
Аз-азал шоирни беюз қийнади.

Йиғламсираб битдим.

27. КУТИЛМАГАН ЗҮР ФАЗАЛ

Яхшига эш бўлиш шарти – яхшилардан суринмаслик,
Ёмондан асраниш шарти – ёмонларга кўринмаслик.

Кучук зўр чиқмоғин билса бўрилар ёприлиб ғажир,
Ўлиб довруғ солиш шарти – тириклиқда билинмаслик.

Бошингга гоҳ бало келгай ихтирою ташаббусдан,
Хатосиз иш қилиш шарти – иш қилишга уринмаслик.

Болари бойимас – хотам, жим ташиб, жим ютар сичқон,
Ўзингга тўқ яшаш шарти – ўзгаларга илинмаслик.

Кичик чумчукқа дап қилмай магар турна топар иззат,
Бўрилик обрўйин шарти – қуёнга авф қилинмаслик.

Ҳаётга зоф боқиб Кулкул ҳар қадам ғам-алам тортдинг,
Тузук шоир бўлиш шарти – дард чекишдан эринмаслик.

Эсимни жамлаброқ битдим.

28. ЗАРДАЛИ ЗҮР ФАЗАЛ

Суйган қизим бой кўсанинг ёри бўлиб,
Йиглар ана шоирининг зори бўлиб.

Бойнинг ширин сўзлари ҳам унга заҳар,
Энди менинг дўқ-пўписам дори бўлиб.

Кулбама у келса агар зийнат эди,
Бой ғазнаси ичра турар хори бўлиб.

Ташвиш юкин остида бой – букри туя,
Мен юраман эркин ҳаёт нори бўлиб.

Қунт ила ёр сочин силаб, ором бериб,
Аврар эдим тонггача ҳинд мори бўлиб.

Бойни қара, Кулкул афанди, то сахар –
Хуррагида дам соладур қори бўлиб.

Ортиқча эзилмасдан битдим.

29. ЗЎРАКИ ЗЎР ФАЗАЛ

Балофеъл ёримни сизга сўйлайин бобу боб айлаб,
Магар исми Адолатдир, адолатсиз ҳисоб айлаб.

Адолатмас, Адўлифдек¹ ётиб бункерсимон уйда,
Мени ташқида қолдирди худди Робинтроп² айлаб.

Каммиди қиз жафоси, вах, ошиғи бўғди бўйнимдан,
Кўзиға “Казбек”им босдим муносиб бир жавоб айлаб.

Гулматийча десам: тузлаб юрак, буйрак, жигар, ўпкам,
Бошимга етди охирда мени тўрт сих кабоб айлаб.

Аридек тўздириб илҳомларимни ишқ чўпин никтаб,
Шеърларим каштазор қилди, тилгинамни попоп айлаб.

Қизик ҳолат тушиб бошга қотибдур Кулкулий мумдек,
Юрап ўз кўзёшимга ёр ўзимни бош мироб айлаб.

Уйқусизлик қийнаганди битдим.

30. ЖЎФРОФИК ЗЎР ФАЗАЛ

Фарона – Шошнинг ўртаси яланг-юланг,
Қамчиқ довонин йўллари иланг-биланг.

Шошдаги қизларни бориб кўрай десам,
Уйдаги ёримни кўзи жаланг-жуланг.

Шошда кезар дутор-гитар оҳанглари,
Уйда қозон, киртоғора даранг-дуранг.

Гоҳида ер чопиб, гоҳи мол боқаман,
Гоҳи кўмир ташиб тилим саланг-суланг.

Мен каби зўр шоир сира бўлмас унут,
Юрсам-да қишлоқсифат гаранг-гуранг.

Кулкулни Наврўзда – туғилғон кунида
Эслайди халқ мушак отиб варанг-вуранг.

Деразадан мўралааб битдим.

^{1,2} Адолф Гитлер ва унинг ташқи ишлар вазири Робинтроп.

31. АЙРОНЛАШГАН ЗЎР ФАЗАЛ

Зап етилмишdir бўйинг оқ юзларинг ширмонлашиб,
Олд томондан олмазор-у, орқадан хирмонлашиб.

Суйканиб ёшлиқда кино келса патта олдириб,
Энди ҳеч қилмай писанд ўтдинг сочинг ўрмонлашиб.

Бўлма кўп беюз десам мен, “Фу!” дединг захринг сочиб,
Чиқмаса басдир газетда дўқларинг фармонлашиб.

Бир пақир айрон билан қолдим кетингдан термулиб,
Юз пақир орзу-умидлар минг пақир армонлашиб.

Мен қолиб кетдинг сайлға сатта пулдорлар билан,
Ўрганиб Лўндўн, Порижда юргали меҳмонлашиб.

Чиқмадинг хорижга, Кулкул, сотмадинг ҳеч ўзлигинг,
Борса ким Берлинға балки қайтадур гирмонлашиб.

Севгим келиб битдим.

32. ДАРАКЧИ ЗЎР ФАЗАЛ

Кирди бир қиз қалбима разбег билан,
Васлининг хуммоми тенг “Казбек” билан.

Айлади ишғол дилим бир зарбада,
Тўқнашиб лолман спесназдек билан.

Ортидан чопдим лапанг ўрдакланиб,
Ишрат кўлинда сузгали ғоздек билан.

Софиниб келдим фалон хил нозини,
Ажрашиб нози пича оздек билан.

Ки ўшал “Тико”симон¹ қиздан кечиб,
Бир очомлашсам эдим “МАЗ”дек² билан.

Севгида манзил тополмай Кулкулий,
Бўзлагай куйган юрак – жаздек билан.

Тугулганимни ниишонламай битдим.

¹ “Тико” – енгил автомобил

² “МАЗ” – юқ машинаси.

34. ҚАРДОШЛАРЧА ЗҮР ҒАЗАЛ¹

Украин қиз севги мухрин юракка босдию кетди,
Ўзимдан дор ясаб унга ўзимни осдию кетди.

Кўзи зангор ўша отин сездириб бой-баланд зотин,
Зулфига пуркабон олтин менга гўр қаздию кетди.

Юракни бир қилиб дангал, дедим “пастўй” чўзиб чангал,
Дебон “ай-яй” чап бериб сал, ўзин қутқаздию кетди.

Қолмас эрдим қўзим ёшлаб, кетса бир қисмини ташлаб,
Оёқдин бош қадар бошлаб баланду пастию кетди.

Оносига бориб тикка, десам: “Қизни бер ўзбекка”,
Боқиб оғзимда “Казбек”ка ақлдан оздию кетди.

Отосин билсам улфат деб, қувлади бир бало “... мат” деб,
Буни ёш авлодга хат деб Кулкулий ёздию кетди.

Украинани ҳурматлаб битдим.

35. ТАМТАМЛАНГАН ЗҮР ҒАЗАЛ

Қизик шеърлар тўқиб Шошга тижорат қилғали келдим,
Олифта баъзи шоирни хижолат қилғали келдим.

Ёрга ёлғондакам йифлаб, элга ҳам қалбаки куйғон
Дардфуруш тўдалар бирла рақобат қилғали келдим.

Миллатин қоқлаган бойлар, юртга бефарқ казоларни
Ширин гаплар билан зимдан ҳақорат қилғали келдим.

Ўлдириб хун олишлиқдан кулдириб жон олиш яхши,
Нафратимни мазахлардан иборат қилғали келдим.

Кулкулий, кул, димоғдорлар кулгининг қудратин кўрсин,
Қисинган Кулгининг рамзин Жасорат қилғали келдим.

Бозордан келибоқ битдим.

¹ Айрим “анақароқ” шеълар бу тўпламга киритилмади.

36. АЧИНАРЛИ ЗҮР ФАЗАЛ

Бўйи етғон санамни деб бўлиб қолди бошим ғир-ғир,
Бузиб ўтғоч қовоқ-киприк тўғонин кўзёшим ғир-ғир.

Ана Булбул яна Гулга менинг шеъримни куйлайдур,
Бўлак шоирга муҳлис ул Қарғаларга тошим ғир-ғир.

Бошоқдек бел эшиб дилдор кўзин бежо сузар бўлса,
Нафас пиш-пиш бўлиб туйкус, имо қилғай қошим ғир-ғир.

Ёғилса тош берардим дош, соғинтирса vale ёрим –
Танамни тарк этар чумчук тўпидек бардошим ғир-ғир.

Кўзи гўё ўгит айтур жабр қилсан сабр қил деб,
Тушунмас у пақиркалла – ўтиб боргай ёшим ғир-ғир.

Совчи бўл деб, э Кулкулмат, ёлладим қанча қондошни,
Етмади наф алардин лек бўлди ғойиб ошим ғир-ғир.

Шоимақом оҳангида битдим.

37. ДАҒДАҒАЛИ ЗҮР ФАЗАЛ

Охиратни сотиб қилғон кайфингга ўртанча бармоғим,
Одам номи яна исроф – ҳайфингга ўртанча бармоғим.

Пиён қўш улфатинг қурсин – бири қўшнинг, бири божанг,
Ўша қўш кулфатинг Нору Сайфингга ўртанча бармоғим.

Бобом ул деб, зотим бул деб кўринғон зотга қайдингга
Ва бўғзингдан булоқ бўлган қайтингга ўртанча бармоғим.

Айни рўза ойи миршабхона олдида маст ётдинг,
Танлаган жойингу топган пайтингга ўртанча бармоғим.

Тавба айлаб зора ювсанг қўланса айб-гуноҳингни,
Аслида бор гуноҳу бор айбингта ўртанча бармоғим.

Шеър ёзишни қийиб қўйдинг зўр радиф кашф этиб, Кулкул,
Ўз-ўзинг мақтағон сўнгги байтингга ўртанча бармоғим.

Тирногимга термилиб битдим.

38. ЧҮПЧАКНАМО ЗҮР ФАЗАЛ

Дугонандир бўйинга дур, қулоққа тилла осғонлар,
Улфатимдир куя тушғон қулоқчин бошда тўзғонлар.

Сенга сирдош фан-ҳунардан баҳт қидирғон орзумандлар,
Менга йўлдош текин ишрат топарға режа тузғонлар.

Ялаб болу мурабболар ёнингда бир гала тўлпоқ,
Қуруқ вино ичиб сўлғин ётар теграмда озғонлар.

Китобхонлик баҳона бир, кезарсиз уйма-уй меҳмон,
Бетаклиф тўйма-тўй юрсак биз – уйдин қўнгил узғонлар.

Бўлиб бир кўча ўтдингиз чирманиб шоҳи-атласга,
Тикилдик жим мазгисин ис, қўйлагин бурга босғонлар.

Баҳо бермиш бу ҳолатга Карл Маркс¹ бўлиб Кулкул,
Биз – қаровсиз эзилғонлар, гўзаллар – бизни эзғонлар.

Сал сиёсийлашиб битдим.

39. ТИЛИМ-ТИЛИМ ЗҮР ФАЗАЛ

Емрилса сўз бойлиги – тоғ қирчаланур,
Тил бузила борса элат парчаланур.

“Иноқ”, “Тотув” унут бўлиб, фақат “Аҳил” –
Қолса агар жингала соч калчаланур.

Арабий Ҳақ сўзидир, сев, форсийни уқ,
Лек жўясиз қўлласа, гап ғалчаланур.

Ўз тилимиз – ўз еримиз узра чинор,
Оврўпача чатишса мўл, арчаланур.

Ўзбекникин жангчи тили дерлар азал,
Бой берса қўрс эркаклигин, маржаланур.

Асра тилинг, Кулкул, яна ёт тилни бил,
Шунда жаҳонга қулоғинг дарчаланур.

Тилим куйганда битдим.

¹ Камхаржларни “эзилувчи синф” дея талқинловчилардан бири.

40. ДОИМГИДЕК ЗҮР ФАЗАЛ

Қайданам э күшбурун қиз тузоғингда шақал бўлдим,
Мамайқўрғон каби зулминг лашкарига қамал бўлдим.

Таксига пул бўлиб исроф совчилар сўлжайиб қайтгач,
Тахт суякни оғиздан олдириб итдек ўсал бўлдим.

Юрибман энди тентакваш, унудим қайдаман, кимман,
Бемакону bemetirk¹, беисм, бемучал бўлдим.

Бўлиб қўзёшларим уммон суздирман кема янглиғ,
Йифилса мен кабилар бу флотга адмирал бўлдим.

Яшардим шод ғўдайганча ўз-ўзимга бўлиб ҳайкал,
Оёғинг остида аспалга қорищдим, шағал бўлдим.

Кулкулий мен эдим одам дилдаги сирларим асраб,
Ўзимни шу қағозга беаёв чаплаб ғазал бўлдим.

Cир сақлолмасдан битдим.

41. ЭСЛИ-ХУШЛИ ЗҮР ФАЗАЛ

Билмагаймиз умр сўнгин, аммо билодир ўлим,
Жонимизни белгиланган дамда юлодир ўлим.

Ер устинда сиғмайин гоҳ жой талашсак зўрлашиб,
Ер остинда жим ётарға мажбур қилодир ўлим.

Эслабон бесамар кунлар, сергуноҳ онларни биз,
Ўкраб-ўкраб йиғлар эрсак, пинҳон кулодир ўлим.

Гафлат ичра ётар бўлсак, тирик дўстмиз ўлимга,
Ўлиб ҳам гар ҳаёт юрсак бағрин тилодир ўлим.

Яшай олсак одамий дард ва инсофда, Кулкулий,
Абаддурмиз биздан олдин ўзи ўлодир ўлим.

Тириклигимга ишониб битдим.

¹ Метрика – туғилганлик тўғрисида гувоҳнома.

42. ҚАЛАНДАРОНА ЗҮР ФАЗАЛ

Келса санам нархини Лайло қилажак,
Мажнунлатиб гўлларни шайдо қилажак.

Илдириб ишқ тўрвасини, васл тилатиб,
Кўпни гадо, ўзни яна шо қилажак.

Ким биладир – бизни атай айлаб гадо,
Саховатин қай куни ижро қилажак?

Кутсак-да ҳеч бор этмайн ҳимматини,
Ҳар гал яна бир фитна пайдо қилажак.

Энг ёмони – ялинтира-ялинтира,
Мендек йирик шоирни майдо қилажак.

Бағрим эзиб, тангрига тинсиз йиглатиб,
Кулкулни у сохта Ҳувайдо қилажак.

Таннозга ўчакишиб битдим.

43. ҲАЗИЛКАШ ЗҮР ФАЗАЛ

Кўпқават уйда яшарға кимники тоқати бўлгай,
Оносин елкалаб ҳажга борандек жаннати бўлгай.

Бошланур илк азоб-қийноқ оёқ ювмай ҳали сўфи,
Сутчи қизда опера хонандасин санъати бўлғай.

Иш-ўқишига чопса ҳамма, зина так-так, тарақ-тук, гурс,
Ит югурғон пиёнино товшининг ғурбати бўлғай.

Тунда кимдир ўқир оят, сўкар қай маст қувиб ёрин,
Чапда аза, ўнгда қизтўй, сўғин жанг навбати бўлғай.

Остки қўшнинг турбани данг-данг қилур кўпроқ йўталсанг,
Усткининг гоҳ тепангдан сув қуярга мандати бўлғай.

Ишда роҳат қилиб Кулкул, безиллаб уйга қайтмоқдин,
Қулаҳмаддек ер остиға киурға рағбати бўлғай.

Ота уйимни қўмсаб битдим.

44. СҮРОҚЛИ ЗҮРҒАЗАЛ

Девор оша боқай-чи бир ул қўшни қиз яккамикин,
Тирноғини бўяр, ана, хиногами, лаккамикин?

Неси мени мафтун этар, пишлоқсимон юзларими,
Ё ўзи думбул-шўрвада пишган ширин маккамикин?

Феъли жуда жангариридир, гап отмадим, қони унинг –
Қайси қабилага туташ – массагетми, сагкамикин?

Қанча тузук-сузик билан қувламачоқ ўйнаб роса,
Охир келиб тўхтаганим менга шу қиз паккамикин?

Тўзитадир хаёлларим юракка оғудек томиб,
Ёки бошим чаноғидан сизиб ўтган чаккамикин?

Сескантириб Кулкулни ким шақиллади боғ ортида,
У – севгилим оносими, ё шунчаки ҳаккамикин?

Очқаганимни сезмасдан битдим.

45. ХИЁБОНДАГИ ЗҮРҒАЗАЛ

Хиёбондан беадаб қиз йириқ кўйлак кийиб ўтди,
Эски артис аёл йўқ қошига қошлиқ кўйиб ўтди.

Кўрдию чол, кўзи қиймай оғзидан носни пуркашга,
Бу кампирни қарғамоқдан ўзин зўрга тийиб ўтди.

Чимилдиқ деб ўпар ёрин бирор тилпон бўткасида,
Пишиқкан масти келиб бўтка орқасиға сийиб ўтди.

Бир ғилай суратга тушди жаҳонгир ҳайкали бирла,
Узун курсини булғаб бир сўтак тарвуз сўйиб ўтди.

Пичоқ бирла уч ҳарфли сўзни иншо қилиб ўсмир,
Рўс тилидан имтиҳонин қайрағочга ўйиб ўтди.

Ўтиргоч курсига кўрмай ўчмағон чўғли “бичок”ни¹,
Пажарникка чопиб Кулкул шими лов-лов куйиб ўтди.

Томоша қилиб битдим.

¹ Бичок – сигарет ёки папирос қолдиги.

46. ФИДОЙИЛАРЧА ЗЎР ҒАЗАЛ

Яна шоир садо қилди икки минг иккинчи йилда,
Шеърга тинчин фидо қилди икки минг иккинчи йилда.

Қоғоз устида чип-чирмаш бўлиб илҳом париси-ла,
Билиб-бilmай зино қилди икки минг иккинчи йилда.

Тажанг чархнинг кетин чимдиг, қилиб тагин совуқ ҳазил,
Унинг сабрин адо қилди икки минг иккинчи йилда.

Аҳли шеърхон устидан у гарчи мутлақ эрур хоқон,
Ўзин сўзга гадо қилди икки минг иккинчи йилда.

Алаҳлаб шеъри битгунча, бўлиб телба, хайрият сўнг –
Эсин зўрга расо қилди икки минг иккинчи йилда.

Кулгини ёздим-у, “енгил” дея вайсаб куяр “зўр”лар,
Атай Кулкул “хато” қилди икки минг иккинчи йилда.

Мақола ёзмасдан битдим.

47. МИЛЛИЙ ЗЎР ҒАЗАЛ

Қовоқ устиндаги баргдек шапка кийсам ярашмайди,
Дўппи кийсам, амриконфеъл сур гўзаллар қара羞mайди.

Бир тийинсиз эсам кастўм-галстўқда, эгилгайлар,
Қўйни тиллога жиқ тўнда мен-ла ит ҳам сўрашмайди.

Хиром тўфлим кўриб “Бар”да оғисантлар кутар эҳсон,
Этиқда юрганим чоғим гадолар ҳам илашмайди.

Киймановга¹ башанг тасма тақар олуфта полвонлар,
Агар яктакка чит белбоғ ўраб чиқсан курашмайди.

Сўпоқ қизлар гитар ушлаб бўкирғондин тилар дасхат,
Дуторда “Гиря”ни айтсан, келиб теграм ўрашмайди.

Сиёсий шеър тўқиб бармоқ вазнида бой бўлди кўплар,
Битса Кулкул ғазал ишқий, тузукроқ пул тўлашмайди.

Пулим тугаётганда битдим.

¹ Кимоно – яккақураш кийими.

49. АХЛАТХОНАДАГИ ЗҮР ҒАЗАЛ

Кечиб ахлат беш ароқхүр яна тўкма палов қилдик,
Қозон – гаршўк¹, Нор чўлоқнинг ҳассасини кўсов қилдик.

Бориб пулсиз, дўкондан ундириб ур-сур билан вино,
Башир кўрни тирик ҳолда дўкондорга гаров қилдик.

Пиёла йўқ, шишадан тенг сўриб ичмоқقا винони,
Шеърчимиз Бемаконийнинг рўчкасин найгаров қилдик.

Газак қўмсаб Калон мерган чўзмада урди тўрғайни,
Чала-чулпа кабоб айлаб, тезда анов-манов қилдик.

Пишидию ош, келди қуршаб очқаган ўғри бароқлар,
“Фашист”ларни қувлабон тошийўлгача “ҳай-ҳаёв” қилдик.

Қара, Кулкул, ортга қайтсақ, қозон бўм-бўш, тураг бир ит,
Бўйнига айбин қўярға уриб-қийнаб сўров қилдик.

Алаҳсираб уйғониб битдим.

50. ЧАПАНИЧА ЗҮР ҒАЗАЛ

Юр, Мамажон, димоғни бир чоқ қилўвуз,
Йўлни тўсиб, қизларга ох-воҳ қилўвуз.

Қийқиратиб чўчитгали жағни буриб,
Кўзни ола, қошларни ўйноқ қилўвуз.

Бирлашибон бизга тўқир ғийбат яна,
Қирқ кўчага қирқини тарқоқ қилўвуз.

Оlam шу дам қизлару бизлар дегани,
Ўртага ким суқулса маймок қилўвуз.

Шубҳада дил – мазахлабон қизларни гоҳ,
Асли наҳот ўз-ўзни аҳмоқ қилўвуз?

Дер Мамажон дакки бериб: “Кулкул, бас-е,
Билмади қадримиз улар, “оқ” қилўвуз!”

Ўсмирликни согиниб битдим.

¹ Горшок – чақалоқлар мис туваги.

52. ҚЎШИҚЛАШГАН ЗЎР ФАЗАЛ

Юрак ичинда бир санам жимир-жимирни бошламиш,
Этим аро ажаб қитиқ қимири-қимири бошламиш.

Бозорда бехос бу тилим зоримни куйлай бошласа,
Лўли аёл чирмандаси диқир-диқирни бошламиш.

Қўшиқ эшитмоқ ишқида растага тўлди пашшалар,
Сочимга бургалар келиб шитир-шитирни бошламиш.

Элга Ҳувайдо шеъридек таъсир этиб нолишларим,
Пиёзфуруш йиғлоқилар пиқир-пиқирни бошламиш.

Танамда бежо бу жоним мардларни солса ташвиша,
Кулиб кунимга ҳеббилар қиқир-қиқирни бошламиш.

Кулкул санамга қул, бирок заргар дўконин ёнида –
Бир сўта тергаб хотинин, гупур-гупурни бошламиш.

Тирикчилик учун битдим.

59. БЕДИЛЧА ЗЎР ФАЗАЛ

Шод этарга бизни балки яхши одам яралган,
Токи бу баттол туғилди – яхшига ғам яралган.

Яхшиларнинг ҳар ишида гар худонинг акси бор,
Бу мараз хулқида шайтон қутқиси жам яралган.

Тегса фойданг “оғамсиз” дер, орқадан иғво тўқир,
Кўз очган пайт нур эмолмай тунда бешам яралган.

Ўзига иззат қидирмас, булғагай ёт иззатин,
Аслига тортар ҳанузким – йўргаги нам яралган.

Даврада мақтанар: “Отам эрди калхўзда раис”, деб,
Ё отосин шопиридан бўлиб “тўплам” яралган.

Шукур қил, Кулкул афанди, “тайка-бўлт”инг бут эса,
Ул ёмондин ўксима – бир “шайба”си кам яралган.

Бирдан жиоддийлашиб битдим.

62. ФАЛСАФИЙ ЗҮР ҒАЗАЛ

Энг қабиҳ жаллодни Тангрим балки жонон айлагай,
Ажал қувғонни шу асно қатлин осон айлагай.

Асил ишқин Яратғондин аяб, қизга берса лодон,
Куйдириб ул боши хумни, қизни хумдон айлагай.

Неча гўллар ўлимга тик бориб кўнгилли йўсинда,
Ўсма қўйғон замбаракка ўзин қурбон айлагай.

Тўйгача мўлтони барно кўрсатиб бағрини жаннат,
Тўй ўтиб-ла ўлжасин дўзахда гумдан айлагай.

Кроссдан имтиҳон олғай сўдма-сўд чоптириб гоҳо,
Гоҳ уйингга киритмасдан томда посбон айлагай.

Ўзи ҳар тур тўқиб жанжал ва Кулкулни этиб инпарк,
Сўғин дўхтири тезоблаб ўзи тилпон айлагай.

Касални йўқлагач битдим.

63. СУЮЛТИРИЛГАН ЗҮР ҒАЗАЛ

Боғда суюқмижоз малак хаёлга банди ўйланар,
Ким сўрадир қанчага деб дудокда қанди ўйланар.

Сонида калта кўйлаги, оёқда тўфли ўй суриб,
Шамолда ҳам қимирламай сочида банди ўйланар.

Суриштириб баҳосини, атрофида ивирсираб,
Чолу йигит, бою ғарип, зиқнаю танти ўйланар.

Бақ-бақалоқ кал пакана боқар газет бўткасидан,
Мантиқозонда тарвайиб гўёки манти ўйланар.

Тасбеҳини шиқирлатиб тикилди зоғ маҳсим ағо,
Тил учиди ё сўкиниш ва ёки панди ўйланар.

Қайси эшакбошга керак ўзга қаламқош ғалваси,
Уйдагиси камми дея Кулкул афанди ўйланар.

Боғ оралаб битдим.

65. ҲАСРАТЛИ ЗЎР ҒАЗАЛ

Э болам, биз яшаш илмин кўриб аҳволдан ўргандик,
Гаҳи олим, гаҳи оми, гаҳи дажжолдан ўргандик.

Сабрни – қўй, ғуурни – шер, ҳийлани тулкидан билгач,
Емни еб, сўнг сут беришни бир оддий молдан ўргандик.

Вағиллаб авқот тилашда гўдаклардан олиб ўрнак,
Аёллар кўнглин овлашни суюқфеъл чолдан ўргандик.

Бирор ётдан бир чеким нос сўрса ҳам ўртакаш бўлдик,
Шу носдан ҳисса олмоқни турфа даллолдан ўргандик.

Ғариблар ҳаққидан қўрқмай, ютиб ҳатто қири туғни,
Ўрнини теп-текис қилмоқ сирин дазмолдан ўргандик.

Э болам, Кулкул афандинг ҳама шоир каби ўгри,
Тунаб сўз гулларин тотли бўлишни болдан ўргандик.

Кексақориланиб битдим.

66. ИДОРАВИЙ ЗЎР ҒАЗАЛ

Бизга эй котиба қиз парво керак уч нусхада,
Баски фармон айладик, ижро керак уч нусхада.

Кир ювиб, ҳам рақс тушиб, ҳам ошни дамлаб келгали,
Биз Жунунга сендайин Лайло керак уч нусхада.

Кунда юз найранг тўқиб қилдинг гаранг, во қизталоқ,
Битта макринг енггали ҳилло керак уч нусхада.

Мўрт киши бардош беролмас бир хотин “вағ-вағ”ига,
Гар сени севдим демак ғавғо керак уч нусхада.

Мен ғарибона ўзбаг-у, атвори сен Ғарбонасан,
Хулқинг мусулмон этгали мулло керак уч нусхада.

Нозланиб Кулкулга, сўнг қошинг қоқарсан ўзгага,
Сенга ҳам, ҳайҳот, наҳот шайдо керак уч нусхада?

Бошлиқликни орзулаб битдим.

67. ЯЛИНЧОҚ ЗҮР ФАЗАЛ

Аё қўнглим, ўжар қўнглим, иззатинг жичча билсанг-чи,
Ахир даҳшатли шоирман, пойимга гоҳ эгилсанг-чи.

Куйиб талмовпадар қизга мени ҳам ғирт меров қилдинг,
Севиб оввора бўлмасдан, таппа-тайёр севилсанг-чи.

Мўйловим чанг қилиб боқдим дуволдан ёрга бароқдек,
Ани ҳолимга кулдирмай, анинг ҳолига кулсанг-чи.

Фарангтус бир сатангсиймо ҳаром ўлдирмасидан то,
Бирон жангоҳда юртингни қўриб, обрўда ўлсанг-чи.

Аё қўнглим, ўжар қўнглим, мени кўп изза қилмасдан,
Барча хирс курмакларини ўзингдан шартта юлсанг-чи.

Ана, Анвар ётур ғамнок бўлолмай бир қизга ҳоким,
Сенам, Кулкул, “амал” қувмай шоирлигингни қилсанг-чи.

Ўзимдан жаҳланиб битдим.

68. ЎЙЛАНТИРҒУЧИ ЗҮР ФАЗАЛ

Гил пуфакда яшар одам шум бўлиб,
Кичик-катта мамлакатга дум бўлиб.

Дўниб Искандара ёшлик шаҳдидан,
Қариганда емрилодир Рум бўлиб.

Яйрагай, тил қайрагай, ҳам сайрагай,
Жони сўнса, гўрга киргай гум бўлиб.

Ўтса йиллар бу гўрлардин дашт қолур,
Учиб юргай гадою шоҳ қум бўлиб.

Гўзал чинни чиқар шоир ҳокидан,
Қовоқкалла амалдорлар хум бўлиб.

Кўп артислик қилма ғовлаб, Кулкулий,
Тушарсан, бу саҳнада бир зум бўлиб.

Тошойнакка тикилиб битдим.

69. ТҮЙИМЛИ ЗҮР ҒАЗАЛ

Дил қаламқош, нафс эса ош тилар пайшанба-якшанба,
Ош туғиб хилватга жонон келар пайшанба-якшанба.

Хўрланиб ҳафтада беш кун, сув билан қоқ нонни еб,
Икки бор толеим чақ-чақ кулар пайшанба-якшанба.

Бир ўпид, бир кавшанурман, ёр юзин сийпалар чап қўл,
Ўнг қўлим думбали ошни силар пайшанба-якшанба.

Битта ўқда қўш қуённи тўнкаришга йўл топиб,
Қалб сурурга, қорин мойга тўлар пайшанба-якшанба.

Завқни қўймай қиёматга, тонгда қайтсан зиёфатдан,
Ғўр хотин рашк қилиб сочин юлар пайшанба-якшанба.

Ишқдаги бу омадимга ҳавасда дўстларим, Кулкул,
Куйиб душманларим бир-бир ўлар пайшанба-якшанба.

Уйда ош пишаётганда битдим.

РАҚАМСИЗ ОХИРГИ ЗҮР ҒАЗАЛ

Демиши Гулмат – гулиқаҳқаҳ бўлиб тарихга киргум мен,
Куйса Машраб шами, гулдек сўлиб тарихга киргум мен.

Агар Машраб ёқиб қаҳрин чирмовуқларға ўт қўйса,
Илжайиб аста томирдан юлиб тарихга киргум мен.

Ўзин мангу ҳайкалини курса Машраб ўзи билмай,
Илгаритдан жойим созлаб, билиб тарихга киргум мен.

Чақнаса фарқсиз боқурлар, додлашар портласа юлдуз,
Ҳама алломалар янглиғ ўлиб тарихга киргум мен.

Яна Гулмат демиши – Машраб сўзин нопокка ўқ қилди,
Ҳаром қўлга заҳарли гул илиб тарихга киргум мен.

Кулкулий, шеърларинг бол-хат, таъмида – кислота сулфат,
Элга Гулмат сирин улфат қилиб тарихга киргум мен.

Негадир битдим.

ЭШИТМАЛАР

ЖИЯНИМ ЭШВОЙ МАХСУМ МУНДОҚ СЕВМИШДИР

Ён қўшним эса-да биби Гулпарда,
Суқ солғон эмасман бўлмай деб суллоҳ.
Тунов кун кўз ташлаб тағин бир марта,
Чап ёним “жиз” этди, алҳамдуиллоҳ.

Ул кечак туш кўриб, кўп ҳузур олдим,
Қиз турагар тўйтандир оша мўралаб.
Уйғониб, ўзимга уч бор дам солдим,
Этимга хўрозий титроқ оралаб.

Вах, эгам, ўзинг айт – не дард бу танда?!

Қўрқаман юрагим ийиган сайин.
Балки бу ожиза – тозатаъб банда,
Балки зар балдоқли шайтони лайн.

Нетурман қонини булғаган эрса
Кайфсевар отоси ичғон винолар?
Нетурман эс-хушин чулғаган эрса
Ношаръий китоб-у, уят кинолар?

Лозимдир сўроқлаб етмоқ тагига,
Мактабда “хатбозлик” қилмағонмикин?
Ғаркўз ракқосалар тўгарагига
Жилпангланиб аъзо бўлмағонмикин?

Буларни ўйламоқ жоиздир, зеро –
Орада туғулгай қандхўр фарзандлар.
Қулоққа кирмас, то бола норасо,
Биз томондан ирод этилғон пандлар

Бошқа ёқдан вале солсак зоф назар,
Жадал совчи қўймак даркор ўртага.
Олмасак қизни тез тасарруфга гар,
Ем бўлур бернамоз Шермат “шўрка”га.

Улгайдик чекмасдан турмуш озорин,
Қизни деб ҳолимиз сал ишкал энди.
Тўйдан сўнг кўурмиз ёзиқда борин,
Жонимиз Оллоҳга таваккал энди.

...Чиқди сув олмоққа Гулпарда, ана,
Тангрим, бер қулингга ўткир тил, фаҳм.
Гап ташлай-чи, қилиб теракни пана,
Қани, бисмиллоҳир раҳмонир роҳим...

Тўланқоридан эшиитиб битдим.

ХОЛТЎРА ДАЛЛОЛ БАЛЕТНИ МУНДОҚ АНГЛАМИШДИР

Мўйловим шохлатиб бурун пастидан,
Ўхшабон қартада турган “валет”га,
Галстўк таққанча яктак устидан,
Маданий турхатда бордим балетга.

Обрўни бермасдан ёшларни нуқиб,
Гердайиб биринчи қаторга юрдим.
Калишни ечибоқ қўйинга тиқиб,
Билқиллоқ курсига чордона қурдим.

Довруқли базимда хасислик нечун?
Эл қўрсин – бизнинг ҳам наслимиз хондан.
Ўйинчи қизларга қистирмоқ учун
Майдароқ пулларни олдим кармондан.

Бир маҳал золдаги чироқлар сўниб,
Саҳнада қизил-қўк нурлар туташди.
Тақирбош бир мўнди таёкни йўниб,
Машшоқлар олдида кўп ўралашди.

Дирийжўр аталмиш сўнг билсан номи,
Чолғирлар аҳлининг экан имоми.
Аридек минғиллаб титради ғижжак,
Пайдо бўлди ногоҳ бир сочи гажжак.

Ё раббим, кўзимни кўр айла, майли,
Наҳот бу шоирлар зикр этган Лайли?
Ўқбурун тўфлида оёғи омоч,
Донғи баланд, ўзи яримялангоч.

Саҳнада кўргандек бўлиб чўрини,
Тўлди қорним пақкос афсусли ҳисга.
Пошшонинг Лайлидек қизин рўлини
Қай хумбош берибдур камхарж артисга?

Кийими йўқ бўлса, болдирин очмай,
Нетарди қўшнидан олса иштон қарз?
Зоти паст эри ё чиқимдан қочмай,
Ўлармиди эпга келтирса мараз?

Машшоқларни баттар тутқаноқ тутди,
“Ғат-ғут”дан қўлимни тиқдим қулоққа.
Чиқди Мажнун кўзда ланғиллаб ўти,
Андак латта илиб белдан бу ёқقا.

Лайлига дам бермай қувди ғиззо-ғиз,
Тутволгач қийнади тингламай зорин.
Мажнунга рано деб нуқсони йўқ қиз,
Бош узра кўтариб текшириди борин.

Баногоҳ недандир тўлмайин кўнгли,
Мушукдек отди қиз шўрликни четга.
Лайли бир амаллаб бешикаст қўнди,
Аразланди қўлин тўсганча бетга.

Номардлик қилганин англаф ғўр banda,
Узрин сўраб қизга ёпишди яна.
Худдики хумори жўшган кашанда
Чилимқовоқ билан топишди яна.

Қовурдоқ бўлди қиз – қўпди оқ тутун,
Бадани дириллаб масов турарди.
Жиннилиги қўзиб, тиланса Мажнун,
Кўзимиз лўқ қилиб мучча берарди.

Ошиқлар севгидан толганин уқдик,
Зеро, ерга беҳол тизза солишиди.
Пардалар ёпилгач, кўчага чиқдик,
Саҳнада шалпайиб икков қолишиди...

Байзақ паттацидан эшишиб битдим.

КАЛБАХШИ БИЛАН НОРБАХШИ МУНДОҚ ИРЛАМИШДИР

– Кампир ўлгач, қўбизингни қучоқлаб,
Хотин топ деб, кулоғимни пачоқлаб,
Йўлга солдинг охир чала пичоқлаб,
Қаёқданам совчинг бўлдим, Калбахши.

– Бепул овқат қўмсаб келдинг узокдан,
Хира қўзинг баттар лойқа булоқдан,
Фарқлолмайсан қизни ола бузоқдан,
Сен совчимдан куйиб ўлдим, Норбахши.

– Хотин излаб қўндиқ мана Тошканга,
Вокзолдаёқ учрар экан шошганга,
Қиммат экан, воҳ, жетмишдан ошганга,
Ёнчиғингдан тилло унсин, Калбахши.

– Майхўр гадой турса ўхшаб ўликка,
Жуфтак урдинг “метро” деган туйнукка,
Ё сичқонни олганмидим шерикка,
Сенга қолган куним қурсин, Норбахши.

– Бурга тушган пўстинингга буркандинг,
Трамвойга жуда ёмон ўргандинг,
Ҳар жувонга “пиш-пиш” қилиб суркандинг,
Қилпилламай, эркак бўп тур, Калбахши.

– Пулни пақкос гумдон қилиб қўнжингга,
Бозор кездинг ўхшаб мурти оқ жинга,
Пўчоқ арчмай банаң тиқдинг лунжингга,
Ке, қорнингга битта тептири, Норбахши.

– Ўзингни бил, менга қийшиқ бокмагин,
Сочдор жигитга ҳам қўзинг ёқмагин,
Ошхонада “пақ-пук” бурун қоқмагин,
Дўконга нос тупурмагин, Калбахши.

– Ҳар қадамда музқаймоқ еб чўнқайма,
Ҳар бўткага бошинг суқиб дўнқайма,
Хотинларга мендан гапир, анқайма,
Ўзинг мақтаб гупирмагин, Норбахши.

– Таънаю терс раҳматингдан тутоқдим,
Сен пастни деб минг аёлга қош қоқдим,
Нима қилай, ҳаммасига мен жақдим,
Сени кўзга илишмади, Калбахши.

– Гапинг ўтмай, ана, тажанг турасан,
Ўжар жувонларга итдек ҳурасан,
Жуганимни энди қайга бурасан,
Шаҳарда иш юришмади, Норбахши.

– Борган совчи текин чалпак жеп келар,
Келин билан тўрт эшакда сеп келар,
Сўнг қайнонанг қарғаб қарға бўп келар,
Жур, қишлоқдан хотин топай, Калбахши.

– Қўрс қайнона куёвни сал туртийди,
Қағилласа, ундан ким ҳам ҳуркийди,
Хотин эса бир булбули туркийдир,
Кимни топсанг, шуни ўпай, Норбахши!

Кўибахшидан эшиитиб битдим.

ТЎРТҚАВАТЛИЛАР

Умринг бўйи шукур қил – чапдан ўнғайгунингча,
Сени асраб келди Ҳақ ўсиб-қўнқайгунингча.
Балки бир юрт йўқ бўлди сен алжираб маст-алас –
Бир йиқилиб, бир туриб, яна дўнқайгунингча.

х х х

Ўз сўзи-ла яшар шоир пишиқ ё хомидан сўйлаб,
Бу руҳий хасталар қасрин тиканли ромидан сўйлаб.
Бўлма артис, Кулкулийжон, кеча бир артисни кўрдим,
Ўзи ножинс, тураг аммо Темурнинг номидан сўйлаб.

х х х

Бир гўзални мадҳ айламиш Мир бобонинг ўзлари:
Кипригининг соясинда деб парининг юzlари.
Жаҳонга бир айтсин энди Кулкулий ҳам ўхшатиб:
Ётар бурним салқининда уч маҳалла қизлари!

х х х

О, мадам,
Бизам одам.
Ошиқларни
Деманг подам.

х х х

Мўминтой қулга бу – фармонли дунё,
Орзуманд бандага – армонли дунё.
Фаҳмдор кишиға – қамчили каззоб,
Яллабоз анқовга – гармонли дунё.

х х х

Нари тур, э дилёқар қиз, ўзни мен ўтга топширмай,
Бир азобим қилиб мингта, ярамни йўдга топширмай.
Йўлинг пойлаб аёзда кўп тумов бўлдим, жавобгарсан,
Сени солдим Худойимга ишингни сўдга топширмай.

х х х

Ишқ тўрига тушдим бошда хато бўлиб,
Бормоқдаман СССРдек адо бўлиб.
Таннозларнинг мени вайрон этиш хавфи –
Тўрт томондан қуршаб келар НАТО бўлиб.

х х х

Табиат бир савоб ишга қодир бўлди,
Ёмғир ёғиб, йигит қизга қодир бўлди.
Ёмғир қуйиб ёғаверди, ёғаверди...
Билмадим – сўнг не воқеа содир бўлди.

х х х

Бир умр ойликчи бўлдим, минг шукур, турмасиз ўтдим,
Йигит балдоқли замонда ўсмасиз-сурмасиз ўтдим.
На солиқчи, на миршабман, ва на божхона аёни,
Юриб одам либосинда, шапкаю фўрмасиз ўтдим.

х х х

Булбул ўхшаб Кулкулга,
Ул-бул деди тул Гулга.
Бул Гул дер ул Булбулга:
– Гул қул фақат пул-мулга.

х х х

Ёзғон оним – шодон ону жонон он,
Шеър пуркамай урсам нафас – бежон он.
Дўст билан кечган дамим – дармон он,
Қиз билан кечган дамим – сарсон он.

х х х

Чинор осон қуриб битмас, фақат барги сўлди сал-пал,
Бу булоқ қақрамас гарчи бағри лойга тўлди сал-пал.
Хумор ёзмоққа, э ёғий, излама Кулкулий қабрин,
Шеърлари то ҳаёт эркан билки шоир ўлди сал-пал.

х х х

Эдим нодир кас,
Қилдинг хору хас.

Билмадинг нархим,
Демак, зотинг паст.

Х Х Х

Сўйлайин мен сизга чин афсонадан,
Кўп жабр кўрдим ўжар жононадан.
Охири васлин тугал тарк айладим,
Мисли от қочфон каби отхонадан.

Х Х Х

Қул ҳабашдек ёзар шоирлар терлашиб,
Келса зора наф бозоргир гап шеърлашиб.
Кредитдур қоғоз, қалам ижорадур,
Яна ҳангомалар экдим фермерлашиб.

Х Х Х

Юрмас ажал кўп хуррам бўлиб,
Умримдаги чегарам бўлиб.
Бу саҳнага чиқурман қайтиб,
Неварам ё чеварам бўлиб.

Х Х Х

Чўнг шоир шеър-ошин бир гадосиман,
Ўша зўр паловлар маставосиман.
Балки мен Ҳувайдо йиртворган дафтар,
Балки шо Машрабнинг пайтавосиман.

Х Х Х

Безори қизларга шайдо бўлибман,
Ишққа бурним суқиб расво бўлибман.
Эдим обод мисли “Ўзбекбирлашув”,
Кейин “РайПО”, охир “СелПО” бўлибман.

Х Х Х

Турк назмида Мир бобо тортиб алам,
Айламиш бу мамлакатни якқалам.
Чекиб авом-шевада мен кўп заҳм,
Хўрор улфатларни қилдим якфаҳм.

Х Х Х

Этолмас бўлса халқин шод, йиғласин у тузум хомуш,
Бу халқим ҳолидан огоҳлиги боис кўзим хомуш.
Миллатин босса тушкунлик, гажир шоир берур далда,
Ёзарман эл учун қувноқ, яшарман лек ўзим хомуш.

Х Х Х

Туғилғоч зарурат бехос ҳазин кўнглим кўтармакка,
Қарор қилдим эски хотунни томирдин қўпормакка.
Янги хотун топиб эрдим, кўрунг, тинмай минур мошин,
Лойга ботса не тоқат бор уни ҳадеб итармакка?!

Х Х Х

Бу оламнинг teng ҳуқуқли аҳлисан,
Бахти бўлиш учун тўла ҳақлисан.

Шеърим ўқи, мағзин тушун, баҳтга бот,
Тушунмасанг, ундан баттар баҳтлисан.

х х х

Үёти йўқ зот ўётдин ўлмағайдир ўлмаса,
Фикри қул нурсиз ҳаётдин ўлмағайдир ўлмаса.
Ўзганинг дардларин уқмас то ўзи дард чекмаган,
Ўз “Баёт”и йўқ “Баёт”дин ўлмағайдир ўлмаса.

х х х

Ўтиб баҳор-ёзим, шу қишдан –
Истеъфога чиқдим севишдан.
Демак боши очиқ хонимлар
Энди холи хатар-ташвишдан.

х х х

Умринг сўнар баҳт деган юлдуз милтиллагунча,
Кўз аланглаб кипригинг ҳайрон пилпиллагунча.
Ёшлигингни берма бой, бос тиканни, ўтга кир,
Ёшлик ўтар қўшни қиз уч-тўрт жилпиллагунча.

х х х

Текин майни ғўдайганча ичар бу зот,
Ҳажда олган тасбеҳидан кечар бу зот.
Чиқса кимса ўзидан зўр, ҳасад қилгай,
Сўнг ҳасадни ёмонлаб гап бичар бу зот.

х х х

Борми сел, зилзила, вулқондин ёмон,
Қашқири шер – қончи ҳайвондин ёмон?
Топилмас офату йиртқич жаҳонда
Шармсиз, тухматчи инсондин ёмон.

х х х

Ўз динимга нур бўлдим,
Тилим бермай, сур бўлдим.
Мендан охир безди ёв,
Банди эдим, хур бўлдим.

х х х

О, Кулкул, тескари дунё – тагингда,
Билмасдинг сирин маст ётмаганингда.
Энг қизиқ нарса – энг зерикарлигу,
Энг кутган нарсанг – энг кутмаганингда.

х х х

Мен ухласам, нафас ростлар қаламим,
Дилим тирнар тушимда зўр аламим:
Ичишда teng келсам-да минг улфатга,
Ёзишда teng келмадим бир Гулматга.

Барини бир ўзим битдим.

СЎТАРУБОИЙЛАР

Дутор чертай дингир-дингир,
Ўйна, ёрим, қинғир-синғир.
Бир кунда бир ичиб келсам,
Қилма ҳадеб минғир-минғир.

Х Х Х

Токи шаҳват-ла жам бўлдим,
Ўз танамда ярам бўлдим.
Эркли “республика” эрдим,
Бир бузуққа қарам бўлдим.

Х Х Х

Ясансанг мен тақинчақман,
Чўмилсанг мен оқинчақман¹.
Безиб кетсанг қочолмассан,
Оёғингда қоқинчақман².

Х Х Х

Гарчи жанжалда баландdir,
Дод солишда зўр талантdir.
Кўшилар билmas, хотинчам –
Худо ургон семувлантdir³.

Х Х Х

Мўйқалам дер – мўйлови ўқ:
“Сариқ ранг – оч, қора ранг – тўқ.
Шундан фараз қилурмизки,
Бу оламда ҳақиқат йўқ!”

Х Х Х

Хаёлимда кезаргонсан,
Мени қийнаб эзаргонсан.
Дилим юлдинг, моча ўгри,
Шу боисдан гезаргонсан.

Х Х Х

Сочингга мен турмакчиман,
Тароқ бўлиб кўрмакчиман.
Бизни ҳеч ким ажратолмас,
Сен ўрмак⁴, мен ўрмакчиман.

Х Х Х

Гуруч эдим бошоқланиб,
Кўп эзилдим оқшоғланиб.
Рубоб билан солдим охир
Ўжар қизни машшоқланиб.

¹ Сувда оқиб келган мева, оқизиб ейилган қаттиқ нон кабилар.

² Оёқ бармоғида қоқинишдан қолган яра-чақа.

³ Симулиант, яъни муттаҳам баҳоначи демокчи.

⁴ Ўрмак – тўқилаётган матонинг чатишма иплари.

Х Х Х

Шафқатинг, ёр, сероб бўлсин,
Лабинг бепул гулоб бўлсин.
Севги қоидасин бузсам,
Бу жоним иштароп¹ бўлсин.

Х Х Х

Кел, ошна, қаҳрингдан узат,
Ёв қўпса, жаҳлингдан узат.
Ортса лек жоҳиллигим,
Ахлиққа² ақлингдан узат.

Х Х Х

Қўлма-қўлсан, сен ясанғи,
Сенга, ёрим, мен асрани.
Асқотурман, чиқса ишдан –
Барча қаланғи-қасанғи.

Х Х Х

Ўй-хаёлга итоб бўлдим,
Шеър ёзарда шитоб бўлдим.
Эдим балки ёмон одам,
Вале михдек китоб бўлдим.

Ҳолдан тойгунча битдим.

¹ Штраф – жарима.

² Ахлик (оклиқ) – қатиқ ивitiшда сутга қўшиладиган сузма.

ТУЮҚ-СУЮҚ

Девонаман! Ёқмасам гар қидир соғин,
Ё бўлмаса, мен соғинсам сен ҳам соғин...
Чиқсин ёринг суйганингга лойик чаққон
Ва сиринг боққанингга лойик соғин.

х х х

Савалади бирдан баҳор ёғини,
Уйга чопдим ушлаб пахта ёғини.
Дедим йўлим тўсғоч сурбет Нор пиён:
– Қоч! Шишада виномас, бу – ёғ, ини!

х х х

Ўйлама, эй фитнакор қиз, шайтон ўйин,
Мени ишқий ипга бойлаб қилма ўйин.
Жар деворин ўйиб қушлар ин қурибдир,
Кел, дилимдан ўзингга сен энди ўй ин.

х х х

Спирт бердинг қошиқ-торозингда тортиб,
Пашша ҳатто кайф қилолмас буни тортиб.
Э дўхтири қиз, юракчангни кенг қил пича,
Бунча хасис, бунча зиқна, бунча тор тиб?!

х х х

Қўзларингдан тама сездим, сўзларинг ҳам тамаки,
Бўғилдим мен буни пайқаб, чекиб тинмай тамаки.
Асли бузган тарбиянгни бўйинг етғон ҷоғдаёқ –
Гаҳи пинхон бериб ҳадя бизнесчи Т. амаки.

х х х

Келиб бир бий Қўнғиротдан,
Тураг тушмай қўнғир отдан.
Дедим: “Шоирга қил таъзим,
Қани, ерга қўн Ғиротдан!”

х х х

Саёҳатга тузиб бошда лойиха,
Йўлга тушдим, жонга тегди лойи, ҳа.
Қишдамас, ёз сайр этсам нетарди,
Эшагим ҳам жеркиб берди: “Лой, иха!”

х х х

Кунда ёндин, эринмай ёр ёқди кунда,
Аканг – қурбон, севги – болта, жафо – кунда.
Жар тубидан ирғисам гоҳ ёруғликка,
Бошга шувшибиб тушар такрор қаро кун... Да!

х х х

Қалб ўчоғ-у, бу қиз гўё ўтинчим,
Кулогига кирмагай ҳеч ўтинчим.

Ястанурдим ёйса сочин майсадек,
Хом хаёл бу... Қачон бўлмиш ўтин чим?

х х х

Ўлгидек мен яхши қўрдим... Аммо, у-чи?
Ҳатто тутқич бермагай ёр сочин учи.
Эллигимда чарчадим, қувдим ўттиз йил,
Увол кетди ҳаётимнинг бешдан учи.

Тинчгина ўтиrolмай битдим.

УЧПАХСА

Кўп қийнади йифлатиб,
Охир мени ухлатиб,
Эрга тегиб кетди у.

х х х

Уй ёнмоқда беомон,
Соҳиби юрар шодон,
Куймади деб соқолим.

х х х

Наша уруғ еб оз-моз,
Хужум қилди ёш хўрор
Оч ётган бир қассобга.

х х х

Топилди чит тўшагим,
Солғон экан эшагим
Севгилисин остиға.

х х х

Бу денгизнинг балиғи
Нега “Шўрсув солиги”н
Тўламасдан юрибди?

х х х

Буғдој ўрим – бир бора,
Пахта кетма-кет бола –
Кўраверар ўзбекдек.

х х х

Олтиариқ томонда
Юрибди қўқ чопонда
Сен ўлдирган бир йигит.

х х х

Уқтиридим гўл сичқонга:
– Тушдим дема қопқонга,
Янги номи – божхона.

х х х

Доим дорда ўйнайдур...
Уни кимлар қийнайдур
Сиғдирмасдан кенг Ерга?!

х х х

Шеър – мияга ош бўлар,
Тўдасига бош бўлар
Китоб еган каламуш.

Сабрим учма-учланиб битдим.

ИККИҚАТЛАР

Шароб ичсанг яна шерикман,
Э хайрият, демак тирикман.

х х х

Гоҳ чекаман жиддий азият,
Хом шеъримга ўқиб таъзия.

х х х

Оtingни сот, молингни сот сен
Ва сотиб ол андак уёт сен.

х х х

Тамаки гоҳ дардим оладур,
Ҳаётимни сақлаб қоладур.

х х х

Лабингдаги бу хол кишмишдан,
Қорайган у турли мишмишдан.

х х х

Норполвонга қарашли бу гўр...
Ҳа, мен энди Норполвондан зўр!

х х х

Ер – худойим ясаган варрак,
Миллиард йилки учар бепаррак.

х х х

Гарчи сенга йўлчиюқдурман,
Унутма, ёр, мен буюқдурман!

х х х

Кўзинг чироқ, бирам хумордир,
Кенг шлёпанг чироқтумордир.

х х х

Тошқин бўлсанг, ўзим қирғоқман,
Мошин бўлсанг, автотурғоқман¹.

¹ Турғоқ – уловлар қўйиладиган маҳсус жой.

х х х

Ўлсак бизда ўлар манманлик,
Душманларда эса – душманлик.

х х х

Ҳар балодан асрайман сени,
Йўқ қилмасанг бас, дўстим, мени.

х х х

У шоирдир, йўқдир амали,
Амал асли – шоир ажали.

х х х

Ўсай десанг, ўзингни босвол,
Тилингга қирқ ботмон тош освол.

х х х

“Хўроз” номинг йўйма ёмонга,
Шафқатли бўл товуқсимонга.

х х х

Сасиб-жийиб сўкар авомни,
Кўрмаганми оғзи ҳаммомни?!

х х х

Узр, опой, мен ҳали кичик,
Кўксингизни ўйлабман ўпчик¹.

х х х

Сен сотарак², ёр, мен олармон,
Ва кўтара савдо тиларман.

х х х

Дўст тутма, у нопок бандадир,
Пўст шилувчи ўроқрандадир.

х х х

Хотинсираб ёнмоқда юрак,
Э қиз, бўлгил менга ўткурак.

х х х

Кўпчиб пишди кўксингда ширмон,
Кўзим гўё узмич³, э жонон.

х х х

Хиёбонда бир дўндиқ кезар,
Хавфсизроқдир ундан бошуzar.

х х х

Маст бўлдим деб, ичиб қимизак⁴,
Боғчага ўт қўйди тирмизак.

х х х

Шу кунгача сақладимки жон,
Демак дунё эмасдир ёмон.

¹ Ўпчик – сутли шиша сўргичи.

² Сотарак – дўйконча, магазин.

³ Узмич – тандирдан нон узадиган мис чўмич.

⁴ Қимизак – квассимон чучук ичимлик.

х х х

У – нодиру сарсонроқ эди,
Бу – шодону арzonроқ эди.

х х х

Шеър – Алпомиш, ғазал – Барчиной,
Бирон-бирин ёмонлама, ҳой!

х х х

Кеча ўлдинг демагил менга,
Туғилгайман асли индинга.

Иккиланиб-иккиланиб битдим.

ҚОФИЯҮЙИН

– Кўзи сузилган...

– Бузилган.

Х Х Х

– Бошлиқقا совун...

– Муовун.

Х Х Х

– Илжайган ёв...

– Куёв.

Х Х Х

– Йўлдаги дилдор...

– Пулдор.

Х Х Х

– Ўтиб бўлмас ғов...

– Гўрков!

Х Х Х

– Умрдаги ямоқ...

– Қамоқ.

Х Х Х

– Пишиқ мутахассис...

– Ҳасис.

Х Х Х

– Ўртоғим оч...

– Қоч!

Х Х Х

– Гапирмай ёллар...

– Доллар.

Х Х Х

– Ишқий хат...

– Иккиқат.

Х Х Х

– Чора...

– Пора.

Х Х Х

– Рамзий виждон...

– Иштон.

Йўқдан кўра битдим.

ЎРТАБАРМОҚ

Зиндонда бит? Гуноҳи нима?

х х х

Товуғингни едим, ҳей хўроз!

х х х

Илжаймай ўл, севдирдинг мени.

х х х

Бир қоп савоб олдим бозордан.

х х х

Гўрдан чиқди сигарет сўраб.

х х х

Хотинига сотди эрлигин.

х х х

Ит саёқ, лек қимор ўйнамас.

х х х

Рўмолча бор, Дездемона йўқ.

х х х

Тушликда уч ликоп баҳт едим!

х х х

Уйланганмиш коптокка тарвуз.

х х х

Ол-э, ана маданиятинг!

х х х

Гўшт еса-ку қўйдан қўрқардик.

х х х

Калда тароқ, қўрда чироқ бор.

х х х

Сол пашшани! Гап пойлаяпти!

х х х

Ким танир? Бу кимнинг ҳайкали?

х х х

Ҳинд киноси хотиндир унга.

х х х

Гўнг еб қўрди ҳаваскор юлғич.

х х х

Саройгами? Қалин шим кийвол.

х х х

Кийнайсан-да инсофли бўлсам.

Х Х Х
Навбатга тур... калтак ейишга.
Х Х Х
Ит эгасин қопмас, пул қопар.
Х Х Х
Кўнглингга кўп бурнингни тиқма.
Х Х Х
Музей – Гулмат нос тупурган жой.
Х Х Х
Ҳў, гадой! Ма... данак чақиб бер!
Х Х Х
Йиқилдингми? Нега чиқувдинг?
Х Х Х
Қоч! Қуёшни тўсма, шамчироқ!
Х Х Х
Дўст бўлармиш... тилимни тийсам.
Х Х Х
Шеър ёзмадим... Ана маҳорат!
Х Х Х
Еб бўлдингми? Энди хизмат бор...
Х Х Х
Энг қизиқчи – тобут ўғриси.
Х Х Х
Ошқозонга ўхшар нигоҳи.
Х Х Х
Шу шўрвага чўкким келяпти...
Х Х Х
Дўстлашолмас Най ва Ноғора.
Х Х Х
Бекор кетдинг. Соғинмадим ҳеч.
Х Х Х
Танийман, ғирт эрхўр хотин бу!
Х Х Х
Сўзи сассиқ, овози ширин.
Х Х Х
Шимим мендан кўра пулдорроқ.
Х Х Х
Сотиб олдим уч кило китоб.
Х Х Х
Бир ўпич деб овқатсиз қолдим.
Х Х Х
Мени тинч қўй... Бўпти, даҳосан...
Х Х Х
Ой бунча тез бўғоз бўлтурад?

x x x

Ўлиб қолди қарсак чалётиб.

x x x

Калтак еб-еб, қизиқчи бўлдим.

x x x

Ўз шоирин танимади шеър.

x x x

Кема чўқди... Сузмоқда калиш...

Узун ўйлаб, қисқа битдим.

ХУШЛАШУВ

Мен ўқиб шеър, сен текин май ичиб турдинг,
Қочиб оғзинг иштонбоғи, қичиб турдинг.
Гаҳи “Қойил!”, гаҳи “Ҳа, дўст!”, “Офарин!” деб,
Ҳар гужум байт шаънига қин бичиб турдинг.

Шеър ўртада, лек қачон май илиндинг сен?
Кулиб сохта, ёлғондакам куюндинг сен.
Хотиндан дод десам бирга уриб фарёд,
Аслида хўб ич-ичингдан суюндинг сен.

Бевафо дўст, ўжар ёрдан жоним куйди,
Элу юрт деб томирларда қоним куйди.
Шуки қўшғон улушкинг бу ёнишларға,
“Хон”ингдан¹ чўғ тушиб дастурхоним куйди.

Майфурушни куйласам, сўз далда қилдинг,
Сутчи қиздан сўйласам, сал зарда қилдинг.
Охири гал келанда “Ўртабармоқ”ка,
Хуррагингни илҳомимга парда қилдинг.

Пайти етди балки, ошна, хушлашармиз,
Ҳали шеър, май устида қўп қўшлашармиз.
Китобда шеър, кўзада май тугаб битди,
Ўтирасак гап айниб энди муштлашармиз.

Битдим-қўйдим.

¹ “Хон” – ўзбек сигаретларидан бири.